


27



ABECEDARIUM

VITÆ SPIRITUALIS
EXPLICANS

NATURAM, CAUSAS, GRADVS,
MEDIA, IMPEDIMENTA,

&

INSTRUMENTA PRACTICA
RELIGIOSÆ PERFECTIONIS

Omnibus Vitæ Asceticæ Cultoribus

Scitu necessarium.

Operâ.

F. H. 27

Olim, Reverendi in Christo Patris CHRYSOSTO-
MI ADAMOVII, Ordinis Sancti PAVLI Primi
Eremitæ Definitoris Provinciæ Polonæ, &
Magistri Novitiorum ex varijs Authoribus

COLLECTUM.

Anno Domini 1648.

*R. R. P. P. Camaleculat
Montis Argentinæ*

Nunc verò

In usum commodiorem Religiosæ Iuventutis

ad Cracoviam

PRÆLO DATUM.

Anno Domini 1720.

Typis Clari-Montis Czesłochoviensis.

Estote ergo vos perfecti, sicut & Pa-
ter vester cælestis perfectus est.

Matthæi 5.

Venire quidem ad Eremum summa
perfectio est, non perfectè in Ere-
mo vivere summa damnatio est.

Sanctus Cesarius.

Illos gehenna devorat, qui in habitu
Religionis negligenter vivunt.

S. Odo Cluniacensis.



VIVO PERFECTIONIS EXEMPLARI.

Admodum Reverendo, ac Eximio in

Christo Patri,

P. BRUNONI MATTHIÆ

JANICKI,

FRATRVM EREMITARVM ORDINIS SAN-

CTI PAVLI PRIMI EREMITÆ,

Per utramq; Poloniam, Silesiam, ac Pomeraniam,

PRIORI PROVINCIALI,

Patri, Patrono, ac Benefactori Singularissimo.



*N*fima Probationis domus sua Tibi of-
fert Elementa. Admodum Reverende
ac Eximie in Christo Pater PROVIN-
CIALIS. Nec erubescit exotico inti-
tulatum nomine Abecedarium, in Paterno reponere

finu, dum se recolligit Te aliquando habuisse alu-
mnum suum, qui Docto licet progenitus Iove illud
pijs manibus volvere & eruditâ mente scrutari non
erubuiſti. Magna intendeſbas & ideo à minimo in-
cipieſbas: altam fabricam Perfectionis in Schola Chri-
ſti erigeſbas, & ideo ab imo gradu inchoaſbas, quæ
tantò auguſtior ſurrexit, quantò humilius fundamen-
tum poſuiſti. Nimirum paulatim ſumma petuntur.
Sic valet ima ſummis mutare Deus Non prius
tonans è ſacrationibus exedris Pericles, non prius Phi-
loſophie, Theologieq; Doctor extitiſti, antequam Abe-
cedarius Paulinus extiſſes; plus dicam ſupremum di-
gnitatis in Provincia Polona culmen per virtutes quaſi
per ſcalam aſcendiſti Ita loco humili ſtare neſcit
virtus Non poteſt hæc Rudimenta Novitiæ Perfe-
ctionis repellere, quæ prius tuo expreſſa animo, quam
recenti adumbrata Typo legebantur: & hæc Dedi-
catoris animus dum digniſſimis porrigit manibus ſimul
Paternis ſubſternitur Plantis. Dabit meliorem opus
hoc non vile laborum Incipientibus lucem, dum à
Te Theologorum ſole mutuabit ſplendorem, quem to-
ti Paulino imò & Polono latè diffundis Orbi nempe
à quo fulgurat lumen vultuq; cultuq; & fideli non
dubius ſedet in ore candor: Admiratus Mons Ma-
rianus lumen tuum, quod è duodecim ſignis Zodiaci
evibraſti. Stetiſti lucidiſſime Planeta in Leone ex
quo

quo mortalibus agris naturam Deorum nescientibus
Theologicis argumentis Deum verum à posteriori de
monstrasti. Gemmee Pater mansionem in Geminis fi-
xisti ex quibus dari Angelos, Eosdemq; esse in loco
per operationem docuisti. Petisti signum Sagittarij ex
quo tractatum de actibus humanis sagittasti. Ingres-
sus Arietem aureum velus Gratiae totondisti. Ap-
prehendisti Libram secundum quam reddere unicuiq;
quod suum est de jure & justitia præcepisti. Taurum
Capricornum, & Cancrum incoluisti, ubi virtutes
Theologicas, Fidem, Spem, & Charitatem, schola-
stico calamo exarasti. Virgo Tibi Heroscopus fuit
in quo admirabilem Incarnati Verbi Generationem
legisti. Ex Aquario Sacramenta hausisti, quæ cre-
dentibus ad salutem necessaria propinasti. Luxisti in
Piscibus dum lugentibus peccatoribus Penitentiam
prædicasti. In signo Scorpionis effulxisti, dum con-
tra peccati venena efficax remedium præscripsisti. Er-
go lucidam celo terræq; invexisti, Coloniam non solum
scientiarum, sed etiam insignium virtutum fulgore il-
lustratam, quàm sine nube factorum longiori annorum
Cursu inhabita ita cum tota Perfectionis schola precatur.

Admodum Reverendæ Paternitati Vestræ.

Humillimus Servus,

Fr. ELEVTherIUS BIERNACKI, indignus Fra-
trum Novitiorum Magister.



F A C V L T A S
A. R. P. PROVINCIALIS.

CVm Abecedarium vitæ Spiritualis quot quot
è gremio Fratrum Ordinis Nostri in Noviti-
atu probaverunt, ipso facto per Sacram Professi-
onem approbaverint, ideo auctoritate nostrâ Pro-
vinciali facultatem concedimus, ut pro Majori
Religiosorum commodo Typis Nostris domesticis
mandari possit, si ita iis visum fuerit ad quos or-
dinaria spectat librorum censura. Datum in so-
lita residentia nostra Clari Montis Czestochovi-
ensis Anno Domini 1720. Februarij.


Fr. BRVNO IANICKI S. T. D.
Prior Provincialis. *mpp.*





Anno Domini 1719. Die 10. Octobris, Librum
sub titulo ABECEDARIUM Vitæ Spiritualis, ad
Typum Approbo.

M. BASILIUS PŁASCZEWSKI, Sac: Th:
Doctor, & Professor, Ecclesiarum Cathe-
dralis Crac: Canonicus, Collegiatæ San-
ctorum Omnium Crac: Præpositus, S.R.M.
Secr: Librorum Diœcesis Crac: Cen'or *mp.*



INTRODUCTIO
A D
ABECEDARIUM
PERFECTIONIS
RELIGIOSÆ



UI itineri aut navigationi seipfos dare consti-
 tuunt prius sciant necesse est, quo aut quo-
 modo tendant, in quem locum aut Urbem
 proficiscantur, ne in cognito fine aut mo-
 do iter terrâ marive capeffentes, unde requi-
 em, & securitatem expectabant inde infanis
 laboribus obruantur. Eodem plane modo
 qui vitæ Religiosæ stadium DEO Honori-
 ficæ, tibi uulter decurrere decrevit, profectio-
 nis seu itineris sui
 finem, & modum, ipso ut in Tyrocinio cognoscat est necessa-
 rium, ne post multos & graves in Religione exantlatos labores
 aberret, & Cælestibus diuitijs vacuum se deprehendat. Finis
 iste ex communi sententia SS. Patrum, & Asceticæ disciplinæ
 Magistrorum non est alius nisi perfectio vitæ spiritualis. Quare enim
 Religiosus sæculum relinquit, nonne ut perfectior evadat? Domi-
 no attestante cum ait: Si vis perfectus esse vade vende omnia &
 sequere me. Quare idem Religiosus in Paupertate vivit? car-

A

nem

nem suam macerat, ieiunijs disciplinis cilicijs & alijs huiusmodi mortificationibus domat? nonne ut Perfectionem acquirat? Quare Passiones reprimat, vitijs fortiter resistit, nonne ut maiorem Perfectionem quam sæculares præferat? Perfectio itaque est finis & terminus ultimus in hac vita cuius gratia homo Religiosus operatur. Verum quia Nomen hoc magnam plerumque perplexitatem in animis generare solet, antequam ad alia veniamus, oportet interim tanquam fundamentum præsupponere, quia Perfectio multa & multifariam in se complectitur, seu ut clariùs dicam: ad perfectionem multa diversa, & diverso modo sunt necessaria. Aliqua requiruntur, & influunt ad perfectionem per modum Essentiæ, ut Charitas DEI & Proximi, aliqua per modum effectuum, ut vitiorum extirpatio, Passionum Mortificatio & Virtutum exercitatio. Aliqua per modum Instrumentorum, ut vota Essentialia. Aliqua per modum mediorum ut mortificationes animi & corporis, Meditatio, Sacramentorum frequentatio &c. Aliqua per modum Incitamentorum ut habitus, tonsura, inclinationes, & alij Religiosi ritus externi. Hinc in tam lata & diversa materia varij & ingentis de Perfectione prodierunt libri. Pro usu & captu faciliiori Incipientium totam hanc latam Varietatem contraham ad septem Capita. In primo agam de Natura perfectionis. In secundo de effectu seu de Primo Gradu. In Tertio de secundo gradu. In quarto Capite de tertio. In quinto de Medijs. In Sexto de Impedimentis. In Septimo de praxi ejusdem perfectionis. Porro exotico Abecedarij nomine tractationem inscribo quia prima Rudimenta seu Elementa Religiosæ perfectionis continet, quæ omnino debet scire & exequi, quicumque vitam spiritualiter iuxta vocationem Religiosam intendit componere. Lege igitur Charissime Tyro Abecedarium tibi proprium revolve, in laudem Omnipotentis & fructu.

C A P U T I.

DE NATURA PERFECTIONIS.

Quatuor Paragraphis Naturam Perfectionis expediam. *1^o* Primo agam de Nomine Perfectionis, In Secundo in quo consistat. In Terrio explicabo Amorem in quo Perfectio consistat. In quarto dicam quot gradus habeat, & causas.

§. I.

De Nomine Perfectionis.

Multis modis Perfectionis Nomen accipi solet. *1^{mo}*. Pro bonitate seu integritate naturali Entis: Sic Aristot. definit perfectum in Ethicis: perfectum est cui nihil deest. *2^{do}*. Pro quacunque virtute morali: Sic Christus Dominus Math. 5. Dilectionem inimicorum vocat perfectionem & Math. 19. Paupertatem. Sic S. Iacobus c. 3. Patientiam dicit habere opus perfectum & passim alij Patres. Hujusmodi Perfectiones tot sunt, quot virtutes morales. *3^{to}*. Accipitur perfectio pro gratia Sanctificante aut justificante, quâ justus homo mortuus peccatis, spiritaliter vivit virtutibus & DEO hanc ob causam vas electionis S. Paulus fideles Roma existentes (quos piè hanc gratiam habere credebat) vocat sanctos, id est, Perfectos idem enim hæc duo sunt Sanctitas & perfectio. *4^{to}*. Accipitur Perfectio pro beatitudine supernaturali quam in altera vita expectamus: secundum hanc acceptionem loquitur S. Ambrosius libro 3. Offic. c. 3. Duplex est forma perfectionis, alia medios alia plenos habens alia hic, alia ibi, id est, in Cœlo. *5^{to}*. Accipitur à Scriptura & SS. PP. perfectio pro rebus quibusdam spectantibus ad virtutem moralem: Sic S. Gregorius in Moral. accepit perfectionem pro cognitione suipsius. Magna est, inquit, Perfectio suæ imperfectio-
nis cognitio. *6^{to}*. Accipitur Perfectio pro Beatitudine super-

naturali hujus vitæ quæ secundum possibilitatem hujus viæ mentem nostram humanam DEO coniungit. Perfectio hæc vocatur alio Nomine : Sanctitas absoluta. Secundum hanc acceptionem loqui videtur *S. Paulus Rom 6. cum dicit* : Christianos liberatos à peccato factos autem servos DEI habere fructum suum in Sanctificatione, id est, Sanctitatem, finem verò, vitam æternam. Perfectionis enim finis proprius est vita æterna. *Et S. Dionysius de Divin. Nomin. c. 12.* Cum dicit perfectionem omni scelere liberam absolutam & penitus incoinquinatam munditiam esse. Et alij SS. PP. qui eam nunc vitam spiritualement, nunc animæ decorem ac Majestatem, nunc thesaurum illum pretiosum de quo *Christus Dominus Matth. 9.* Nunc culmen seu tectum totius fabricæ spiritualis, nunc Montem altissimum appellant, quia nimirum vi illius homo quantum possibile est in hac vita vicinior iuxta ac similior DEO existit.

Quæres. Quæ ex his sex Perfectionis acceptionibus erit nostræ tractationis Argumentum ? R. Præter ultimam vel nullam fore vel saltem non per se fore. Ratio est. Quia nulla præter ultimam complectitur, & includit in se ea omnia quæ supra dixi requiri ad perfectionem. Dixi per se : quia negandum non est aliquas ex his perfectionibus, secundam videlicet, tertiam, quartam, & quintam pertinere secundum quid ad nostrum institutum.

§. II.

In quo consistat Perfectio ?

Fuerunt quidam è vulgo inaperiti, & fortassis modo etiam sunt qui opinantur Perfectionem consistere in carentia omnis maculæ etiam levissimæ. Quæ opinio non modo longissimè abest à veritate, sed etiam est error perniciosus : quia ex illa sequeretur nulli hominum possibilem esse Perfectionem in hac vita quod falsum est per se. Certè *S. Joannes Evangelista* perfectus fuit nihilominus se & alios homines imò, Apostolos peccatores vocat. Si dixerimus, inquit *1. c. 1.* quoniam pecca-

peccatum non habemus ipsi nos seducimus, & veritas in nobis non est. Et *S. Augustinus perfectus sanè Vir fuit, attamen ipse de se lib. 1. Confess. c. 3. sic scribit.* Ego in tentationibus positus certo quotidie adversus concupiscentiam edendi, & bibendi. Et quis est Domine qui non aliquando reficiatur extra metas necessitatis? Quisquis talis est, magnus est, magnificet nomen tuum, ego autem talis non sum; quia homo peccator sum. Non consistit igitur perfectio in carentia omnis maculae.

Nequè consistit in dono faciendi miracula, aut in gratia Sanitatum, aut in alijs gratijs datis à *S. Paulo 1 Corint. 12. enumeratis: Patet ex verbis Magistri Christi ꝑ. E S U Math. 7. inquit: Multi dicent in illa die: Domine Domine none in Nomine tuo daemonia ejecimus, Prophetavimus, & virtutes multas fecimus, & tunc confitebor illis, quia nunquam novi vos. Discedite à me qui Operamini iniquitatem.*

Nequè consistit in sola exteriori mortificatione, & compositione ut gestare caput nonnihil, inclinaturn oculos demissos, manus sub scapulari, incedere modestè, submissa voce & raro loqui, inclinationes, prostrationes, & alias huiusmodi caeremonias Monasticas ad amussim observare. Bona quidem & necessaria ista sunt omnia, nec oportet ea negligere atquè ullo modo intermittere, attamen non constituunt perfectionem. Non sanè mentis esset ille Paterfamilias inquit *S. Bernard.* qui ab arbore multo labore plantata sola folia vel flores expectaret, & exigeret, fructum verò svavem, lapidum contemneret, sic, & tu qui ex saeculari Oleastro insertus es in spiritualem Olivam, & in viridarium Sacrae Religionis transportatus, parum sanus eris si sola folia externarum caeremoniarum curaveris.

Nequè consistit in tribus præcipuis consilijs Evangelicis Obedientia Paupertate & Castitate ut dicit *S. Thomas 2da. 2. q. 184. Art. 1. & 3.* Quia Perfectio inquit secundum naturam suam mentem nostram DEO, optimo fini coniungit. Consilia verò non sunt talis naturæ, ut nos DEO jungant, sed tantum à vinculis creaturarum quò perfectius ad istam conjunctionem assequendam curramus, expediunt.

In quo ergo consistit ista Perfectio? & Perfectio vitæ Spiritu-
alis consistit in amore, seu charitate, benevolentiae supernaturali quo
oblatis vitijs & virtutibus acquisitis intellectu, & voluntate, DEO
nostro tanquam summo bono, summo benevolentiae affectu, & ef-
fectu unumur, & arctissimè adhæremus. Ita passim omnes Magistri
Spirituales cum S. Paulo 1. Timot. 1. dicente: Finis præcepti est
Charitas de corde puro, & conscientia bona, & fide non ficta.
Et in alio loco: Plenitudo legis est dilectio. Idem docet S. Thom.
lib. de Perfect. Spiritualis vitæ c. 20. Primum inquit, & principaliter
consistit Spiritualis vitæ perfectio in dilectione DEI. Secundariò
in dilectione proximi. Idem ipse Christus Dominus Catharina senensi
in dialogo declaravit: Scias inquit servorum meorum salutem Per-
fectionemque hoc uno constare, ut meam solius faciant volun-
tatem, atque eam summo semper studio adimplere nitantur. Quod
si paucis, & collectim scire desideras voluntatem meam, ut eam
integrè valeas adimplere: hæc mea voluntas est, ut summè &
semper ames me; sicut præceptò mandavi vobis, ut toto corde
totâ animâ, & omnibus viribus diligatis me, huiusque præcepti
observatione tua Perfectio continetur: quoniam finis præcepti
Charitas est, & plenitudo legis dilectio. Hæc Christus Dominus
ad S. Virginem Catharinam de Senis. Ratio Doctrinæ est, tum quia
talis Charitas est absoluta hominis beatitudo in hac vita. Tum
quia quotquot Sancti, & Perfecti in Ecclesia fuerunt tali Chari-
tate præditi erant. Talis Charitas, est vertex totius fabricæ spi-
ritualis: hæc expellit omnem peccati obscuritatem ex anima ac
veluti sol quidam illam illuminat. Per talem amorem anima DEO
& DEUS animæ admirabili & perfecta communicatione commi-
scetur. Hæc clarius explicemus.

§. III.

Explicatur Charitas in qua Perfectio consistit.

SCIendum. imo. Quemlibet Amorem naturâ suâ nihil aliud
esse, quam propensionem seu pondus quoddam, quo amans
fertur

fertur in amatum ut aliquid sui. Quod si amor habeat rationem mutuae benevolentiae, iam erit Charitas seu amicitia.

Sciendum. 2^{to} Amorem bifariam dividi. In amorem Concupiscentiae, & amorem benevolentiae seu Amicitiae. Amor Concupiscentiae est, quo DEUM diligimus ut nobis bonus. Amor benevolentiae est, quo DEUM diligimus ut est bonus in se, & secundum se, hoc est, quo volumus illi bonum quatenus illius bonum.

Uterque hic amor potest esse Naturalis, & supernaturalis. Naturalis est, quando fit ab homine proprijs viribus & bonum naturale consecratur. Supernaturalis, qui non potest fieri proprijs viribus nisi supernaturali Spiritus S. auxilio confortetur.

Sciendum. 3^{to}. Amorem seu Charitatem duo importare. 1^{mo}. Unionem quam amans tendit, & complectitur amatum tanquam aliquid sui, seu tanquam alterum se. 2^{do}. Benevolentiam quam voluntas praesupposita illa unionem cum amato, vult ei bona.

Sciendum. 4^{to}, Bona quae DEO (ex ista benevolentia) velle possumus esse duplicia. Quaedam In ipso ut Caiet loquitur. Alia ad ipsum. Bona in ipso sunt ejus Essentia, vita, Sapientia, Potentia, Justitia, Misericordia, & alia Divina attributa, & Perfectiones. Bona ad ipsum sunt honor, regnum, Obedientia, Cognitio, fides, & alia omnia quae (ut breviter dicam) ad ejus Gloriam Majorem fiunt. Prioris generis bona, cum nihil aliud sint quam ipsemet DEUS, nos non possumus DEO velle efficaciter nisi solum ea admirari, revereri, gratulari, gaudere, laudare, & ut ab omnibus colantur, cognoscantur, desiderare. Posterioris generis bona cum externam DEI Gloriam concernant nos non solum velle & desiderare, sed etiam efficaciter pro viribus ut quam maxima sint augeanturque quotidie procurare possumus, sive pugnando cum ijs qui haec DEO negant, sive alios ad eadem reddenda tum voce tum exemplo excitando, sive etiam per nosmet ipsos eadem Domino DEO quasi proprium sacrificium exhibendo,

in quo

inquo hunc finem solum, tum internas tum externas actiones nostras omnia creata referendo, dirigendo, & offerendo.

Omnes actiones quales sunt, inprimis illæ, quæ ex se sunt bonæ, & circa Divinum obsequium versantur, ut fidei, spei, Religionis, humilitatis, & cæterarum omnium virtutum moralium, tam interni, quam externi actus. Deinde actiones illæ quæ sunt indifferentes, quæ circa corpus proprium vel necessitatem proximi versantur, ut sedere, dormire, bibere, comedere, loqui, tacere, valetudinem curare, alios docere, cum proximis conversari, necessaria ad vitam subministrare, & alia.

Omnia creata, & inprimis supernaturalia ut septem Sacramenta, & gratias omnes cum suis differentiis specificis. Deinde naturalia ut sunt ingenium, eloquentia, scientia, sanitas, fortitudo, pulchritudo, opes, honores, patria, amici, victus, amictus, terra, aqua, aër, ignis, cælum, vita, mors, &c. Sive ijs ritè atque ut par est utendo sive eorum sibi usum DEI amore interdicendo. *In Summa*; non est ulla tam levis actio, & creatura ex qua verus DEI amator pretiosum Divinæ Gloriæ liquorem exprimere non possit.

Sciendum. 5^{to}. Subjectum inquo Charitas residet esse voluntatem nostram quæ bonum ab intellectu, cognitum sibi propositum amplectitur in eo sibi complacendo, & optimâ quavis affectione illud prosequendo. His præcognitis accedo ad ipsam explicationem.

Dictum 1^{mo}. Perfectionem consistere in amore benevolentiae ad excludendum amorem concupiscentiae, qui est mercenarius, & minis perfectus.

Dictum 2^{do}. Supernaturali, Tum quia non potest fieri proprijs viribus nisi supernaturali Spiritus S. auxilio confortetur. Tum quia Bonitas seu amabilitas Divina non per naturalia tantum dona sed etiam per supernaturalia fidei lumina voluntati nostræ proponitur, & obijcitur.

Dictum 3^{io}. Quâ ablatis vitijs & virtutibus acquisitis Non sufficit enim ad perfectionem nostram qualiscunque Charitas Theologica, tum quia hæc omnes obligat, & est in utraque lege præcepta,

cepta, tum quia potest esse etiam in Incipientibus, qui vix aliquas virtutes habent, sed requiritur Charitas quæ sit ab inordinata vitiorum, & Passionum cupiditate libera, & ad exercitium virtutum omniumque suarum functionum expedita.

Dictum 4^{to}. Intellectu, & Voluntate: Non quod ipsa cognitio intellectiva sit ratio colendi, & amandi DEUM sed quia est conditio quædam ad id necessaria, sine qua non, seu ut clarius dicam est fundamentum Amicitiae DEI. Cum enim voluntas quæ est subiectum Charitatis cæca sit, nec possit incognitum bonum prosequi debet necessario, præluere cognitio intellectus velut fax quædam, ut eius ope excitetur, & sustentetur voluntas in amando.

Dictum. 5^{to}. DEO tanquam summo bono; quia vera ratio cur voluntas DEUM amplectatur, colat, & amare velit est sola summa, & infinita bonitas ejus.

Quod si quæras. Unde intellectus cognoscat, & desumat infinitam istam Divinam Bonitatem quam inter se recipit, & voluntati proponit? R. Intellectum nostrum DEUM summè bonum cognoscere ex ijs operibus quibus non secus ac radijs quibusdam Divina Bonitas extra se diffusa nos, & alias creaturas attingit. Ex innumeris verò id generis operibus quatuor sunt præcipua ad quæ alia omnia reducuntur. 1^{um}. Quia est Autor primum Principium atque Creator noster. 2^{dum}. Quia est supremus Dominus omnium. 3^{tium}. Quia est finis ultimus. 4^{tum}. Quia est amicus Benevolentissimus. Primum Opus manifestat ejus bonitatem Quia ex eo tanquam ex perenni fonte quæcunque sunt in rerum natura promanant, & sua ornamenta perfectionesque hauriunt. Secundum opus ostendit ejus Bonitatem quia omnes creaturas tanquam res suas pro arbitrio suo legibus coercet summoque Imperio pro suo iure fortissimè sapientissimè, & suavissimè disponit, & regit. Tertium opus declarat ejus bonitatem quia in eum prono impetu feruntur res omnes, & præcipuè natura intellectualis cujus est ultima consummataq; beatitudo. Quartum opus aperit ejus bonitatem, & amabilitatem quia crea-

turas non solum seipso id est amore infinito prosequitur sed etiam extra se effundit per productionem ut sint ipsimet DEO amabiles eo amore quo se diligit ac per consequens ut illis non aliud bonum velit quam seipsum. Ex his igitur operationibus, & titulis bonitatem suam DEUS nobis communicat ut ab intellectu attingi & à voluntate nostra quæ solum in bonum fertur amari queat.

Dictum. 6to. Summo benevolentia affectu. Quia Voluntas videns DEUM (præferente sibi faciem fide, qua intellectus perficitur) adeo esse bonum, magno impetu à se egrediens, & alias suas vires secum rapiens, volat in eum optima qua potest intentione intensione extensione & continuatione omnibus insuper affectionibus, optando illi omnia bona in eumque omnia totaliter refundendo & hoc est quod supremo illo mandato præcipitur Diliges Dominum DEUM tuum ex toto corde &c.

Dictum. 7mo. Et effectu, id est non optando tantum ut DEI bonum interius & exterius & in nobis & in alijs promoveatur & augeatur, sed quantum possibile est efficiendo, magis enim Charitas in operibus pendet quam in desiderijs *Hinc ipse Christus Dominus Dicit*: qui servat mandata mea ille est qui diligit me. Hinc in Theologia communiter non admittitur opinio illorum qui ut tepori suo velum prætexant putant perfectionem in solo Charitatis habitu consistere Hinc & Charitas practica seu actiosa præfertur affectuosa & vita practica (quæ hinc originem suam trahit) a sagacioribus rerum æstimatoribus antepositur vitæ contemplativæ.

Dictum. 8vo. Unimur: intellige intellectu voluntate & operationibus cum enim absolutam unionem & quasi commisionem cum DEO in hac mortali vita habere non possimus, Charitas de qua hic loquimur sollicitè curat, ut intellectus noster ipsi per contemplationem jungatur, ut voluntas nostra voluntati ipsius in omnibus sive prosperis sive adversis cohæreat, omniaque opera nostra externa propter ipsum solum diligenter & heroico modo peragantur & hac saltem ratione Secundum conditionem huius vitæ unio perficiatur.

Dictum

Dictum. 9^{no}. Eique arctissime adhæremus, quia cum hæc Charitas juxta multos Theologos non sit distincta à gratia, corroborat fortiter hominem nec patitur facile peccare, & à DEO recedere pulchre in hanc rem. *S. Bernard. Serm. 79. in Cant.* Charitas gluten est quod nec aquis eluitur nec ventis dissolvitur nec scinditur gladijs. Unde *Psal. 69, ubi nos legimus.* Adhæsit anima mea post te. *S. Pater. Augustinus legit:* Adglutinata est anima mea tibi.

Ex dictis colligitur. 1^{mo}. Perfectionem sic posse describi: Perfectio est Amor benevolentiae supernaturalis erga DEUM conflatus ex depulsione omnium vitiorum & omnium virtutum cætu vel sic: Perfectio est Charitas Theologica quæ omnia vitia arceat & Univerſa Virtutis opera ferventer exercet & nostram mentem DEO jungit.

Obijcies. Siquidem perfectio in charitate benevolentiae consistit ut quid ergo vitiorum expulsio virtutum exercitium & unio cum DEO in ultima ipsius descriptione apponitur? R. Prædicta poni in descriptione Perfectionis tanquam effectus Charitatis: Perfectio enim est quasi totum quoddam, seu corpus; charitas cor ipsius, Vitiorum expulsio, virtutum exercitium & unio, sunt tanquam reliqua membra. Perfectio est fons, charitas principium, ejus reliqua sunt quasi rivuli. Perfectio est sanitas, Charitas vis vitalis, alia tanquam sanitatis hujus partes. Perfectio est proceræ arbor, Charitas radix, alia tanquam frondes.

Colligitur. 2^{do}. Perfectionem non distingui essentialiter à charitate quasi aliam Charitatem essentialiter dicat & diversam à charitate, Theologica sed tantum accidentaliter, cum non aliud addat Charitati Perfectio, quam ablationem vitiorum, exercitium virtutum & unionem cum DEO, quæ omnia accidunt etiam Charitati Theologica.

De Gradibus, & Causis Perfectionis

Supponendum inprimis nomine graduum non significari modos seu media per quæ ad Perfectionem ascenditur, sed Effectum seu Mensuram secundum quam diffunditur Charitas in cordibus nostris per Spiritum Sanctum. Quo supposito.

Quantum ad gradus hoc aliqui quindecim statuunt juxta numerum graduum per quos ascendebatur ad Templum Salomonicum. Aliqui tres tantum volunt esse juxta triplicem hominem statum.

Qui quindecim Perfectionis gradus assignant sic illos Communiter enumerant. *1mus.* Inquiunt est gravia peccata relinquere, *2dus.* A levibus quoque abstinere. *3tius.* Omnia externa ut divitias honores voluptates mundumque cum suis concupiscentijs contemnere. *4tus.* Sensus Passionesque animi mortificare. *5tus.* Abnegare judicium proprium cum voluntate propria omnemque amorem sui inordinatum. *6tus.* Exornare se omnibus virtutibus. *7mus.* Esse alijs bono exemplo. *8vus.* Esse potentem in Doctrina, & Verbo. *9nus.* Esse verè humilem infimum, & abiectissimum se omnium reputando. *10mus.* Esse verè patientem, detractiones irrisiones adversitates quasvis mansvetè sustinendo. *11mus.* Oratio qua anima cum Rege. Cælorum novit miscere colloquia. *12mus.* Desiderare soli DEO placere neq; consolationes aliquas humanas aut commoda creata in laboribus gravioribus quærere. *13tius.* Fervor spiritus quo homo omnia obsequia peragit neque à diligentia, & fervore, vanitate mundanorum se separari finit. *14tus.* Resignatio perfecta in beneplacito Divino, & sincerissima in omnibus cum DEI voluntate concordia. *15tus.* Gradus est unio cum Domino DEO. Primi quinque gradus attribuuntur incipientibus, Medij quinque Proficientibus. Postremi quinque perfectis.

Qui tres tantum volunt gradus. Sic illos explicant. **Primum**

num vocat ultimum, secundum medium. Tertium denique, vocant Supremum. Primum assimilant statui Incipientium, Secundum Proficientium, Tertium attribuunt statui Perfectorum. S. Bernard. ad Fratres Epistol de Monte. Primum gradum vocat Animalem secundum Rationalem. Tertium Spiritualem. In primo gradu DEUS hominem avertit à peccato capitali suo inimico. In secundo ad bonum amplectendum inducit. In tertio secum unit. Agit Dominus DEUS noster cum homine non aliter atque agens aliquod Naturale V. G. Ignis, qui priusquam qualitatem suam (hoc est calorem) in lignum introducat. Inprimis frigus, & humiditatem expellit deinde calorem intendit & lignum calefacit, tandem ultima dispositione positâ in suam substantiam transmutat.

Quod si quæras? Quæ sententiâ ex istis melior & à nobis tenenda, R. Utamque esse bonam & utramque posse teneri. Verum quidem est quod prima sit explicatior, sed secunda compendiosior & pro captu incipientium faciliior Neque prima amplius dicit licet quindecim gradus assignet, quia in istis tribus, illi quindecim continentur. In primo gradu quinque primi. Medij quinque in secundo postremi quinque in Tertio gradu completuntur.

Quod si quæras. 2do. Num. tribus hisce gradibus respondeant illæ tres viæ vulgo dictæ, Purgativa, Illuminativa & unitiva R. Quod sic? Purgativa namque respondet statui incipientium in primo gradu existentium, quorum præcipuum studium est vitia extirpare & quidquid puritati mentis repugnat emendare. Illuminativa Proficientium in secundo gradu consistentium. Quorum omne studium in veris virtutibus conquirendis defudat. Unitiva perfectorum in Tertio gradu commorantium, qui semper quam possunt arctissimè se DEO conjungere conantur.

Quot si ulterius quæras. An exercitia horum graduum concatenata sint & ad invicem dependeant. R. quod sic & quidem ita, ut in uno eorum alterius non sint omittenda sed tanto excellentius facienda quanto quis in altiori gradu consistit. V. G. qui stat in gradu medio non debet mortificationes ultimi gradus

Omittere. Qui pervenit ad gradum supremum non debet exercitium virtutum, quod est proprium gradus medij, & mortificationem passionum corporisq; macerationem quod est gradus ultimi negligere, sed tanto ex sublimiori motivo, & modo exercere, quanto stat altius. Unde disciplinam, & jejunium, quod incipiens facit propter edomandam carnis petulantiam vel peccata remittenda. Proficiens faciet ut virtutem abstinentiæ exerceat. Perfectus ut se DEO conformet illique soli placeat, & sic de reliquis.

Quantum ad Causas. Supponendum iridem aliam esse causam Efficientem aliam Meritoriam aliam Exemplarem aliam Finalem perfectionis.

Causa Efficiens perfectionis, est DEUS O. M. & quidem non eo modo quo cæterarum rerum naturalium sed præstantiori, Cum eam non ex ulla necessitate sed ex mera liberalitate causet & donet. Hoc indicavit, *S. Ambr. l. 2. de Pœnit, cum dixit.* Non posse sine favore DEI scilicet peculiari aliquem esse Perfectum. peculiari igitur modo est quoque à DEO petenda.

Causa Meritoria Est Christus. Origo fontium & fluminum omnium Mare virtutum & scientiarum Dominus JESUS Christus inquit *S. Bernard.* ex isto fonte manant continentia carnis, cordis industria, voluntatis rectitudo. &c.

Causa Exemplaris seu Idæa Est Pater Cælestis. Estote, inquit Christus Dominus; perfecti sicut & Pater vester cælestis perfectus est. Verum quia Divinum hoc exemplar sublime admodum est nec patet nostris sensibus, nec potest imbecillitas intellectus nostri facile illud concipere ut ad ejus imitationem nostræ vitæ actiones componamus. Ideo DEUS volens prospicere in hac re fragilitati nostræ, aliud nobis exemplar magis captui nostro accomodatum opposuit, nimirum Filium suum Unigenitum, Carne nostra mortali indutum, similem nobis per omnia, ut ait *Apost. Philip. 2.* Excepto peccato, ut in eo quid agendum quid fugiendum intueremur atque adeo præcipuè innocentia, humilitatis, obedientia, paupertatis, castitatis, subiectionis.

iectionis , abnegationis , patientiæ , iustitiæ , & amoris eius in nobis ipsis imaginem exprimeremus. Alia ut V. G. per aquas ambulare, mortuos suscitare, &c. Miracula non expedit nobis imitari. Nam ad hæc imitanda non est Christus propositus nobis à DEO ut exemplar sed solum ut perfectionem eius creatam carentem omni peccato vitio & innordinatione passionum & omnes virtutes in excelsò gradu complectentem imitemur.

Verum cum & hoc exemplar posset nobis nimium difficile videri ad imitandum uti revera est tum propter Unionem Hypostaticam quia simul fuit DEUS & Homo Tum propter infirmitatem nostram providit Divina bonitas adhuc alia nobis magis proportionata puros videlicet homines quatenus Christum sunt secuti Talis est Beatissima Virgo Apostoli & alii Sancti.

Nobis autem primum & præcipuum exemplar perfectionis, ad imitandum debet esse *S. Augustinus cum S. Paulo Eremita* cuius virtutes ut clarius cognoscamus relegamus sæpius illud schema de Christo, Sanctoque Paulo Eremitantibus & vitæ nostra Sacro-Eremitica.

Causa Finalis per se ultima est DEUS Opt. Max. Immediata, Sanctitas. Mediata, DEI Gloria. Per se ultima extrinseca, beatitudo cælestis in altera vita consequenda.

Quod si quæras An Omnes Religiosi obligentur ad Perfectionem. R. Quod sic: Patet ex vi status eorum qui passim status Perfectionis appellatur.

Quæres ulterius. Quomodo obligentur. R. Tametsi Religiosus præcisè non teneatur esse perfectus hoc est ut actu possideat Perfectionem sicut Episcopus quando tamen ex affectata negligentia vel ex contemptu non vult tendere ad Perfectionem, hoc est quando deponit animum proficiendi seu quando amplius non vult proficere peccat mortaliter. Est *S. Thoma* & aliorum apud *Lezanam Cap. 1. Quest. Reg.* Hoc ipsum attestatur *S. Hieron.* dicens Monachum nolle proficere est delinquere.

C A P U T II.

DE PRIMO GRADU PERFECTIONIS

EXpedita Natura Perfectionis atque adeo Charitatis in communi, agendum est de gradibus seu Effectibus eius quos ex eo momento quo in aliquo homine primum nata DEI beneficio est operari solet. Inchoandum igitur à primo qui nihil aliud est, nisi continuum studium tollendi, avertendi, & extirpandi, omnià impedimenta, quæ contra veram puritatem & munditiam cordis occurrunt. Quatuor autem Generaliter loquendo sunt præcipua quæ istam puritatem impediunt videlicet Peccata vitia Passiones & Tentationes. Proinde de omnibus nobis iuxta exigentiam nostri propositi erit agendum. Quod ut methodicè fiat. Paragraphus. *1^{us}*. erit. Quid sit peccatum quotuplex quæ eius causæ & quam necessario à Perfectionis studio cavendum. *2^{us}*. Quid sit vitium & quæ præcipuè à Tyronibus vitanda & extirpanda. *3^{ius}*. Quibus modis vitia vitanda, & extirpanda. *4^{us}*. De Passionibus in communi. *5^{us}*. Quomodo inordinatæ Passiones mortificandæ. *6^{us}*. De Tentationibus in communi. *7^{mus}*. De tentationibus in Particulari. *8^{us}*. Quomodo tentationibus resistendum.

§. I.

Quid sit peccatum, quotuplex, quæ eius causæ & quam necessario à Perfectionis studio cavendum

PEccatum iuxta mentem *S. August.* & aliorum Doctorum. Est Dictum vel factum vel concupitum contra legem vel præter legem. Quod ut intelligas,

Sciendum est quia Dominus DEUS noster volens humanam naturam per prævaricationem primorum Parentum corruptam à malo retrahere & ad similitudinem originalis perfectionis

nis suo modo atque adeo ad æternam beatitudinem reducere, dederit homini legem, alteram Divinam alteram humanam præscribentem & in conscientia obligantem quid agere quidve fugere debeat.

Divina lex communiter dividitur in Naturalem & Positivam. Naturalis illa dicitur, quæ à DEO tanquam Authore naturæ insita est homini ut sunt illa præcepta lumine naturali nota: Declina à malo & fac bonum. Quod tibi non vis fieri, alteri ne feceris, & è contra Homo debet secundum dictamen rationis vivere. DEUS est omnibus præferendus, adorandus, timendus, &c. Positiva seu scripta illa lex dicitur quæ data est homini per Angelos vel per homines. Quæ rursus subdividitur in Mosaicam & Evangelicam.

Mosaicæ lex est, Quæ data fuit Moyfi per Angelum ad disponendum populum Judæorum, ex quo Christus Nasciturus erat: quæ adveniente ipso Christo quoad præcepta Judicialia, & Cærimonialia, (non tamen quoad Decalogum) desijt unde lex veteris appellatur.

Evangelica lex est, quæ per Christum fuit data, & promulgata ad abneganda mala desideria ad piæ iustæ sanctæque vivendum in hoc sæculo. Præcipua quæ in ista lege præcipiuntur, sunt: Fides, Spes, Charitas, Contritio, usus Sacramentorum, & his similia, quæ per scripturam, & traditiones ab Apostolis derivata hucusque Ecclesia conservat, & observare præcipit, unde & lex Nova seu gratiæ dicitur.

Humana lex item communiter dividitur in Ecclesiasticam, & Civilem. Ecclesiastica illa dicitur quæ propter bonum Ecclesiæ respectu futuræ beatitudinis est sancita, ut sunt Præcepta ejusdem Ecclesiæ, Decreta Pontificia, Canones Sancti, Rægulæ Ordinum approbatæ, Constitutiones confirmatæ & alia his similia. Civilis illa dicitur, quæ propter bonum commune Reipublicæ respectu hujus vitæ est instituta, ut sunt leges Imperatoriæ, statuta, tam communia, quam particularia Regnorum. Edicta legitimorum Principum, & alia plurima, quæ etiam in Conscientia obligant.

Præsertim in Materia gravi & necessaria. Lex Ecclesiastica initium habet ex lege positiva Evangelica. Lex verò Civilis à lege Naturali sicut & Decalogus: Ex hoc igitur sciendo datur intelligi, quare peccata à SS. Doctoribus dicantur dicta, facta, concupita contra vel præter legem perpetrata.

Porro Peccata alia sunt venialia, quibus venia facile tribuitur, alia Mortalia quæ mortem animæ adferunt. Rursus Mortalia alia sunt Capitalia, alia sensuum ut visus auditus, odoratus, gustus, & tactus, Alia Oris, seu linguæ ut Detractio murmur, seu illitas, quæ ad rem non pertinet, contentio, multiloquium, verbositas otiosa, æquivocatio, oblocutio, secretorum revelatio. &c. Plures divisiones non adfero Consule Theologos Morales, & Cathedris Romanum.

Jam vero Quod attinet ad Causas Peccatorum variæ à varijs Assignantur. *Angelicus Doctor S. Thomas* Phœnix omnium Theologorum quatuor generales peccati causas assignat. 1^{ma}. Est Ignorantia Culpabilis, quæ prævideri & impediri potest, ad ipsam revocatur Negligentia, Oblivio, & Inadvertentia. 2^{da}. Malitia seu Malivolitio ex industria vel ex defectu bonæ voluntatis. 3^{ta}. Imbecillitas seu infirmitas ad bonum arduum, 4^{ta}. Concupiscentia seu Cupiditas. Concupiscentia hæc alijs nominibus, vocatur à Sacra Scriptura aliquando vetus homo, aliquando appetitus sensitivus, aliquando fomes, peccati. (Hoc est dispositio ad præveniendum usum rationis circa objecta illicita quod provenit ex peccato Originali) aliquando Corpus, Caro, sensualitas.

Jam quod item attinet quam necessario à Perfectionis Studiosis peccata sint vitanda ostendunt hoc rationes. Tum quia gratia habitualis quæ est fundamentum perfectionis de ordinaria DEI potentia cum peccato mortali stare non potest. Tum quia Perfectio maximè acquiritur per Unionem hominis cum DEO, peccatum verò Mortale dividit, & separat hominem à DEO teste Isa. c. 52. Iniquitates vestræ diviserunt inter vos, & DEUM. Ostendit hoc præterea finis proximus Incipientibus, & in primo gradu consistentibus propositus, qui non est alius quam

præterita peccata per Pœnitentiam, delere, & pugnare, ne iterum in eadem relabantur. Cavendum ergo semper peccatum Mortale qui cupit extruere fabricam Perfectionis.

Immo cavenda etiam & declinanda sunt & peccata venialia. Tum quia & levia peccata impediunt Perfectionem, iterque ad eam retardant. Tum quia diminuunt Charitatis ardorem seu fervorem ut docent Theologi. Tum quia maculant & fœdant animam committentis illa, Tum denique quia peccata venialia si quis in ea nullo negotio vel data opera prolabatur, disponunt hominem ad peccatum mortale, quod quantum obsit perfectioni, vidimus supra, ac proinde vel ex hoc capite peccata etiam levia sunt vitanda.

§. II.

Quid sit vitium, & quæ præcipue vitia à Tyronibus Vitanda, & extirpanda.

NOmen vitij varijs attribui solet. Alij attribuunt illud defectibus artis. Aliqui defectibus naturæ, aliqui attribuunt illud ipsis actibus vitiosis seu peccatis, sed minus propriè aliqui deniq; nomine vitij intelligunt affectionem pravam acquisitam non transientem, sed manentem in anima, eandemque ad aliquod iniquum opus, seu quod idem est, ad peccatum, inclinantem. Hæc ultimâ acceptio est propria, in qua & nos in præsentī vitium sumimus de coque tractabimus. Pro quo melius intelligendo.

Sciendum est vitium & peccatum esse diversa, quia hoc (nimirum peccatum) denotat, & involvit actum ipsū pravum, vitium autem habitum tantū malum seu propensionem, & facilitatem ad actum malum alicujus peccati. Vitium est sedes, peccatum inquilinus ejus, unde ad quot & qualia quis peccata propendet, tot & talia habet vitia, quæ aliquando sunt citra peccatum, præsertim si insint propter naturalem passionum vehementiam.

Utrum verò extirpanda sint: Patet ex antecedenti Paragrapho quia si peccata non solum gravia, sed etiam levia tollenda sunt & cavenda ei, qui cupit proficere in via Perfectionis, pari quoque ratione vitia cum sint habitus mali destruenda sunt; imò potiori jure, quandoquidem vitium quodcumque ut ait S. Bernard Est privatio virtutis & origo peccati, & semper nos ad peccatum inclinât, incitat, & trahit, & juxta S. Dorothei. faciat hominem mancipium peccatorum.

Porro quamnam præcipuè vitia Novitijs sint extirpanda difficulter determinari potest cum omnibus bellum indicere debeat, qui ad Perfectionem aspirat. Illud concorditer ab omnibus Magistris traditur ut præcipuam curam exerant contra ea quæ sibi sunt magis communia quotidiana & suo statui magis contraria, subijcio nonnulla.

1^{ma}. est Pigritia sive ut vulgo dicitur Acedia, hoc est taxidium sive tristitia de bono Spirituali Divino. Filia hujus vitij sex à Patribus numerantur. 1^{ma}. Malitia seu detestatio bonorum Spiritualium. 2^{da}. Rancor hoc est Indignatio contra proximos ad Spiritualia inducentes. 3^{ta}. Pusillanimitas. 4^{ta}. Torpor in lege DEI Constitutionibus, & legibus statûs & officij sui observandis. Hinc in Constitutionibus nostris severe præcipitur Magistro Novitiorum ut diligenter noter quâ promptitudine, quo Spiritu, quâ diligentia iniuncta sibi officia Novitius expediat: Qui enim languidè, tepidè, tarde, & invitè sine sollicitudine, & solum propter metum pænæ mandata superioris exequitur, certissimum indicium est, quia talis nunquam proficiet, sed emissâ Sacra Professione tanquam inutile lignum frustra locum in Religione occupabit. 5^{ta}. Desperatio hoc est disidentia, quod quas prætendis virtutes assequi non possis. 6^{ta}. Evagatio ad illicita & varia ut in illis solatii quidpiam inveniatur. Ab hoc vitio profluunt & alia ut Amaritudo Otiositas, somnolentia, cogitationum importunitas, curiositas, verbositas, Corporis, inquietudo instabilitas. Cum eodem coherent peccata omissionis, & negligentia in Divini obsequij rebus quæ ut sunt innume-

innumerabiles, ita vix opus bonum aliquod invenies, cui aliquis horum defectuum ad junctas non sit aut in principio, aut in medio, aut in fine.

2dum. Vitium est Gastrimargia, hoc est inordinata comedendi & bibendi appetitio. Species hujus vitij communiter quinque assignantur, quæ illis vocum Adverbijis exprimuntur. Laute, Studiosè, nimis, Præpropere, Arder ter. Ex Gastrimargia generantur multi loquium, Scurilitas, inepia lætitia, immunditia, intellectus & sensum hebetudo, Ex eodem in Claustris proveniunt persæpe jurgia, murmura, conquestiones, mutua odia, proprium, pugna. Hinc Magister Spiritus Thomas à Kemp. præmonet. Frange gulam & facilius cætera vitia superabis.

3tium. est Sensuum dissoluta Evagatio. Male ordinata est Civitas, in qua nullæ portarum excubiæ habentur, & Religiosus ille convincitur malè interius constitutus esse, qui nullam sensuum custodiam facit. Hinc in iisdem nostris Constitutionibus commendatur Magistro, ut Novitium quam primum indutus fuerit, doceat circa ea, quæ spectant ad exteriorem hominis compositionem. Videlicet quomodo debeat aspicere, loqui, comedere, incedere, dormire, cum alijs conversari, totumque externum hominem Religiosè moderari.

4tum. Vitium, sunt Defectus Linguae S. Jacobum pro hac re adfero solum. Cap. 1. dicentem. Si quis putat se Religiosum esse, non refrænans linguam suam, hujus vana est Religio. Propter hanc causam putarim in tot locis & tot horis præceptum esse nobis ad observandum silentium,

5tum. Superbia hoc est appetitus inordinatus propriæ excellentiæ quo homo se super id quod est extollit. Ex superbia oriuntur. 1mo. Inanis gloria quâ innordinate quis appetit, cognosci, æstimari, & laudari ab hominibus. 2do. Jactantia, qua quis per verba cupit super alios clarescere, seipsum laudando, bona quæ non habet jactando, aut quæ habet exaggerando, aut quæ occultare debuisset absque necessitate patefaciendo. 3tio. Ambitio quâ honores & dignitates inordinate appetuntur. 4to.

Hypocrisis qua virtus quæ reipsa non adest fingitur. 5to. Pertinacia, cum iudicium nostrum præponimus, eorum iudicio quibus par fuisset subijci, ne deciperemur. 6to. Præsumptio, qua quis magna aut maiora de se præsumit quam possit. 7mo. Contemptus, quo parvi facimus primum inferiores, deinde æquales, ac demum superiores.

Notandum verò vitia hæc non pro magnis & serijs tantum rebus, sed & pro levibus excitari. Pertinacia enim (ut his exemplis cætera pateant) quæ est quinta superbiæ filia non pro gravioribus semper, sed & pro levissimis quandoque inscipitur. Et inanis gloria prima progenies superbiæ, non in summis tantum cupit apparere, sed & in levioribus & Spiritualibus: Ut si melius alijs noverit scribere, legere, pronunciare, inservire, &c. Neque vitium pigritiæ ille tantum committit, qui graviora mandata omittit vel negligenter facit, sed & qui leviora non curat, ut, si lectionem non prævideat, si audito pulsu ad chorum statim non properet &c.

Præter quinque cum suis filiabus enumerata vitia certandum est, Incipienti Ascetæ adversus turpissimum Luxuriæ vitium, & quidquid cum eo aliquam habet affinitatem. Certandum viriliter & contra alios defectus externos iusto statui Religioso contrarios.

Ante omnia verò mortificanda & extirpanda sunt vitia interna, Amoris, Judicii, & voluntatis propriæ. Non multum prodest inquit *Dionysius Richelius* amplas possessiones relinquere, jejunare, carnem macerare, silentium observare, externa omnia ordinatè peragere, si cogitationes & interni affectus non fuerint bene compositi & ordinati. Propterea, dicit idem, non desinant conquestiones, iræ, tædia, tristitiæ, odia, & alia huiusmodi mala. Persæpe qui magna & omnia reliquerunt, propter modica turbantur, murmurant, pacem cum superioribus & fratribus impunt, quia internos affectus mortificatos non habent. Mortificanda igitur & extirpanda maximopere sunt vitia interna.

Et imprimis. Amor proprius, quo quis seipsum sibi quasi finem suarum actionum constituit hoc est, quo quis in omnibus operibus

bus suis non DEUM ejusque bonum intendit, sed suum five carnis, five propriæ excellentiæ etiamsi sit contra DEI voluntatem quærit. Ex hoc malo velut ex hydræ capite oriuntur imprimis peccata capitalia. Ex eo enim quia quis inordinatè seipsum amat, cupit honorari, magni fieri alijs, præferri, videri &c. quod est superbia. Ex eo, quia quæ grata sunt carni & sensibus sectatur, quod est Gula, vel Luxuria. Ex eo, quia pecuniæ, ad honores, voluptatesque fovendas, necessariæ inhiat, quod est Avaritia. Ex eo, si quid contra mentem & æstimationem accidar indignatur, quod est Ira. Ex eo, quia caret bonis quæ alius habet, contristatur, quod est Invidia. Ex eo, torpescit in spiritualibus detrectans vim sibi inferre, quod est Acedia. Ex eodem malo proveniunt alia pene innumera, ut Complacencia, contemptus aliorum, pudor Parentelæ & natalium, Hypocriſis, excusatio cum mendacijs, ambitio, imperfectionum propriarum occultatio & alia plurima his similia: præcipuè verò superbæ singularitates. Est immoderatus amor, sui principium, radix, caput, parens, generatioq; cæterorum vitiõrum. Unde qui alia intendit debellare, amorem proprium in primis debet jugulare, in nulla re se suumque bonum quærendo, nihil propter se ultimatè faciendo, sed omnia tam interna, quam externa, propter DEUM ad explendam voluntatem ejus, ad laudem & gloriam ipsius volendo, quærendo, operando, & offerendo.

Deinde mortificanda & abneganda est, Voluntas propria, amoris proprii comes individua. Nomine autem propriæ voluntatis intelligitur pravus appetitus, qui in eo quod vult vel appetit, non est conformis voluntati Divinæ aut superiorum, aut denique proximorū, ut V. G. Qui vellet vigilare & vigilaret eo tempore, quo ex præscripto divinæ voluntatis, vel ex Statutis Ordinis, vel ex jussione Prælati, non est vigilandū is censeretur facere, quod propria voluntas dicit, Ita explicat *S. Bernard. serm. 3. de Resur.* cujus sunt hæc verba, Voluntatem dico propriam, quæ non est communis cum DEO & hominibus, sed nostra tantū quando quod volumus non ad Honorem DEI, non ad utilitatem Fratrum, sed propter nos ipsos facimus, non intendentes placere DEO, & prodesse Fratribus,

sed

sed satis facere propriis moribus animorum nostrorum. Terribile est, quod refert Cassianus à multis senioribus, Monachis, multa experientia comperit, Monachum nullatenus pravalere ad summa Perfectionis culmina ascendere, nec iram vel tristitiam, vel spiritum fornicationis extinguere, sed nec veram humilitatem cordis, nec cum Fratribus unitatem perpetuam, nec firmam diurnamque posse retinere concordiam, sed nec in Canobio quidem diutius permanere eum, qui prius voluntates suas non didicerit superare, Et propterea ut idem ait: Hæc erat potissima cura a aliquorum Patrum in instruendo Novitio, ut eum senior doceret primitus suas vincere voluntates studiosè ac diligenter eum exercens, imperando talia, quæ animo eius sentiebat esse contraria.

Præterea Mortificandum & abnegandum Judicium proprium, quod nec DEI nec Maiorum aut aliorum prudentum virorum iudicio conforme est, sed singulare nostrum ab aliorum sensu & sententia dissentiens, Consuetum enim est, imò & innatum intellectui nostro singularem esse & tenacem, vel potius contumacem, tam in conceptis opinionibus nostris relinquendis, quam in salutaribus sententiis & consiliis aliorum recipiendis. Efficiendum igitur est media mortificatione, ut sit tractabilis, docilis & conformis iudicio ac sententiæ suorum superiorum vel aliorum, prudentia ac virtute insignium, idemque quod illi sentiat. Hinc in nostris Statutis tanquam terminus Novitiæ Perfectionis per modum Epiphonematis appositum est, ut Novitii non suo sed Directoris iudicio regantur. Juvat hic attexere, quæ *Joan. Avilla*, *Magnus virtutis Magister* in hac materia scripsit; suis quondam discipulis Religiosis factis: Confortamini inquit in Domino & in potentia virtutis eius, ut penitus renuntiatis vobis ipsis, non cupiditati solum, sed potius intelligentiæ sensui ac iudicio vestro: Judicium enim proprium, est celestis consolationis exterminator, hostis pacis, satelles contumax, censor superiorum, pater dissidii, rebellis obedienciæ, idolum in loco DEI Sancto stans, quod iterum moneo ut demoliamini, ut DEUS in vobis regnet.

Insuper oportet mortificare & coërcere vagas & importunas & in multa diffuentes Cogitationes quia ista sunt, omnium illicitorum, desideriorum, initium, verborum, & operum, qualesque cognitiones præcedunt, talia, plerumque verba, & opera, sequuntur quæ postea totam virā, vel exornant, si fuerint bona, vel dedecorant, si fuerint mala, propterea diligenter cohibenda, ipso Deo admonente *Isai 1.* Auferte malum cogitationum vestrarum ab oculis meis

Quod si quæras. Unde quis cognoscere possit vitium sibi inesse? &c. Præmissa lectione Authorem, qui de vitijs scripserunt *1ma.* Ex actibus proprijs internis, & externis, illius vitij. *2da.* Ex propensione, & facilitate ad actus illius vitij. *3ta.* Ex frequentatione actuum illius vitij. *4ta.* Ex concionibus vel collatione, cum viro spirituali gnaro, proprietatum vitiorum. *5ta.* Ex Oratione, & speciali lumine DEI. V.G. vellet quis cognoscere an sibi insit iracundia, examinet se, an in se habeat actus internos, & externos, illius, an contendat cum alijs, clamet, contumeliā afficiat, quot vicibus, & quam frequenter.

§. III.

Quibus modis vitia vincenda, & extirpanda

Non cuilibet, præsertim Novitio, pervius est modus, vitia vincendi, & extirpandi. Dabo hic aliquot quæ si servaverimus cum auxilio Divino sine dubio victoria potiemur

Sciendum autem est, in primis modos à me afferendos non servire vincendis actibus vitiosis, hoc est peccatis, opere perpetratis, sed tantum habitibus qui nondum in actum exierunt, quia actus vitiosi opere consummati seu peccata alijs remedijs debent curari nimirum Sacra pænitentia, Contritione, Confessione, disciplinis, jejunijs, cilicijs, & alijs operibus satisfactorijs.

Sciendum *2do.* In vincendis vitijs dari tres gradus victoriæ. Primus gradus, hinc est quando affectio prava ita compescitur ut propter labefactandam amicitiam DEI ad Mortale nunquam indu-

catur. Secundus cum ita malum coërcetur, ut ne quidem ad veniales lapsus, crebro facileque impellat. Tertius gradus. Cum ita omnis mali motus comprimitur, ut si se aliquando moveat, statim nullo labore comprimatur. His ita suppositis, ad propositum accedo.

Qui igitur Studio Perfectionis è domo cordis sui vitia vult extirpare; Inprimis odium ac implacabilem, indignationem, adversus ea concipiat, quod non erit difficile, si eorum detestandam malitiam consideraverit. 2do. Ex hoc vitiorum odio eliciat ingens desiderium ea vincendi, ardenti, desiderio adjungat. 3tium. requisitum videlicet firmum propositum cavendi mala. 4to. Assiduam orationem qua instanter, & humiliter à DEO petat, ut adversus vitium pugnanti victoriam, concedat. Postmodum proponat, ac firmiter statuatur, quolibet, mane se tota die, in vitii extirpationem incumbere velle eo fine, & intentione ut soli DEO placeat, vel ut Victoriā ex hoste gratia ipsius reportet. Et hæc sunt quasi præambula pugnae. Jam verò dum pugna ipsa advenit dum præsens institerit, tentatio, & occasio, resistat fortiter, nec patiat se à malo superari, illudque committere, & sic cessando ab operatione mali, dicetur vitium vicisse. Et hic primus modus, est, vitia superandi, & extirpandi.

2dus. Modus Est, resistere initiis tentationum illius vitii, quod nos infestat. In primo internarum, (inquit B. Laurent. Justin.) suggestionum, congressu ac corporalium voluptatum, incursu de cordis tui thalamo cunctorum vitiorum expelle insultus Qui vult catulos Leonum, Ursorum, Luporum & aliarum bestiarum cicurare, statim ab uberibus matris oportet illos abstrahere, nam posteaquam saccreverint, haut facile mansuefient, & arbusta qui vult ut rectè sursum crescant, à prima plantatione, oportet amputare, & in altum dirigere.

3tius. Modus Est efficacior præcedentibus, nimirum exerce-
re, tum internos, tum externos, virtutum actus, vitio, quod nos infestat contrarios V. G. vult aliquis vitium iræ extirpare, assumat virtutem illi oppositam videlicet Mansuetudinem, & exerceat se
sapius

sæpius per diem, in actibus eius & quodocunque præsentit se ab ira sollicitari. Similiter intendit aliquis diffidentiam ad Superiorem extirpare, (qui affectus ut plurimum ex suggestione Diaboli procedit) eliciat actus internos oppositos, videlicet cogitando cum esse in loco DEI, habere, Spiritus S. assistentiam, esse Patrem, tum addat actus externos, videlicet vulnus suum ipsi aperiendo, prompte obediendo, reverentiam exhibendo &c. & facile de malo triumphabit. Esse vero hunc modum efficaciorum docet ratio, nam actibus contrariis contrariæ affectiones facilius convelluntur, & clavus clavo citius excluditur.

4^{us}. Modus Est crebrius per diem ad DEUM suspirare, præcipue in principio horarum, aut actionum, cum renovatione propositi, & diffidentia suis ipsius ut nos indignos ac indigos ex sua bonitate contra vitium quod extirpare nitimur adjuvet.

5^{us}. Modus est. pugna seu congressio per mensem vel aliquod certum tempus cum aliquo certo vitio ex proposito cavendi illud assumpta.

Tandem ad extirpationem vitij plurimum valet examen particulare semel aut bis in die, certo aliquo tempore faciendum an & quomodo pugnare contra vitium quod ex proposito assumpsi extirpandum. Praxis huius examinis particularis dabitur infra.

Et hi sunt Modi Generales, impugnandi & extirpandi vitia. Pro particularibus medijs quibus unumquodque vitium, quasi hostis proprio tello confoditur, legatur. Buzai Alvarez Tom. 2, part. 2. & alij de cura vitiorum in particulari tractantes.

Notandæ autem sunt & servandæ, quinque circa hanc pugnam cum vitijs Regulæ. 1^a. Non indicendum simul uno & eodem tempore omnibus vitiis ex professo bellum, sed adversus unum quodque peculiare peculiariter pugnandum, ne scilicet multitudo fatiscat, animus spemque vincendi, abiciat. 2^a. Regula à Capitali vitio primum incipiendum, seu quod idem est à radice, aliorum Nam ea præcisâ facile truncus, cum arbore, tota corrumpit. 3^a. Ab eo vitio incipiendum, ad quod quis natura, propendit, nam & Dæmon, tentans nos, hoc observat, ut ait

S. Ephraim. 4ta. Ab externo vitio, seu ab actu illius externo repugnatio & destructio est incipienda, quia tale non modo delinquenti officit, sed alios, quoque inquinat, ac offendit. *5ta.* Extirpanda esse, quoque levia. A minimis, enim neglectis, periculum est, in maxima prolabendi. Nemo dicat, inquit *S. Doroth.* quid refert si verbum hoc dixero, si aspexero, quid refert si culinam visitavero, si modicum hoc comedero, quid refert, si in rem hanc intendero? Ex hoc venit quid refert hoc? mala ac perversa, & amara consuetudo admittitur, & imbibitur, & datur initium ut magna, & gravia, contemnamus.

§. IV.

De Passionibus in Communi.

DE hac Materia, ut pote maximopere cuilibet Religioso necessaria. Sex puncta seu quæsitæ breviter, ordine tamen servato expediam?

1um. quæsitum. Quid sit Passio? Passio in proposita materia nihil aliud est, nisi motus seu operatio appetitus sensitivi, tam concupiscibilis, quam irascibilis, qui ad bonum, quod sibi conveniens credit vel malum quod nocivum sibi putat movetur imaginatione.

2dum. Quæsitum Quot sunt Passiones? *R.* Passiones numero sunt undecim. Quarum sex videlicet, Amor, Desiderium, Delectatio seu gaudium, Odium, Fuga, seu abominatio, & Tristitia quæ & dolor nuncupatur, resident in potentia concupiscibili. Quinque autem reliquæ videlicet spes, Desperatio, Audacia, Timor, & Ira, quæ & indignatio appellatur, resident in potentia irascibili.

3tium. Quæsitum unde oriuntur hæ passionēs. *R.* Passiones has oriri ex objecto aliquo, tam bono quam malo per imaginationem, animæ repræsentato. Explico hoc propter faciliorem caprum paulo longius. Res enim bona objecta sensui, inprimis

mis trahit, & inclinât ad se animum, seu appetitum sensitivum, tanquam principium activum, & inclinatio illa erga bonum conceptum, & cognitum Amor dicitur. *1ma. Passio.* Quod bonum si non habeatur, incitat prædictum appetitum ad illud procurandum & est Desiderium *2da. Passio.* Quod bonum si obtineatur, efficitur, in appetitu quies, seu delectatio, & Gaudium ob præsentiam boni possessi, & est *3tia. Passio.* Contra res mala seu malum eidem appetitui per imaginationem objectum causat ex opposito alios affectus, & primo quidem aversionem, quâ ille conatur, malum à se avertere, & dicitur Odium, *4ta. Passio.* Quod si studium accesserit, malum illud propellendi, dicitur Fuga *5ta. Passio.* Quod si malum evitare, ac repellere non possit, sitque jam præsens nascitur dolor qui dicitur Tristitia *6ta. Passio.* Et hæc in concupiscibili potentia seu appetitu.

In Irascibili verò (quam *D. Basil.* vocat nervum animi ad res fortiter, & constanter, gerendas) si bonum appetitui huic objectum est arduum, sed tamen ita conceptum, ut obtineri possit efficit in eo ipsum consequendi *7mam. Passionem.* Si verò concipitur quasi obtineri, non possit efficit, contrariam passionem videlicet, Desperationem. Rursus si malum illi eidem potentia, irascibili objectum est, quod ægrè depelli possit, & tamen homo confidat, se depulsurum, nascitur in appetitu Audacia, *9na. Passio.* Sin verò diffidat se illud depulsurum nascitur Timor, *10ma. Passio.* Jam verò si reipsa vel sola imaginatione sit malum præsens, nascitur *11ma. Passio* Ira, contra illud malum, & mali Authores quæ tum illud tum hos per vindictam tollere è medio nititur.

4tum. Quæsitum. Quotuplex est Bonum, vel Malum, quo appetitus sensitivus movetur &. Bonum quo appetitus sensitivus movetur dividitur à Philosophis in tres species, nimirum in bonum honestum, utile & Delectabile. Simili modo, & Malum, in tria dividitur mala bono contraria, nimirum in infamiam, damnum seu incommodum, & mæstitiam seu dolorem.

5^{um}. *Quæsitum.* Quale est hoc bonum & quale Malum ?
 2. *Esse bonum verum vel apparens Malum idem vel verum vel apparens. Quod diligenter. Notandum ut sequitur.*

Notandum est, ut passionum scopus clarè, & Distinctè cognoscatur Ex cognitione enim qualitatis boni vel Mali, unusquisque facillimè intelligere potest, quando se ab aliqua Passione impelli sentit; An illa Passio sit Ordinata, vel inordinata. Ordinata enim est, si verum bonum quærit, vel verum malum fugit. Contra Inordinata, si apparens tantum bonum appetat, vel apparens tantum malum detestetur.

6^{um}. *Quæsitum.* Quare hæ operationes appetitus sensitivi Passiones appellantur? &. Quia ab illis corpus, quoddam immutationem & alterationem, suo modo patitur. Amor enim spiritus in corpore accendit Gaudium, quodammodo membra saltare facit. Tristitia spiritum obtenebrat, & sanguinem crassat. Ira, choleram diffundit. Timor, Sanguinem ad cor attrahit, & hominem palidum facit. Hinc earum passiones appellantur affectiones seu affectus appetitiones & perturbationes, quia subinde non solum corpus, sed & rectam rationem turbare, tenebrasque ei offundere, & aliquo modo eam immutare solent.

§. V.

De modo Mortificandi inordinatas Passiones.

Suppono 1^{mo}. Mortificationem Passionis nihil aliud esse quam spontaneam ac liberam (ob DEI amorem, & studium virtutis) repressionem seu cohibitionem inordinationis, aut vivacitatis nimiae, quæ contra rectam rationem in appetitu nostro sensitivo, & actionibus, seu Passionibus ipsius exoritur & reperitur,

Suppono 2^{do}. Mortificationem esse duplicem: Aliam externam, aliam internam. Externa fit per jejunium, cilicia, genuflexiones, vigiliæ, & alias exteriores, mortificationes, & macerationes. Interna per abnegationem & repressionem, propriæ volun-

voluntatis, Judicii. & aliarum internarum facultatum & affectuum
 Externa mortificatio, five interna, plerumque facit hominem
 tristem, impatientem, vanæ gloriæ cupidum, simulatorem seu po-
 tius Diaboli mancipium, qui sibi videtur aliquid esse cum nihil
 sit, quandoque & sanitatem propter indiscretionem adimit. In-
 terna verò facit hominem latum, tranquillum a pravis consuetu-
 dinibus liberum, peccato mortuum & DEO appropinquantem.

Suppono 3^{to}. Res circa quas fieri potest mortificatio esse
 in triplici differentia. Malas Bonas, & Indifferentes. Male sunt
 quæ præcedunt à principio malo Divinis & humanis legibus
 contrario, ut Ira, Superbia, furtum, & alia mala tam mortalia, quam
 venialia. Bona sunt, quæ fluunt ex aliqua virtute & bono, five
 Naturali, five Supernaturali, ut Jejunium, patientia, paupertas, mo-
 destia, &c. Indifferentes seu mediæ sunt, quæ ex se neque sunt
 malæ neque bonæ, sed ratione voluntatis, & intentionis humanæ
 eas facientis vel illis utentis possunt esse bonæ vel malæ, ut
 divitiæ, honor, scientia, aspectus, comestio, potus, dormitio,
 amicitia, recreatio, &c.

Suppono 4^{to}. Circa res malas, omnino morificandos esse
 affectus, & Passiones nostras. Nam non licet ullatenus & usquam
 peccare. In rebus bonis non necessario quidem debeant mortifi-
 cari, sed si propter melius bonum (præcipuè spirituale) mortifi-
 centur magnum meritum acquiritur. In rebus medijs seu indif-
 ferentibus itidem non necessario mortificatio adhibetur, sed si
 fiat propter aliquam virtutem exercendam cum moderatione &
 discretionem, magnus spiritualis profectus brevi comparatur.

Suppono 5^{to}. Diversam mortificationem diversis in rebus
 prout ex 2^{do}. Supposito patet exerceri posse. Aliqua optimè
 mortificatur per externam, aliqua per internam, aliqua per utram-
 que. Quia verò hæc mortificatio (præcipuè passionum) pluri-
 mum exornat Religiosum virum, sicuti per contrarium immor-
 tificatio mirum in modum deturpat: Qualis enim est, inquit
S. August. in oculis hominum qui inversis pedibus ambulat, talis
 est in oculis sapientum & Angelorum, cui inordinatæ dominan-
 tur

tur passionēs. Propterea singulis mortificandis singulares eosque diversos adferam modos.

Incipio à priori. Amor, Inprimis mortificatur cogitationes & sensus aliorum divertendo. 2do. Rerum inordinatè amatarum, vilitatem, brevitatem, turpitudinem, inutilitatem, & & alias imperfectiones considerando. 3tio. Damna ex amore, & delectatione innordinata, promanantia perpendendo. 4to. alijs sese rebus, quæ cogitationes distrahant, occupando. 5to. Meliora, & amabilia, V. G. Divinas consolationes cælestem gloriam, affectui obijciendo. 6to. Exemplum, Christi Domini vel Beatissimæ, vel Sanctorum qui talem amorem respuebant, in memoriam revocando. 7mo. Commemorando aliquid ex Sacra Scriptura, serviens de vel contra amorem.

Desiderium Reprimitur. 1mo. Resistentia initio tentationum. 2do. Consideratione quia res quam desideras non te satiabit possessa. 3tio. Quia plausibile desiderij initium plerumque infortunatum sortitur exitum. Huc faciunt ea omnia quæ supra pro mortificando amore sunt dicta.

Delectatio. Hæc duobus modis consideratur, vel ut est in actu, vel ut nondum exijt in actum. Si nondum est in actu reprimitur ijs modis, quibus superius Amor, & desiderium. Si autem exijt in actum, aut est illicita aut licita. Si illicita reprimitur cessatione ab eadem. Si licita, exijt in actum, mortificatur. 1mo. Moderatione, ne debitos, terminos excedat. 2do. Commemorando brevitatem ipsius, vel alias majores & meliores, delectationes obijciendo. 3tio. Consideratione ultimi finis, hominem à DEO creatū, non propter hujusmodi delectationes vel consideratione cruciatuū inferni, commemoratione Judicii, mortis &c.

Illustro hoc totum exemplo V. G. Videt Religiosus meliorem vestem, celam, librum, portionem, & eius generis alia, quæ mox ut conspecta sunt placent appetitui tanquam bona (quod est Amor) statimque se ulterius appetitus extendit, volens habere cellam vel portionem illam (quod est Desiderium, si fortè detur, & obveniat eadem cella vel portio Succedit quædam in appetitu

petitu cui es (quod est gaudium) Qui igitur prædictas passiones mortificare voluerit reprimat eas propositis medijs vel cogitationes cum sensibus aliorum divertendo, vel imperfectionem rerum desideratarum exaggerando v. g. indigna est hæc portio, ut tu creatura rationalis, amore ejus vincaris. Vel damna ex re desiderata perpendendo. V. G. pro hac portione patieris famem purgatorii, vel majora bona affectando V. G. non appetas vilem hanc portionem saginandus aliquando gloria cælesti; Corpore Christi hodie passus es, & hoc vile frustulum carnis, desideras. Vel Christum ut exemplar aspiciendo V. G. *Christus Dominus & S. Paulus Eremita Pater tuus*, -vilissimis victitabant, tu exquisitiora affectabis? Esca ventri venter escæ, DEUS & hanc & hunc destruet. Quæ in exemplo portionis dicta sunt, eadem vel similia, in rebus alijs appetibilibus sunt observanda.

Odium mortificatur. *1^o*. Aversione cogitationis aliorum. *2^{do}*. Consideratione perfectionum rei exosæ, in qua licet tu nihil notes, quod te pronunc ad amorem invitet tamen certum est (si fuerit homo quem odisti) quod à Christo ametur, qui tum Doctrina tum exemplo proximi nobis dilectionem præcepit. *3^{io}*. Consideratione damnorum quæ ex inordinato odio prosiliunt, quia nimirum lædit conscientiam aliquando lætaliter animam occidit: *4^{to}*. Representatione appetitui eorum quæ verè odio digna sunt, in illaque odij conversione ut peccata mea, damnatio æterna, amor proprius, immortificatio sensuum &c. *5^{to}*. Exemplum Christi Domini mansuetissimi Sanctissimæ Virginis & aliorum Sanctorum commemorare. *6^{to}*. Autoritatem aliquam commodam, Sacræ Scripturæ trutinare. *7^{mo}*. Refrænatur odij Passio actibus externis illius rei quam odi. Sic *S. Franciscus* osculis ulcerum cujusdam leprosi superavit odium quod in se habuit contra leprosos sic alter *S. Franciscus Xaverius* exscriptâ fanie quæ ex ulceribus cujusdam infirmi effluebat vicit abominationem quam experiebatur dum pauperibus inserviebat. Sic plurimi alij fecerunt, odiumque contrariis actibus vel ex eo quod panosi & fastidiosi erant sedarunt.

Fuga. Mortificatur. 1^{mo}. Consideratione quia per sepe plurimum conducent animæ quæ propter carnem abominamur. 2^{do}. Quia quæ ab initio abominamur successu temporis usu & consuetudine amamus. 3^{tio} Curatur ijs medijs quibus & odium quod enim inordinate odimus etiam inordinate fugimus quod odisse nec fugere deberemus.

Tristitia Quæ sæpe magis ab æstimatione oritur & apprehensione, quam à malo ob quod contristamur quod experientia in nobis ipsis videmus, dum ob rem aliquam quæ nos prius valde (contristabar V. G. verbum injuriosum) post aliquos elapsos dies non usque adeo contristamur cujus rei alia non est causa quam ipsa mutatio æstimationis & apprehensionis, cum ipsum malum mutatum non sit. Curatur 1^{mo}. Præmeditatione mali quod sequi potest. 2^{do}. Dum malum advenit, cogitare hoc ipso nobis offerri magnorum, meritorum occasiones, scilicet patientiæ, humilitatis. 3^{tio}. Considerare quid alij passi sint vel nunc patiantur in hac, vel in futura vita. 4^{to}. Superiorum tribulationum à quibus jam ereptus es, meminisse. 5^{to}. Considerare hoc fieri ex voluntate DEI, quam quotidie petimus fieri in oratione Dominica. 6^{to}. Investigare causam propter quam contristamur si est peccaminosa & ex nobis eluere illam per Sacram pœnitentiam, si non peccaminosa neque ex nobis putare indignam esse tristitiâ nostrâ. 7^{mo}. Representare intellectui ea quæ verâ tristitiâ sunt, digna, cujusmodi sunt, damnatio æterna, peccati deformitas, imperfectio nostra. 8^{vo} Revocare sibi in mentem exemplum Christi, Beatissimæ vel Sanctorum qui plurima multo majora sunt perpassi Juvat ad tristitiam minuendam considerare detrimenta ejus, quæ ex sententia Magistrorum Spiritualium, tam multa & tanta sunt ut asserant nullâ hac passione esse nocentiorē quæ hominem in majora tam animæ quam corporis pericula protrudit. Ex tristitia enim proveniunt deliquia, apprehensiones, phreneses illusiones Diabolicæ, tentationes variæ, desperationes judicio proprio tenacissimæ adhesiones, ineptitudo, imò pravus contemptus, blurrarium, confusorum, atque adeo periculum salutis æternæ. Ex eadem tristitia

stitia promanant quandoque morbi subitanei, insoliti, periculosi, imo & mors ipsa, corporalis. Juvant præterea ad minuendam tristitiam lacrymæ; Denique quodcunque delectat ad minuendam mæstitiam facit.

Illustro hoc itidem exemplo: V. G. Videt Religiosus cellam, incomodam, in loco obicuro, claustra fenestrate, & alijs non bene instructam, confestim subit quædam appetitûs, aversio ab illa cella tanquam mala (quod est Odium) motuque celerissimo, quantum ad se attinet, non vult manere in illa cella, (quod est fuga, seu abominatio,) sed quia à Superiore jubetur manet, verum non libenter, & cum fastidio, (quod est Tristitia) talis ergo mox ut adverterit hujusmodi Passiones in se exoriri contra illam cellam, vel contra quidpiam aliud, reprimat eas, prædictis modis: Vel cogitationes aliorum avertendo, vel bona cellæ illius expendendo, vel occasionem meriti attendendo, vel illa quæ verè odio digna sunt commemorando, vel exempla aliorum Religiosorum, Beatissimæ Christi Domini memoriæ, suæ proponendo, recollendo, quanto incommodiorem locum habuit pro te, Christus in Cruce &c.

Spes, Inordinata Curatur. 1mo. Consideratione Vanitatis, earum rerum quas vel in quibus spero. 2do. Commemoratione exemplorum eorum hominum qui cum suam spem, in hominibus & istis mundanis collocaissent, miserrimè & vixerunt, & mortui sunt. 3to. Suscitatione ipsiusmet spei ad vera bona speranda V. G. ad perfectionem obtinendam, & ad felicitatem æternam consequendam.

Audacia. Curatur ijs modis, quibus & spes inordinata nam in quibus casibus non est bonum sperare non est bonum etiam audere, & in quibus spes moderanda est, in ijs multo magis Audacia, reprimenda. Proderit multum in Audacia, inordinata, excitare se ad difficultates arduas, quarum victoriæ sūt piæ, & peritules V. G. Ad imitationem Christi Beatissimæ SS. V. G. si sperare juvat, spera in DEO & fac bonitatem, si audere vis aliquid, aude contra tentationes, & difficultates quæ te, à Dulcissimo JE-

SU remorantur, & felix eris. Intuere Sanctos DEI quanta illi pro virtute, pro cælo, pro DEO tolleraverunt, quorum tu pietatem, imitari aude.

Desperatio. Opposita spei, quæ novos Christi milites, abjectos, & ad Perfectionem ineptos, reddit. Cura:ur 1mo. Exemplis aliorum qui in casibus, plane desperatis, quod piè desiderabant sunt consecuti. 2do. Fiducia in bonitate DEI, qui in rebus ad salutem æternam necessarijs nunquam deest, V. G. Desperat aliquis, se posse Religionis onera tollerare revocet sibi exempla aliorum qui similiter homines ut ille fuerunt, potuerunt isti, & tu non potes? Occurrat spes bonitatis DEI cui facillimè est cohonestare pauperem, occurrat ratio dissonum esse à bona mente desperare Perfectio enim non est opus unius diei.

Timor. Audaciæ oppositus qui naturam segnitie gravat hominemque totum suspicionibus, consultationibus, inutilibus, & malorum, immentium metu compedire solet. Curatur 1mo. Iis remedijs quæ supra pro inordinato. Amore curando assignavimus: qui enim inordinatè non amat, nec timet. 2do. Curatur etiam illis quæ supra Tristitiæ, mitigandæ, attulimus. 3tio. Curatur timor, consideratione parvitatæ rei quam exhorescit, vel excellentiæ virtutis cui reluctatur. 4to. Consideratione Divini auxilij sibi affuturi. 5to. Exemplis Sanctorum, demandatur V. G. cuiuspiam à Superiore ut in culina serviat, mox appetitus qui commoditates amat subducit se, tanquam à malo arduo ab illis servitijs (quod est Timor) Qui ergo sic afficitur adhibeat prædicta remedia. Cogitet leve esse quod exhorescit, nihil impossibile sibi imperari, imò magnam virtutum materiam subministrari. Vel dicat: Dominus protector vitæ meæ à quo trepidabo. Proponat ante oculos alios Fratres, & dicat potuerunt isti, & ego non potero. Proponat cæleste præmium quia momentum laboris æternum gloriæ pondus operatur.

Ira, Passionum omnium efferatissima bestia, quæ cum ex ijs quæ ad dishonorem reducuntur potissimū excitetur, tanto citius & pejus prodit quanto à vitio priori videlicet superbia proficiscitur. Curatur autem

autem. *1mo.* Mortificatione propriæ existimationis & concupiscentiæ ad res temporales. *2do.* Taciturnitate non loquendo neque faciendo ea, quæ animus suggerit loquenda, vel facienda, quando Ira fervet. *3tio.* Diminutione opinionis de gravitate injuriæ, propter quam irascimur. Persæpe enim constat injurias, propter quas irascebamur, transacto Iræ furore vel admodum exiguas vel nullas fuisse. *4to.* Considerare damna quæ ex iracundia sequi solent cujusmodi sunt læsio fraternæ charitatis, conscientiæ propriæ, morbi caduci, mors repentina. *5to.* Suscitare se ad veram iram scilicet irasci proprijs peccatis. *6to.* Sanctorum ac præsertim Christi Domini Mansuetudinem perpendere eamque imitari. Non illustro rem exemplo ex supra dictis enim facile formari potest. Et hæc sunt è multis pauca mortificandarum passionum remedia.

Notanda autem & observanda sunt quædam circa hanc passionum Mortificationem. *1mo.* Passiones has posse exerceri utiliter, si ad res divinas & salutare bonasque transferantur: Unde mortificatio earum non debet esse talis ut omnino separentur & evellantur à vita carnali (alias & ad bonum & ad res divinas non possent exeri) sed ut cohibeantur & à malo retrahantur. Tonsioni similis debet esse hæc mortificatio & mortificans tonsori; sicut enim ille capillos barbæ tantum præscindit radicem vero pilorum non evellit quoniam id fieri non debet nec sine deformitate potest, sic & hæc mortificatio, superflua tantum nostrarum passionum refecare debet ipsas verò passiones nequaquam evellere quia talis evulsio est impossibilis & dignitati naturæ humanæ plurimum officeret.

2do. Non omnes ab eadem passione neque eodem modo infestari, sed alios ab ira, alios ab amore, alios ab odio, alios à Tristitia, hos mitius illos acutius & molestius vexari. Quamobrem unusquisque studiosissimè dignoscere curet, à quonam potissimum & quomodo divexetur, ut remedia oportuniora pro necessitate & exigentia mali adhibeat.

3to. Fontem harum Passionum esse Amorem, unde qui de alijs victoriam reportare voluerit, Amorem mortificare nove-

tit. V. G. videt quis bonum delectabile majorem scilicet portionem, mox Amore incalcescit animus erga illam, si sibi obveniat exultat gaudio, si non, odit cocum disponentem vel Fratrem deferentem cibos abominatur, tristatur irascitur &c. Qui ergo talibus affectionibus succumbere non vult: Amorem, sciat moderari & malum facile vitabit.

Notandum & observandum 4to. Mortificationem harum Passionum ab humili Divini auxilij imploratione inchoandam esse. Cum enim res sit laboriosa & corruptæ naturæ nostræ contraria difficulter haberi potest, nisi homo desuper adjuvetur.

Universim autem pro Mortificatione cujusvis Passionis observandum est valde utile esse si passio & rerum circumstantiæ id fecerint, ad mortificandam inordinatam Passionem, actum aliquem externum illi directè contrarium elicere & opponere. V. G. si quis Irâ, ferveat opprobrijs exagitetur, si quis nitidæ vestis amore tentatur, lacerâ induatur, si quis supra alios se extollit publice confundatur & sic de reliquis. Nam ut vulgo dicitur ab assuetis non fit Passio.

Has autem externas oppositas mortificationes, non tantum injunctas libenter ferre sed & à Magistro exquirere ultro debet qui Passiones mortificare desiderat.

Valde itidem utile est non tantum ad Passiones mortificandas, sed & ad quævis alia Peccata & vitia extirpanda proponere sibi certum quendam numerum actuum tam internorum quam externorum, alicujus vitij quotidie superandorum. V. G. Quinque mane vincere Irâ in honorem & Memoriam quinque vulnerum Christi totidemque post Meridiem, & sic sensim eos augere donec perfectissimam mali, postrique victoriam fuerimus assecuti.

§. VI.

De Tentationibus in Communi

EA quæ hætenus dicta sunt sufficerent ad cognitionem Primi Gradus atque adeo ad puritatem animæ coniequendam, nisi
Tenta-

Tentationes obstant, quæ, licet homo peccata penitentia deleverit, vitia extirpaverit, Passiones edomuerit, toto vitæ tempore tanquam muscæ solent nos infestare. Quare subministrabo hic modum iisdem resistendi, ubi prius generales quasdam doctrinas de Tentationibus in Communi omnibus incipientibus valde necessarias per certa puncta seu quæsitâ proposuero.

Quæsitum 1^{um}. Quid sit tentatio? Tentatio est tentamen seu pugna vel impugnatio quædam quâ quis ad malum patrandum allicitur.

Quæsitum 2^{um}. Quod est subiectum tentationis? **R.** Est quilibet homo, tam enim peccator quam Sanctus in omni peccati materia in qualibet ætate & contra omnem virtutem tentari potest.

Quæsitum 3^{ium}. Quotuplex est Tentatio? **R.** Tentationes sunt multiplices pro varietate statuum & tentatorum. Aliæ enim sunt Incipientium, aliæ Proficientium, aliæ Perfectorum. Item aliæ sunt à Diabolo aliæ à mundo aliæ à Carne.

Quæsitum 4^{um}. Quot & quæ sunt Tentationes Incipientium? Prima Tentatio Incipientium est: Tædium in spiritualibus. 2^{da}. Indiscretio in Mortificationibus in præcibus & alijs pijs exercitijs. 3^{ia}. Si quid contra suam mentem viderint sive in Superioribus sive in Fratribus sive in statutis Ordinis hinc volunt statim Magistri fieri & alios corrigere licet ipsi adhuc non didicerint. 4^{ta}. Affectatio spiritualium consolationum 5^{ta}. Diffidentia seu Desperatio de sua in Religiosâ vocatione perseverantia. 6^{ta}. Memoria ante actæ vitæ voluptatumque ejus, quibus ad mundum & carnem retrahuntur, 7^{ma}. Conscientiæ inquietudo seu scrupuli. 8^{va}. Occultatio tentationum & insincera cum Superioribus tractatio.

Quæsitum 5^{um}. Quæ sunt tentationes Proficientium? **R.** 1^a. est Pusillanimitas. 2^{da}. Zelus inordinatus & indiscretus, tum alios redarguendi tum exteriora observandi. 3^{ia}. Tepiditas in injunctis sibi officijs exequendis. 4^{ta}. Amor nimius unius loci, cellæ, Monasterij, Officij &c. 5^{ta}. Ambitio honorum Officiorum, vanæ gloriæ.

Quæ.

Quæsitum 6^{um}. Quæ tentationes sunt Perfectorum ? 1^{ma}.
est occulta superbia. 2^{da}. Conficta Imbecillitas & infirmitas.
3^{tia}. Persecutio acerbior quam DEUS ex occulta sua providen-
tia solet immittere. 4^{ta}. Eaque gravissima est interior desolatio.

Quæsitum 7^{um}. Unde tentationes proveniunt ? Tenta-
tiones oriuntur vel ex causis externis vel internis. Causæ exter-
næ sunt tres. 1^{ma}. Diabolus qui nos innumeris astutus infe-
stat. 2^{da}. Mundus, id est, mundani homines qui nos vel exem-
plis vel svasionibus vel minis ad malum inducunt. 3^{tia}. Crea-
turæ quæ sua svasitate & pulchritudine ad malum & abusum nos
pelliciunt. Causæ Internæ itidem tres. 1^{ma}. Caro quæ alio
nomine sensualitas seu appetitus sensitivus appellatur. 2^{da}. Sen-
sus omnes quibus ad delectabilia inclinamur. 3^{tia}. Consuetudo
prava seu mali habitus, malâ vivendi licentiâ acquisiti.

Quæsitum 8^{um}. An subinde etiam ipse DEUS tentatio-
nes immittat. R. Quod sic. Sed quare ? 1^{mo}. Ut propriæ im-
becillitati relictî videamus quam numeri simus, ad humilitatisque
sensum redeamus. 2^{do}. Ut fidelitatem nostram experiat. 3^{tio}.
Ut nova aut antiqua peccata castiget. 4^{to}. Ut meritum augeat
majoremque gloriam pro victoria concedat.

Notandum tentationem non turmatim sed gradatim agere
& nos aggredi videlicet, suggestionem, negligentiam, seu delectati-
one & Consensu. Suggestio tunc fit dum hominis appetitus sen-
sitivus ex causa aliqua, sive interna sive externa ad rem illicitam
subito ante omnem advertentiam & usum rationis commovetur.
Negligentia tunc fit, dum intellectus suggestiones in appetitu
sensitivo, sive ex causis externis, sive internis exortas negli-
enter rejiciendo permittit, ad illicita & per illicita, ferri & vagari.
Consensus tunc fit dum intellectus cum voluntate tentationi
de re illicita deliberate inhæret, eique consentit: vel ut loquitur. Bo-
næ: Consentire & velle quod appetit sensualitas.

Notandum 2^{do}. Prædictos Tentationis gradus ali-
quos esse sine peccato aliquos cum peccato veniali ali-
quos cum mortali. Primus Gradus qui fit suggestionem,
non mo-

non modo non est peccatum ullum, sed potius occasio meriti & virtutis si illi reluctetur. 2^{us}. Qui agitur negligentia seu delectatione, si fiat sine plena deliberatione & consensu in malum, est tantum peccatum veniale, sin autem fiat cum advertentia & tacita voluntatis approbatione, (quæ etiam in ictu oculi potest accidere) est peccatum mortale. Hanc tacitam voluntatis approbationem aliqui Doctores vocant tacitum Consensum, alqui simplicem Complacentiam absque affectu ad opus, alqui vocant delectationem morosam non à temporis, sed à rationis tacite assentientis mora quæ ut dixi in momento temporis accidere potest, & quæ eo, ipso, quia post advertentiam non rejicitur verè & deliberatè esse censetur. 3^{ius}. Gradus, qui consistit in consensu semper est peccatum mortale, nisi res sit levis, nam consensus in rem levem levis quoque seu venialis est culpa.

Ex dictis colligitur. 1^{mo}. Tentari, impugnari, & ad nequitiam in auditam Sollicitari, peccatum non esse à quacunque causa tentatio proveniat, dummodo tentationis sensum nulla sequatur in resistantia, negligentia, vel aliquis voluntatis consensus.

Colligitur 2^{do}. Ad quodlibet peccatum duo requiri videlicet intellectus advertentiam & voluntatis tacitum vel expressum consensum, quod bene notent incipientes, ut consensum à tentatione, peccatum à non peccato Mortale à veniali dignoscant. Hinc si non solum appetitus sensitivus, sed & ipse intellectus varijs illicitis vel turpibus, etiam per horam integram inhæret (quod in officio Divino & alijs sacris advenire potest) si per inadvertentiam vel sine consensu id fieret, culpa mortalis non admitteretur.

§. VII.

De Tentationibus in particulari sive de Tentatori-

bis Diabolis.

Primus Tentator Diabolus vocatur Cur. Hic primos Parentes decipit. Cur. præcepit vobis DEUS ut non comed-

F

retis

retis ex omni ligno Paradisi Gen. 3. Cap. Hic sæpe tentat Fratres præcipue Novitios quando ex impulsu illius ipsi leges Religiosæ, Præcepta superiorum non ad eorum veniunt sensualitatem, quare easdem vocare solent superfluas cæremonias ac inutiles observationes.

2^{us}. Tentator vocatur *Nequaquam* Hic nequam primorum Parentum fuit ruinæ causa quando eisdem dixit *Nequaquam* moriemini Ab eodem Tentatore pulsari solent Novi Religiosi qui Magistris suis & Patribus Spiritualibus non credunt.

3^{ius}. Tentator vocatur *Plūs*. Hic svaedet incipientibus ut *Plūs* orent, *Plūs* se mortificent quam pia svaedet consuetudo & hoc ideo faciunt ut videantur ab hominibus & de sua Perfectione, majorem exultationem accipiant. Tales per nimias mortificationes corpus debilitant & ita redduntur in habiles ad ulteriora onera Religionis.

4^{us}. Tentator vocatur *Minus* qui è contrario incipientes inducit ut minus faciant quam leges Religiosæ de iisdem requirunt; quare ad orandum, legendum, meditandum, vigilandum, laborandum, & mortificationibus vacandum, redduntur tardiores.

5^{us}. Tentator vocatur *Melius* Hic cum nequeat sub specie boni servos DEI decipere tunc quærit illos decipere sub specie majoris boni. Seu melioris. Præsens Diabolus ruinas incipientibus molitur dum eos pulsât potius vacandum studiis melioribus qualia sunt cultus silentij, lectio, meditatio, Oratio, quam vacandum exercitijs externis, quæ à superiore demandantur. Hi rebelles fiunt dum huius Diaboli & propriæ voluntatis male sanum ductum sequuntur. Contra quos illa S. Bern: fulminat sententia: *Grande malum propria voluntas, quâ fit ut bona tua bona non sint, etenim si in die jejuniij mei inveniat voluntas mea, non tale jejunium elegit DEUS, nec sapit illi jejunium meum, quod non obedientiam, sed vitium propriæ voluntatis sapit.* Et de alijs exercitijs sic prosequitur. *Ego autem non solum de jejunio sed de silentio, de vigilijs, de Oratione, de lectione, de Opere manuum, postremo de omni ob-*
servantia

Servantia Monachi, ubi invenitur voluntas tua in eo, & non obedientia Magistri sui idipsum sentio minime prorsus observantias illas, & si bonae inse inter virtutes censuerim deputandas.

6tus. Tentator appellatur *Medicus* Hic suggerit non insistendum lectioni, ne oculi destruantur, non surgendum ad matutinum ne dolor capitis, & debilitas corporis acquiratur. Non laborandum ne detur occasio infirmitati aut morti, his & alijs suggestionibus facit Religiosos dasides, molles, otiosos, delicatos, vitæque longioris cupidos, *Contra quos ipse Dominus ait: Regnum caelorum vim patitur & violenti rapiunt illud. Matt. 11. & C. 7.* Intrate per angustam portam, quia lata porta & spatiosa via, quæ ducit ad perditionem. *Item C. 24.* Vigilate, quia nescitis diem neque horam *Item Job: 5.* Homo nascitur ad laborem *Item Apostolus Paulus 1. ad Corinth: 3.* Unusquisque propriam mercedem accipiet secundum suum laborem. *Item.* hic *Medicus* suggerit impatientiam, ut conquerantur Novitij contra incommoditates.

7mus. Tentator vocatur *Scrutator* Hic stimulat Fratres ad scrutanda opera, intentiones, & Merita aliorum fratrum; ut inde occasionem eos vilipendendi & se magnificandi accipiant. Vel ut suos defectus illorum imperfectionibus contegant. *Item* excitat eosdem ad examinandum præcepta, decreta ordinationes Superiorum. An videlicet justè, rectè, piè discretè, ac prudenter per eos factæ sint.

8vus. Tentator appellatur *Discretus* Hic docet Fratres, vocare Superiores suos indiscretos, quando eorum puniunt defectus eos in charitate erga Superiores refrigerescere facit, ac monita eorum correptionesq; spernere; odioq; habere. *Contra* quos Christi verba tonant *Luc. 10.* Qui vos audit, me audit, qui vos spernit me spernit, qui autem me spernit, spernet eum ille qui misit me, & *Prov: 1.* Convertimini ad correptionem meam, en proferam vobis spiritum meum, & ostendam vobis verba mea, quia vocavi & renuistis, extendi manum meam, & non fuit qui aspiceret, despexistis omne consilium meum & increpationes

meas neglexistis , ego quoq; in interitu vestro ridebo. Imo illi Superiores erga suos Fratres indiscreti dicendi , qui eos non exercent in adversis.

Instat malignus spiritus , quod illa vexatio & crebra correptio sit occasiourbationis Fratrum impatientiæ ac incitamentum passionum ad malum potius , quam ad exercitia virtutum. *S Hieron: & S, Chrystost:* Opponunt se huic tentationi & dicunt quod illa correptio Superioris non ad impatientiam concitat Fratres, sed potius ad patientiam , nulla enim via est ad patientiam , quam sustinentia correptionum. Præceptum illud Sancti Pauli Superioribus quadrat ; educate illos in disciplina & correptione Domini.

Instat ulterius levitas , quod ilii Superior sit indiscretus , imo persecutor , & oppressor , ac turbator Fratrum , qui Fratrem defectuosum non ex charitate sed ex passione aut odio , punit. Sed & quod non ille Superior dici debet turbator , licet per eum subditi ad bonum compellantur , & quodammodo turbentur , Sed Fratres potius sunt turbatores , qui immemores suæ vocationis aut professionis suæ contraria legibus suæ Religionis faciunt. Unde Elias Regi Achabo dicenti sibi 2. Reg. 18. Tu es qui conturbas Israel ? &. Non ego turbavi Israel , sed tu & Domus Patris Tui , qui dereliquistis mandata Domini. Potest jure merito & superior dici turbator Fratrum immortificatorum , sicut Christus Dominus Herodis & Hierosolimæ qui nulli quidem dedit occasionemurbationis tanquam Rex pacificus , pacificans per sanguinem Crucis , sive ea quæ in Cælis , sive ea quæ in terris , sed unusquisque malæ voluntatis ex ipsius adventu illam sibi sumpsit. Item bonus superior , bonorum fratrum potest esse turbator , quia & bonus Angelus bonam turbavit Mariam Item bonus superior potest dici bono sensu Persecutor Fratrum bonorum. Duplex enim est persecutio Alia *Odij* qualis est tyrannica in Christianos , & Hypocritarum inservos Christi , quam & ipse Christus fugere syadet : si vos in una persequentur Civitate , fugite ad

te ad aliam. Alia persecutio est Charitatis qua persequuntur Parentes filios, Magistri Discipulos, rationabiliter. eosdem castigando ut vel illorum præteritos corrigant defectus, vel à futuris præservent. De hac pia persecutione. *S. Chrysostomus* ait: sicut iusta ira non est ira sed diligentia, ita iusta percussio non est percussio, sed correctio. *Item Clemens Alexandrinus.* Qui Gratiam loquuntur, parum diligunt, qui autem ad utilitatem acerbi sunt in futurum, sæculum beneficio afficiunt. *Item S. Aug.* Molestus est medicus furenti phrænetico & Pater indisciplinato filio, ille ligando, iste cædendo, sed ambo diligendo, si autem illos negligant & perire permittant, ista potius falsa mansuetudo crudelitas est. En & ipse spiritus loquitur Tene disciplinam ne dimittas eam custodi istam quia illa est vita tua *Prov. 4. & Sap. 1.* Sapientiam enim & disciplinam qui abijcit infelix.

gnus. Tentator vocatur *Zelosus* Hic irritat incipientes adversus superiores & alios fratres in Religione antiquiores ut eos judicent non servare Regulam Constitutiones decreta, sedis Apostolicæ imo ipsa præcepta Divina & si quid contrà eorum placitum fiat exinde scandalizantur vel si delinquentes leviori pæna puniuntur, inde offendantur. Et Hic vocatur *Zelus* iniquus vel Hypocriticus qui in oculo proximi videt festucam in proprio grandidiorem non advertit trabem.

romus. Tentator vocatur *Perfectus* Hic Fratres incipientes opinione propria facit *Perfectos* & eosdem de sua perfectione præsumere cum illo Evangelico Phariseo DEUS gratias ago tibi quia non sum sicut cæteri hominum raptores, injusti, adulteri, velut etiam hic Publicanus *Luc. 18.* Contra quos illud sonat *Eccl. 7.* Noli esse nimium iustus.

rimus. Tentator vocatur *Curiosus.* Hic persvadet incipientibus Religiosis occulta ac secreta aliorum investigare & Coram alijs propalare, audire nova, videre pulchra, habere chara, & quæcunque grata sunt sensibus experiri. Iste Diabolus facit Religiosos v. nos, mundanos, indevotos, & vocationis suæ immemores.

12^{mus}. Tentator vocatur *Laudipeta* ab hoc tentatore se-
ducuntur, qui bona faciunt non ut soli DEO placeant, sed ut vi-
deantur ab hominibus & laudentur.

13^{us}. Tentator appellatur *Lascivus*. Hic incipientium com-
moveret appetitum infimū seu Brutalem ad concupiscendum pastum
& potum saporosum, delicatum immoderatum non tam corpo-
rali necessitati, quam potius gulae & luxuriæ deservientem ad as-
piciendam oculo immortificato & amandam affectu sensuali
speciem alterius sexus, ac sæpe conversandum & jocandum cum
ejusmodi personis &c.

14^{tus}. Tentator vocatur *Tetricus* Hic Tentator incipienti-
bus suggerit cogitationes tristes, turbulentas, superbas, iracun-
das, invidas, severas, quæruosas, suspiciosas, amaras, inhonestas,
irreverentes, & malignas.

15^{us}. Tentator vocatur *Blasphamus*. Hic stimulat incipien-
tes contra superiores & confratres, contra Religionem, ac Re-
ligionis institutā contrā fidem, contrā fidei ministros, contrā San-
ctos eorumque imagines, contrā DEUM ac ejus judiciorum vias
investigabiles.

16^{tus}. Tentator vocatur *Amor placendi*. Hic svadet Ascetis
favorem, amicitiam, benevolentiam, & gratiam hominum ma-
gnificare, nimio studio captare ut his inescatos paratos efficiat.
DEUM potius offendere, ac legem ejus violare, quam homi-
nibus displicere. Ejusmodi favorem fugiebat *S. Paulus Apostolus*
ad Gala. 1. Si adhuc hominibus placerem Christi servus non
essem. *Et David Psal. 62. ait: Quoniam DEUS dissipavit ossa*
eorum qui hominibus placent, confusi sunt, quoniam DEUS
sprevit eos. Placere nihilominus hominibus propter illorum
utilitatem Spiritualem utile est, quo sensu *S. Paulus* voluit place-
re Discipulis suis, eorum proximis dicens *Ad Roman. 15.* Unus-
quisque proximo suo placeat in bonum ad ædificationem. *Qua-*
re & de se ipso ait idem Act. 1. Cor. 10. Per omnia omnibus placeo
non quærens quod mihi utilis est sed quod multis, ut salvificent.

17mus. Tentator vocatur *Timor displicendi*. Hic iisdem stimulus exagitat fratres incipientes, quibus Superior.

18vus. Tentator appellatur *Lingua*. Hic incitat incipientes ad immodicam & incircumspectam, loquacitatem quæ aliquo peccato catere nequit: ut patet Prov. 10. In multiloquio non deerit peccatum. Ut potè aut mendacij, aut jactantiæ, aut adulationis, aut irrisoris, aut contentionis, aut murmurationis, susurrationis, detractionis, &c. Quare S. Ambros. ait: Quam plures vidi loquendo in peccatum incidisse vix quempiam tacendo.

19vus. Tentator vocatur *Si*. Hic tentat incipientes per suppositionem circa possibilia V. G. quando cernit bonum Novitium incautum, orationi diligenter insistentem, mortificationi & virtutibus incumbentem, ac in perfectione Religiosa proficientem, mox ei ad meditandum proponit. Quid faceres si te ex ista Religione eijcerent, postea fraudulenter ei syadet, ut omninò resignatam voluntatem habeat ad Divinam, circa se hujusmodi ordinationem, affirmans, quod facile jam possit servire DEO in sæculo, quandoquidem tantopere profecerit in vita Spirituali, quod si in peccata recideret, non sua esset culpa, sed eorum qui se ejecerunt, vel suggerit ei quod possit aliam Religionem ingredi si sibi placuerit vel quando advertit aliquem bonum, Religiosum, in proposito æterno sese exercere ac roborare, DEUM videlicet amplius non offendi ac in timore amoreque illius proficiendi, protinus obijcit illi ejusmodi propositionem. Quid faceres si certo scires te non esse prædestinatum ac DEI electum? vel quid ageres si in hanc vel illam occasionem peccandi incideres? vel si hanc aut illam haberes persecutionem? vel quid faceres si comprehendereris ob fidei confessionem, & conijcereris in carcerem teterrimum ac fædum, torturæque tibi acerbissimæ adhiberentur. His modis sceleratissimus hostis contrâ Servos DEI procedere solet ut conturbatos reddens, pristinum affectum devotionis eorum erga Religionem conceptum, refrigerare queat, studium virtutum eos negligere faciat, fervorem orationis

tionis in illis extinguat. Charitatem DEI in odium suò studio convertat, proposita illorum aeterna frangat, & quod impium est illis eligere persvadeat. Sed non turbetur bonus Religiosus nec animo concidat, sed potius cognita infirmitate sua se DEO auxiliatori commendet.

2^{omus}. Vocatur *Accusator Fratrum*. Hic instigat fratres incipientes, ut se defendant, & excusent in suis defectibus aliorum accusatione, quod nimirum hos defectus contraxerint per indiscretionem Superiorum, per scandala fratrum &c.

§. VIII.

De modo resistendi Tentationibus.

Suppono imprimis resistere tentationi nil aliud esse quam cohibere voluntatis, consensum contrà insurgentem concupiscentiam: Tentationi resistere; est servire quodammodo contrà ipsam prout docet *Psaltes*. Iniquitatem odio habui & abominatus sum, legem autem tuam dilexi.

Suppono 2^{do}. Sicut variae sunt tentationes, sic varios esse modos iisdem resistendi. Alij Generales omnibus communes, alij particulares particularibus tentationibus proprij.

Generales Modi sunt; 1^{mus}. Oratio ad DEUM Beatissimam Virginem sanctosque Patronos. Quicumque enim tribuatur ad eum communiter recurrit, à quo juvari se posse sperat, cum autem DEUS suâ ope Beatissima Virgo, Sanctique Patroni suâ prece, nos juvare possent, ad orationem illorum auxilij causa in tentationibus est confugiendum.

2^{dus}. Modus est humiliatio coram Divina Majestate ita namque Oratio citius & efficacius subsidium obtinebit.

3^{tius}. Modus Fortitudo in resistentia maximè in tentationum initijs accedente timore DEI.

4^{tus}. Firma in DEUM fiducia cum spe affuturi sibi auxilij & spe præmij caelestis.

5^{tus}.

5^{tus}. Virorum Spiritualium ac præsertim Confessariorum, Superiorum, Directorum, Consilium.

Jam quod attinet Particulares modos incipientium Tentationes optime vincuntur recursû ad Confessarios & Superiores, quod cito semper sine mora & sincere faciendum, ut ex eorum instructione & informatione oportuna & efficacia remedia tempestivè obtineant.

Proficientium vincuntur. 1^{mo}. Sedulâ votorum suorum expensione. 2^{do}. Consideratione obligationis sui statûs 3^{tio}. Expensione finis sui instituti vel officij.

Perfectorum Tentationes vincuntur profundâ humilitate, perfectâ sui abnegatione, plenâ in DEI beneplacitum resignatione & alijs oppositis sive retolutis virtutum actibus.

Diaboli tentationes superantur. 1^{mo}. Ad DEUM recurrento. 2^{do}. Nihili eas faciendo & contemnendo. 3^{tio}. Fortiter resistendo. 4^{to}. Passionem Dominicam recogitando.

Mundi Tentationes vincuntur. 1^{mo}. Per considerationem finis ultimi. 2^{do}. Per considerationem Novissimorum. Huc faciunt modi mortificando, inordinato amore supra assignati.

Creaturarum tentationes superantur iisdem modis, quos supra Paragrapho 5. pro mortificando inordinato amore attulimus.

Carnis tentationes cum suis sensibus domantur per assiduam mortificationem, per jejunium, disciplinas, cilicia, humicubationes, ferreas, catenulas, vigiliis, frigus, & alias asperitates Item per meditationem quatuor Novissimorum.

Consuetudo prava cum suis illecebris comprimitur actibus oppositis & fugâ omnis occasionis,

Alijs gravissimis tentationibus ut blasphemix scrupulis desperationi & odio DEI quibus servi DEI gravissimè quandoque impetuntur resistitur. 1^{mo}. Argumentis & suggestionibus diabolicis, non auscultando. 2^{do}. Oppositos tentationibus actus concipiendo & ardentissimè eliciendo. 3^{tio}. Ita se cum Diabolo Carne &c. gerendo ac si stultus aliquis multas sibi inneptias

G & fatu-

& fatuitates absurdas oggereret, scilicet nihili eas faciendo. 4to. Cum hominibus prudentibus & spiritualibus gnaris harum tentationum agendo. Tentationibus contrâ Fidem iisdem modis resistitur. Contrâ alias & alias tentationes petantur remedia ex dictis supra. Contrâ Passiones mortificandas, & hæc de primo gradu pro complemento.

Quæres 1mo. Quidnam sit primum in primo gradu faciendum? R. Qui viam Purgativam ingrediuntur imprimis debent peccata sua intimo dolore & lachrymarum gemitu deplorare cum conatu satisfaciendi DEO pro ipsis per opera pœnalia videlicet per Abstinenciam, cilicia, disciplinas, vigilias, aliasque asperitates carnem castigantes.

Quæres 2do. Castigatis præteritis peccatis per opera pœnalia, quid postea faciendum R. insistendum esse tum vitijs extirpandis, tum Passionibus mortificandis, alijsque asceticis, exercitijs. Ita tamen ut & peccata præterita memoriæ non excidant, sed magis ac magis dolore & lacrymis abluantur.

Quæres 3tio. Quânto tempore se exercere debeat homo Religiosus in his exercitijs viæ Purgativæ. R. Omissis quæ Clementissimus DEUS quandoque operatur cui facile est, ab uno extremo ad aliud sine medio transferre hominem ut videre licet in S. Petro S. Paulo Apostolo Maria Magd. alijsve, quos subito ad vitam unitivam evexit, & nunc ut existimo, evehit.

Aliqui dicunt trimestri: aliqui sex mensibus: aliqui uno Anno debere tractari exercitia viæ Purgativæ. Sed puto nihil certi hac in parte statui posse, cum non omnes eodem fervore incipiant & continent vitam Religiosam. Judicium prudentis Spiritualis Magistri semper hic requirendum. Putarem tamen & svaderem pro præteritis peccatis sex Mensium spatio austeriores pœnitentias peragendas. Pro extirpatione verò præsentium & nobis inhærentium vitiorum nullum certum tempus præfigi potest cum non prius ab hoc prælio cessandum sit quam hostis aut penitus superetur aut notabiliter debilitetur quod certè non est sex mensium neque unius anni studium. Unde optimè illi faciunt

ciunt qui purgativæ & Illuminativæ viæ exercitia simul conjungunt, ita tamen ut illuminativæ non nisi post sex à principio vocationis elapsos menses præscribant.

Quæres 4^{to}. Quid faciendum illi, qui expletis plus vel minus viginti Annis in Religione nunquam in exercitijs viæ Purgativæ se exercuit, repetendane illi exercitiâ, incipientium an intermissis exercitijs incipientium, soli viæ illuminativæ insistendum. R. Quod repetenda. Melius enim est licet tardè sed ordinatè incipere, quam nunquam inchoâsse. Unde consulerem tali, ut imprimis generalem totius vitæ Confessionem institueret, peractâ confessione austerioribus pœnitentijs per tres aut quatuor Menses incumberet; demum Exercitia viæ illuminativæ cum DEI adjutorio ferventer aggrederetur.

C A P U T III.

DE SECUNDO GRADU PERFECTIONIS.

Diligens Agricola non tantum senticeta & herbas inutiles ut fructum percipiat in tempore suo ex agro evellit sed conserat eundem semente bono; ita Religiosus Perfectionis cupidus non tantum peccata cavere, non tantum vitia & Passiones e cordis sui agro eradicare debet, sed ut optimo virtutum semine eundem conserat est necesse: in quarum virtutum acquirendarum & exercendarum, studio, cum secundus iste gradus consistat, agendum nobis erit Capite isto ex professo de virtutibus, quod ut ordinatè faciamus totam tractationem in tres paragraphos dividemus. In primo quæremus quid sit virtus & quoduplex. In secundo, quæ præcipuè virtutes à Religiosis conquirendæ. In tertio, quomodo conquirendæ.

§. I.

Quid sit virtus & Quotuplex.

Virtus juxtà communem definitionem: Est habitus quò rectè vivitur, quò nullus malè utitur. *Seu ut dicit Philosophus 2. Ethic. 6.* Virtus est affectio permanens in homine, quæ habentem facit bonum.

Dividitur verò virtus in Theologicam, Intellectualem & Moralem. Theologica est, quæ directè & immediatè DEUM spectat. Intellectualis quæ in intellectu versatur. Moralis quæ in appetitu rationali, id est in voluntate circa perficiendos mores residet.

Theologicæ virtutes sunt tres. Fides, Spes, Charitas. Intellectuales sunt quinque, Ars, Scientiâ, Prudentiâ, Sapientiâ, Intellectus.

Morales sunt viginti; quarum priores Decem videlicet, Justitia, Religio, Pietas, Observantiâ, Veritas, Gratitude, Justitia vindicativa, Liberalitas, Magnificencia, Amicitia, Servunt ad bene conversandum & agendum cum alijs, V. G. Justitia servit ut reddamus unicuique quod suum est. Religio servit ut reddamus DEO cultum. Observantiâ, ut illis qui præsunt reddamus reverentiam & sic de alijs. Posteriores verò decem. nimirum Temperantia, Liberalitas, Philotimia, Magnificencia, Magnanimitas, veritas, Affabilitas, Eutrapelia, Fortitudo, Mansuetudo, serviunt ut propriæ Passiones & affectus bene regantur. V. G. Temperantia servit ut appetitus concupiscibilis circa objecta delectabilia ritè occupetur. Liberalitas servit, ut affectus ad expensas faciendas rationabiliter fiat. Philotimia, id est, Amor honoris servit ut desiderium dignitatum ordinatè exerceatur & sic de reliquis.

Inter has virtutes quatuor sunt primariæ videlicet Prudentia, Justitia, Temperantia, & Fortitudo. Hæ virtutes alio nomine

mine Cardinales, seu Generales, vocantur: tum quia ratio virtutis in singulis earum tanquam in cardinibus versatur, imbibuntur enim & permeant omnes alias virtutes, tum quia omnes alias, tanquam genus, species, sub se complectuntur.

Notandum autem est, omnes has virtutes Morales aliquando esse & dici acquisitas, aliquando infusas. Acquisitæ sunt & dicuntur tunc, quando per actus nostros humanos acquiruntur. Infusæ sunt, quando una cum gratia justificante aut recipiuntur aut producantur. Virtutes acquisitæ modum habent præscriptum à natura. Infusæ à legè Divina & fide. Illustro rem exemplo: Temperantia à cibo V. G. quando fit propter sanitatem conservandam, dicitur virtus acquisita, quia ratio naturalis docet, nè cum sanitatis nocumento comedamus: Quando verò fit propter castigationem corporis, vel propter imitationem Christi, vel propter acquisitionem gratiæ & gloriæ, dicitur virtus infusa, quia lex Divina quam docet fides nostra præscribit, testante S. Paulo ut corpus per abstinentiam in servitutem redigamus, & Christum qui in Eremo ieiunavit imitemur. Unde hæc virtutes tam infusæ, quam acquisitæ idem habent objectum materiale, sed formale valde diversum, quod nobis Religiosis hominibus benè notandum est, ut verum à falso dignoscamus & hoc diviniore & altiori modo virtutum moralium actus exercemus.

Notandum 2do. Quod licet infusæ virtutes nobiliores sint acquisitis, non tamen ita perceptibiliter difficultatem virtuosarum materiarum auferunt, & vetustos vitiorum habitus expellunt atque acquisitæ. Hinc fit cur Novitij, qui in sua initiatione (si te debite ad sacrum habitum summendum præparaverint) ipso justificationis momento omnes virtutes morales infusas accipiunt, vitiorum habitus, quos in sæculo contraxerunt diu sentiant & Passiones indomitas habeant; quia nimirum infusæ virtutes tametsi vires ad certandum suppeditent, pravos & vetustos vitiorum habitus perceptibiliter non excludunt. Propterea servi DEI qui

ad bravium Perfectionis volunt pervenire cum Infusis virtutibus in acquisite itrenuè incumbere debent.

S. II.

Quenam Præcipuè Virtutes à Religiosis conquirendæ.

Sciendum 1mo. Virtutes earumque actus esse duplices videlicet Internos, & Externos Interni sunt, affectus boni seu virtuosi, qui animæ vel mentis nostræ operatione exercentur. Externi, qui opere exteriori peraguntur. Externi ex seipsis actus, nec vitam habent nec perfectionem, nec meritum, nisi ab Internis, tanquam à puro proprioque suo principio fluant. Potest enim Hypocrita, vir DEO invisus exterius operari quidquid veri Sancti faciunt V.G. jejunare, orare, sacro interesse &c. Sed absque merito, perfectione & vita, nisi actus istos exteriores, cum internis conjunxeris. Deindè interni virtutum actus quovis tempore, locò, officiò à nobis exerceri possunt Externi non ita semper commodè.

Sciendum 2do. Quod nihilominus internorum horum actuum exercitium non sufficiat, nisi etiam ubi commodè fieri potest earundem virtutum externi actus exerceantur; proindè magnopere curandum est, ut actus Externus virtutis cum interno jungatur & hic cum illo.

Sciendum 3tio. Quod vitia nunquam oppugnentur, quin contrariæ illis virtutes attingantur. Origo enim virtutis à vitiorum & Passionum refrenatione dependet. Unde ex Doctrina de vitijs extirpandis, Passionibusque mortificandis præcedenti capitè proposita multas virtutes, Religiosus suo statui necessarias colligere potest adferam tamen & hic nonnullas cum suis causis formalibus, incitamentis, gradibus, actibus, tum internis, tum externis, ut eo facilius & frequentius quisque in sacro hoc studio sese exerceat.

1ma. Itaque virtus sit Fides, basis ædificij cælestis, quâ homo omnibus firmiter assentitur quæ DEUS per Ecclesiam proponit. Causa formalis propter quam fidei. *1ma.* Est infallibilis veritas DEI. *2da.* Inscrutabilis sapientia. *3tia.* Infinita potentia, cujus non est impossibile omne verbum. *4ta.* Infinita ejusdem bonitas, quæ multo plura parata est propter hominem præstare quàm humana fragilitas possit cogitare aut optare. Causa impulsiva seu Incitamenta *1mum.* Quia sine Fide impossibile placere est DEO. *2dum.* Quia accedentem ad DEUM oportet credere *Hebr. 2.* *3tium.* Quia fides credentes quodammodo omnipotentes reddit. Actus interni *1mus.* Detestari omnes errores oppositos fidei. *2dus.* Firmiter assentiri omnibus ab Ecclesia propositis. *3tius.* Optare pro veritate fidei pati & sanguinem fundere. Externi *1mus.* Fidem verbo aut facto ipso in tentationibus vel inter Hæreticos ubi opus est profiteri. *2dus.* Pati irrisiones & persecutiones, ob veram fidem.

Nota hic Quod quidquid boni cogitatur, dicitur, auditur, legitur, aut quocunque modo de quocunque articulo fidei agitur, sit actus hujus sacerrimæ virtutis præsertim si quis deliberatè actum illum quasi professionem fidei exerceat. Unde V. G. quoties Symbolum Apostolicum recitamus, quoties nos sacro signo Crucis munimus, quoties DEUM intimè nobis & ubique præsentem agnoscimus, quoties aliquod Sacramentum suscipimus vel alijs ministramus, toties actum hujus virtutis exercere, & per consequens meritum lucrari possumus.

2da. Spes quâ voluntas Divina auxiliò freta ad DEUM bonum immentum ac arduum acquirendum assurgit. Cause spei nostræ sunt variæ. *1ma.* Infinita Misericordia, benignitas, liberalitas DEI. Quid enim non sperandum filijs à tali Patre. *2da.* Infallibilitas promissionum ejusdem. *3tia.* Infinitas meritorum Christi, quibus omnia speranda superabundantissimè promeruit. Incitamenta. *1mum.* Quia spes in DEUM non fallit nec confundit *2dum.* Quia lætitiâ & tranquillitatem invictumquè in adversis animum suppeditat.

Actus

Actus *1mus*. Sperare quod per merita Christi æternam animæ & corporis beatitudinem veniam, gratiam, perseverantiam, & omnia auxilia ad hoc necessaria, per media ab ipso Christo constituta simus consecuturi. *2dus*. Ob hanc spem quosvis labores subire. *3tius*. Ob eandem spem caduca mundi bona contemnere, nulla adversa formidare. commentaneas omnes tribulationes huius mundi ducere. Actus huius virtutis utilissimi sunt, præcipuè cum aliquid non sine gravi aliquo sensu patimur & cum persecutio instat, vel cum affligimur ut nobis animum faciamus.

3tia. Charitas virtus inter Theologicas præcipua quæ DEUM quaslibet creaturas propter DEUM ipsum diligimus, eique plenâ voluntatè propter ejus bonitatem adheremus. Porro amare DEUM nihil aliud est, quàm verò & vivo affectu, nostram illi devovere voluntatem, atque adeo velle & procurare illi quæcunque bona possibilia ipsi convenientia, quæ, & sicut, per suam voluntatem ipse sibi vult & procurat. Causa diligendi DEUM *1ma* Est & præcipua, summi bonitas & amabilitas ejus in se, per se, & propter se. *2da*. Infinitus ejus amor erga nos *3tia*. Infinita ejus beneficentia & liberalitas in tot beneficiis nobis exhibitis & exhibendis. Incitamenta *1mum*. Quia immania peccatorum debita expedite dissolvit juxta illud Christi Domini remittuntur et peccata multa, quoniam dilexit multum. *2dum*. Quia infinitam DEI erga nos dilectionem & liberalitatem modo quo possibile est homini præstantissimò, compensat. *3ia* Quia ad optatum perseverantiæ donum & gloriæ bravium securè perducit. Actus *1mus*. Divinam bonitatem propter se amare, ipsique, ut summo bono velle semper conjungi. *2us*. De omni bono DEI intrinseco (ut attributis) gaudere, gratulari, & ut ab omnibus lauderetur, infinites, insatiabiliter, desiderare. *3tius*. Velle DEO omne bonum, non tantum id quod nunc habet, sed & omne aliud externum quod non habet, illudque pro posse procurare, ut ejus gloria externa magis ac magis propagetur, & resplendeat, primum in nobis, postea in alijs. *4tus*. Sanctissimam ejus voluntatem in omnibus præceptis, consiliis, legibus, & Regu-

& Regulis cuique proprijs, Sanctisque inspirationibus promptè adimplere. 5^{tus}. Omnia Divina iudicia, decreta, opera, permissiones quoad nos omnes & omnia intellectu revereri, approbare, collaudare, voluntate acceptare, amplecti exosculari. 6^{tus}. Dolere & torqueri quod toties & tam enormiter à multis offendatur. 7^{mus}. Offerre corpus, animam, cogitationes, sermones, & omnes suas actiones DEO, sequi ipsum in nulla re, sed solum bonum ipsius querere atque adeo mutuam communicationem omnium rerum & operum cum ipso instituisse seu ut loquitur S. Paulus. 1. Cor. 10. Omnia in gloriam ejus facere. Sunt & alij plurimi Actus hujus Divinissimæ virtutis, quos ego hic non enumero, illud solum dico, quia omnis actio nostra quâ bonum Divinum respicimus, vel quam præcisè ex eo quia DEO placet ipsumque honorat, facimus, est actus Charitatis.

Notandum verò est, Charitatis actus aliquando vocari elicitos, aliquando imperatos. Eliciti dicuntur quatenus solum Charitatem respiciunt. Imperati quatenus alias virtutes s'vadent faciendas, præcisè ex eo, quia sunt cum bono Divino vel quia DEO placent. Eliciti sistunt in sola Charitate. Imperati extendunt se ad alias virtutes atque superindunt. Ilustro rem exemplo V. G. Actus Charitatis quò homo DEUM pluris quàm quidvis aestimat & amat, solum ex eo quia id DEO placet & DEUS hoc à nobis vult, est actus Charitatis elicitus, qui terminatur & finitur in solo bono DEI. Quando verò ex eodem beneplacito & bono DEI quispiam jejuna aut obedit, vel orat, aut aliam virtutem exercet, ille Charitatis actus erit Imperatus, quia jejunium, orationem obedientiam & alias virtutes s'vadet faciendas ex eo, quia DEO placent,

Et hac ratione intelligendum est, illud Axioma Theologicum: *Habitus Charitatis est, forma virtutum*: non quod aliqua virtus, ad veram rationem virtutis necesse habeat, ut actus

eius eliciantur ex imperio Charitatis , sed quia quando charitas alijs virtutum actibus superinduit formam suam, illosque ad finem suum ordinat, virtutes illæ fiunt illustriores. Præclarum equidem est, & laudabile jejuna- re, vacare orationi, humilitati, silentio obedientiæ &c. Verum si ista non imperentur, nec fiant ex Charitate, sed duntaxat ex proprio cujusque virtutis motivo non habent adhuc totam perfectionem & formam. Bonus obedientiæ gradus est, inquit S. Bern. si propter metum Gehennæ vel propter professionem factam obedierit quispiam melior tamen est, cum ex DEI amore obeditur, illa quippe obedientia necessitatis est, ista charitatis. Hæc Sanctus. Quocirca asvescant Tyrones omnes virtutum actus ex imperio Charitatis DEI incipere, & perficere, ut per talem directionem & intentionem actus earum fiant illustriores, & perfectiores, ac per consequens majoris gratiæ & gloriæ meritorij.

4ta. Virtus à Religioso conquirenda est: Unio Fraterna seu Dilectio proximi, virtus post Charitatem DEI in Claustris, degentibus maximòperè necessaria. Objectum hujus virtutis sunt omnes homines, tam amici quàm inimici. Causa formalis quod summè amet Sanctissima Trinitas omnes homines capaces gloriæ & gratiæ summèque velit à nobis eosdem amari. Causa exemplaris Amor proprius quò se quisque diligit. Causa Impulsiva. 1ma. Quia unusquisque proximus habet imaginem in se DEI. 2da. Quia est futurus meus consors in regno Cælesti. 3tia. Quia omne id quod proximo fit Christus sibi factum reputat. 4ta. Quia est nota Discipulorum & ovium Christi, & filiorum Dei. 5ta. Quia maximè nobis tanquàm summariu[m] omnis perfectionis in lege naturæ, in lege scripta, & in lege gratiæ, tum minis inculcatur, tum promissis commendatur. Actus ejus sunt interni. 1mus. Velle proximis propter DEUM vera bona singulis convenientia. 2dus. Nolle iisdem vera mala. 3tius. Velle supportare in charitate illorum onera. Externi 1mus. Non inferre illis ulla mala nequè de iisdem gaudere sed potius compati, & conari eripere, ut neminem obloqui, nemini detrahere,

re, contradicere, neminem contempnere, arguere, irridere, contrà neminem susurrare, (quod tunc fit cum alicui quid aliud dixerit quidque contrà illum egerit insufflamus) Item neminem temerè, judicare, sed salvâ conscientiâ, defectus excusare. *2dus*, Unum, quemque quò par est, honore prosequi, favere, juvare consiliò opere pecuniâ &c. *3tius*, Blandè pacatè in Charitate eorundem onera supportare.

5ta. Devotio genuina proles Religionis, quâ promptè & resolutâ voluntate peraguntur ea quæ ad Divinæ Majestatis cultum spectant. Unde apparet devotionem veram posse in voluntate sine sensibili affectu etiam cum oblatione inferioris partis, quoad ea quæ cultus Divini sunt consistere, quod benè notent, ne errent illi, qui nullum se facere progressum putant si sensibilem devotionem non sentiant.

Causæ præcipuæ ad devotionem excitantes sunt tres. *1ma*, Infinita Divinæ Majestatis excellentia infinito cultû, obsequiò dignissima. *2da*, Ipsa conditio creaturæ rationalis, quæ ideo condita est ut se Creatori submittat ejusque cultui se totam impendat modò quò potest, excellentissimò. *3tia*. Exemplum SS. Angelorum, & Beatorum omnium, æternum DEUM laudantium. Qui hæc saltem semel in die non revocat indignus est, inquit Cajetanus, nomine Religiosi, Actus Interni *1mus*. Talis est, sentire de DEO altè profundèque se illi submittere. *2dus*, Desiderare omnia cultûs divini exercitia devotè obire. Externi. *1mus*, Internum de DEO Divinisquè rebus sensum verbo & opere pro natâ occasione prodere. *2dus*, Omnia Divini cultûs obsequia, uti sunt tremendum Sacrificium Missæ, Sacramentorum susceptio, & administratio, Horæ Canonice & aliæ præces tam vocales quam mentales, votorum emissio, Humanitatis Christi JESU, cultus, Beatissimæ Virginis & Sanctorum promptè & piè ac reverenter obire. *3tius*, Omnia quæ quòquò modò spectant ad laudandum DEUM & Sanctos ut sint Ceremoniæ Ecclesiasticæ, Imagines, Rotaria, Reliquiæ Sanctorum &c. decenter & reverenter habere & observare.

6ta. Poenitentia Quâ propter DEUM omnia peccata detestamur cum proposito non relabendi ac DEO pro illis secundum posse satisfaciendi. Virtutem hanc omnes qui è sæculi declivio in Religionem sunt vocati, impensius debent colere, ut peccata quæ in mundo commiserunt opportunitate novi statûs expient, memores semper salutaris illius consilij De propitiato peccato noli esse sine metu. Objectum hujus virtutis sunt peccata in se sive illa sint levia, sive gravia. Finis est, peccatorum abolitio & cum DEO reconciliatio Motivû Bonitas seu amabilitas DEI super omnia appetiata. Actus Interni Odium horror detestatio cujuscunque peccati, Dolor Acerbissimus quod DEUM summum bonum offenderimus. Constans firmumque propositum nunquam peccandi. Actus externi Confessio, Contritio, jejunia, panis, & aquæ, cilicia, vigiliæ productiones, Oratio nudis genibus diuturnior, acriores disciplinæ caloris & frigoris tolerantia, & ejus generis alia permulta, quorum sacra scriptura & vitæ Sanctorum plurima exempla proferunt, Item ad sonum horologii actum Contritionis elicere, pectus percutere &c.

7ma. Obedientia est, Virtus Quâ Superiorum jussis DEI personam gerentium obtemperamus. Materia hujus virtutis sunt omnes actus quocunque modo à Superioribus injuncti. Forma Quia iidem actus præcepti & jussû à Superiore, tanquam DEI Vicario & Divinæ voluntatis interprete. Quod omnes qui verè obedientes esse volunt diligenter debent notare, non conquirendo alias rationes quàm, quia à Superiore præceptum. Incitamenta. *imū.* Quod sit excellentissimum Divinæ Majestatis holocaustum, juxta illud Melior est Obedientia quàm victima. *adum.* Quod sit brevis, svaavis, & secuta ad cælum via, juxta illud Christi qui facit voluntatem Patris mei, ipse intrabit in regnum cælorum. Actus. *imus.* Defectus omnes tam parvos quàm magnos qui obedientiæ adversantur vitare. Quales sunt Superiores interna, aut externa, reverentia non prosequi, quia V. G.

Doctrina

Doctrina moribus ac virtute carent, contrà eos eorumque ordinationes intrà se vel coràm alijs murmurare, rationes inquirere, voluntatem discutere, moras quoadusque expressè præcipiatur ducere, mandata improbare, lentè ac segniter obedire &c. 2^{us}. DEUM in quolibet Superiore intueri illique ut DEO parere. 3^{ius}. Exequi quod iussum est, velociter integrè hilariter, & indefinenter. *Vide explanationem Regulæ Cap: 18.*

8^{va}. Castitas est Virtus. Quâ carnis concupiscentia, & omnes illicitæ voluptates compescuntur. Incitamenta Angelicæ, huius virtutis sunt. 1^{um}. Quia mirificè in sui amorem rapit celestem Sponsum. 2^{um}. Quia reddit idoneum ad extrà ordinaria Divinæ largitatis charismata percipienda. 3^{ium}. Quia peculiarem meretur in cælo laureolam.

Actus 1^{us}. Abhorreere penitus ab ijs omnibus, quæ quocunque modo castitati etiam levissimè adversantur: qualia sunt pravis cogitationibus, vel puncto temporis immorari, liberius oculis vagari, libros noxios perlegere: imagines vel personas aspicere, impura audire, corpus proprium sinè necessitate attrèdare tactum alterius etiam non inhonestum non vitare &c. 2^{us}. Præcavere omnia pericula & occasiones lædendæ castitatis, vel motuum indecentium. 3^{ius}. Nulli manum præbere multò minus in vultu quempiam tangere. 4^{us}. Ità modestè in Cella, ac si nos omnes viderent agere. 5^{us}. Media ad conservandam castitatem necessaria sollicitè adhibere. *Vide explan. Reg. c. 10.*

9^{na}. Paupertas Quâ res omnes temporales ultroneè propter Christum & Regnum cælorum dimittuntur. Actus ejus sunt. 1^{us}. Vitare omnes defectus, qui repugnant paupertati: Cujusmodi sunt dare vel accipere aliquid absque expressâ Superioris facultate, aut absque necessitate, quod superfluum est, retinere, aut ea quibus utimur neglectui habere, conterere, lacerare, aut etiam illis cum aliquo affectu tanquàm proprijs uti 2^{us}. Est, Abdicare omne dominium, proprietatem, jus, & usum omnium rerum etiam minimarum. 3^{ius}. Nullâ re etiam communi nisi quantum necesse est, & ad instar cæterorum

uti, vitata omni singularitate & excessu. 4tus. Viliores res pro
usu semper affectare, ut Cellam incommodiorem, duriores le-
ctum, vetustiores libros. 5tus. Cum quid necessarium deest æquò
animò ferre nunquàm murmurare, non conqueri, non mu-
tire, quin potius de eo lætari.

10ma. Humilitas. Virtus Religioso maximè necessaria sine
qua aliæ solidæ esse non possunt quâ coercetur animus ne ad
altiora se feratur. Fundamenta humilitatis sunt quatuor. 1um.
Quia nihil sumus nec quidquam à nobis ipsis quasi ex nobis
agere possumus. 2dum. Quia infinitis propè defectibus scate-
mus. 3tium. Quod si quid boni habemus illud non solum à
nobis non est, sed valde angustum & limitatum est. 4tum.
Quia si quid à DEO nobis concessum est, illud non propter
nos, sed propter ipsius gloriam concessum est. Actus hujus
virtutis, S. Benedictus refert in Regula, duodecim, inter quos præcipui
censentur. 1mus. Reputare se positivè vilissimum & omni bonò
indignum laude, honore, amicitia aliorum. 2dus. Judicare se
dignum quòcunque malò possibili. 3tius. Nunquàm se lauda-
re, vel jactare, imò cum laudamur quod ij non simus, vere-
cundari. 4tus. Culpas proprias non erubescere publicè confi-
teri. 5tus. Eligere sibi & frequentare viliora loca, ministeria,
ut sentinam mundare, culinam purgare &c. 6tus. Nihil un-
quàm facere ut videaris sed in omnibus pure soli DEO velle
placere. 7mus. Velle ab alijs quoquè vilipendi, nihili repu-
tari, durius tractari, non magni æstimari, non laudari, nequè
honorari, imò nec amari.

11ma. Abstinencia (cibi,) Sobrietas. potus, usum ex ratio-
nis præscripto temperat. Bonus autem eorum usus situs est, in me-
diocritate valetudini, officio, laboribusque corporis, proportio-
nata. Præcipuè verò Divinus Amor, virtutem hanc perficit,
quia ex una parte sollicitum, facit hominem vitæ, valetudinis.
viriumque corporis, pro obsequio DEI, necessarium: ex alia
verò parte facit ejusdem vitæ valetudinis, viriumque contem-
ptorem, ut solò DEI placendi studiò omne solatium atque ob-
lectamen-

testamentum à se abdicet. Porro Incitamenta ad hanc virtutem sunt. *1um.* Quod temperantia mirè placeat DEO, eam toties nobis commendanti. *2dum.* Quod animæ plurimum, profit ad Luxuriam, Iram, Diaboli infestationes domandas, mentemquè ad arcana DEI capienda idoneam reddendam. *3tium.* Quod corpori quoque plurimum profit ad sanitatem, vitamquè longiorem conservandam. Actus *1mus.* Nunquam cibis etiam necessarijs, nisi locò, & horis, consvetis uti. *2dus.* Non applicare sensualitatem ad cibos. *3tius.* Nolle nec optare ab alijs diversa, vel meliùs condita. *4tus.* Cibos quibus concupiscentia magis oblectatur, non manducare. *5tus.* Certam quantitatem cibi, & potùs, sibi præfigere. *6tus.* Nunquam de esculentis poculentisque sermones miscere, multò minùs de eis conqueri. *7mus.* Ad extinguendum saporem inspergere cibis aliquid amari vel insipidi. *8vus.* Unam integram portionem vel è singulis aliquam partem Christi pauperibus relinquere.

12ma. Patientia, quæ animum adversùs tristitiam, ex mali cujusdam urgentis incommodi conceptam confortat, viresquè addit nè à virtutis studio, propriique officij debito cessemus prout judicij recti Divinæquè voluntatis, ratio exigit operandum. Oritur autem Tristitia ista ac per consequens. Impatientia ex varijs causis, nunc internis, ut scrupulis, desolationibus, nunc externis, ut ab infelici negotiorum officiorumvè successu: nonnunquam ex alienis culpis, vel injurijs, nobis illatis, ex quarum interventu tristamur, & irascimur. Incitamentum patientiæ est, Quia omne id quod in hac vita patimur, aut pati possumus modicum, & momentaneum est. *1mo.* Respectu peccatorum nostrorum tot & tam gravium. *2do.* Respectu suppliciorum æternorum aut temporalium iisdem debitorum. *3tio.* Respectu eorum quæ amore nostri dignatus est pati, Filius DEI. *4to.* Respectu solatiorum quibus remunerare solet, patientiam DEUS tam in hac vita, quam in futura. Actus *1mus.* Fuga omnium imperfectionum in quas in adversis, solemus incidere, cujusmodi sunt immoderata tristitia, perturbatio, ira, quærelæ, detra-

detractiones, murmurationes, dicteria scomatica, in adversorum Authores, indignatio contra eosdem. *2dus.* Plenissima in omnibus, resignatio nostraeque voluntatis, cum Divina conformatio, sive inter infamias, ignominias, persecutiones, irrisiones, afflictiones, quae nobis ex aliorum vexatione, proveniunt: sive in corporis infirmitatibus, languoribus, morbis acutissimis, atque adeo morte ipsa, quibus nos Dominus DEUS noster explorat & purgat. *3tius.* Tacere ad imitationem Christi, patientis, qui tanquam agnus, coram tondente se obmutuit. Huc serviunt remedia curandae tristitiae, & irae, supra allata. Nota virtutem hanc uberem meritorum messem quotidie nobis afferre posse: cum enim praecipue duobus modis videlicet agendo, & patiendo, mereamur & ad agendum valde simus pigri, si in patiendo fuerimus prompti & perseverantes, magnum, ut dixi, cumulum meritorum coacervabimus.

13ta. Modestia, Decor domus DEI quae verba nostra & facta exteriora ita moderatur ac regit, ut nihil à nobis prodeat quod nostrae personae, conditioni, aetati, aut dignitati, non conveniat. Supponit autem exterior modestia, animam omni virtutum genere cultam esse interius à qua tanquam à suo fonte oritur. Unde videtur esse propria Perfectorum virtus, quamquam & incipientibus, qui vitam Religiosam auspiciantur maximo opere est necessaria (unde & tantopere commendatur & inculcatur) ut quemadmodum praecipuarum virtutum praxi animum excolunt, sic paulatim quidquid insulsum in oculos incurrit emendent. Actus ejus consistunt in recta capitis, oculorum, frontis, oris, labiorum, manuum, linguae, incessus, vestium, denique omnium & singulorum corporis motuum moderatione, de quo lege Regulam, Constit. Ord. *1 part. c. 27.* & Paragraphum seu praxim ultimam hujus nostri Abecedarii.

14ta. Eutrapelia. Quae convenientem in recreationibus, modum praescribit, & observat. Actus ejus sunt. *1mus.* Recreare animum ut post aptior sim ad serviendum DEO. *2dus.* Recreationem temperare, modestiâ. *3tius.* In recreatione nulli creare

creare molestiam. 4^{ta}. Nihil incompotè agere. 5^{ta}. Nihil noxij, nihil vani, nihil sæcularis multo magis obscæni vel mendosi in medium afferre.

Notandà autem & observanda hic sunt tria. 1^{um}. Virtutes illas inprimis frequentius & ardentius exercendas esse quæ sunt præ cæteris excellentiores universaliores, & magis necessariæ ita ut nulla dies prætereat in qua non aliquot earum actus edantur: quales sunt virtutes Theologicæ Fides, Spes, Charitas, inter Morales pro Religiosis Obedientia, Paupertas, Castitas, Humilitas, Patientia.

2^{dum}. Quod observandum occurrit est, exercendas esse, purè, intensè & constanter. Purè non intuitu mercedis tantum aut supplicij, sed ex merò Amore DEI quia DEO placent, & sicut vult ipse DEUS. Hæc consideratio superinduit Charitate virtutem exercendam, atque adeò addit illi illustriorem & perfectiorem formam, quod est, summi meriti uti supra de Charitate vidimus. Intensè id est, omni possibili diligentia, attentione & vivacitatis fervore. Hæc conditio est sal, quò virtutes coniunguntur ita ut ad perfectionem actus virtuosus nihil desit. Constanter id est, usque ad mortem quavis oblata occasione tam in prosperis quàm in adversis sive circa facilia sive circa ardua objecta. Hæc conditio animum in quavis virtute fulcit ad per mansionem, ut firmissimè non obstante diuturnitate temporis in bono permaneat.

3^{tium}. Quod observandum est, exercendas esse virtutes directè ob finem seu intentionem hujus vel illius virtutis consequendæ. Defectu hujus conditionis, potest quispiam viginti annis in Religione esse (dicit Joannes à JESU,) & nullam unquam virtutem V. G. Religiosæ obedientiæ exercere si videlicet ex communi tantam consuetudine juxta placitum suum, absque prædicta intentione actus sibi injunctos perficiat. Sicut è contrà propter eandem intentionem, nullum actum etiam ex se indifferentem, ut comedere, dormire, bibere, sedere corpus recreare poterit facere sine virtute &

mento

merito vitæ æternæ. Imò ratione ejusdem intentionis, unico simplici actu plurimas virtutum species poterit exercere, meritaque accumulare, ut cum quis in culina lavat, si id faciat ut placeat DEO exercebit actum amoris, si ut Christam immittetur erit actus Fidei, si ut mereatur vitam æternam erit actus spei, si ut mandatum Superioris exequatur erit obedientiæ virtus, si ut pro peccatis satisfaciatur, erit virtus Pœnitentiæ, si ut abjectum opus exerceat, erit virtus humilitatis & sic de cæteris: Quot honestos fines concipiet, tot virtutum & meritorum actus habebit. Asvescant ergo Tyrones purè propter DEUM & directè propter virtutem actus suos peragere in illisque diversas intentiones præfigere si eos volunt illustriores fieri, & septuplo aut decuplo meritis cumulare.

Quod si Quæras Undè quis cognoscere possit virtutem se aliquam jam habere. *1.* Varia esse indicia. *1um.* Si desideria illicita contrà aliquam virtutem insurgentia sunt extincta vel mortificata. *2dum.* Facilitas, & sùavitas in exercitio virtutis. *3tium.* Fervens desiderium proficiendi in virtute signum est, eam jam intus, considerare. *4tum.* Diligens imitatio Domini nostri JESU. Qui igitur ex istis signis Vacuum se esse virtutibus cognoverit humiliet se, roget Dominum DEUM & conatum pro virili adhibeat.

§. III.

De modo & ratione acquirendarum virtutum.

Suppono ex suprädictis, sicut victoriæ vitij, ita exercitij unusquisque virtutis tres esse gradus. *1mus.* Est quando defectus virtuti contrarij generosè repelluntur. *2dus.* Quando proprii ipsius virtutis actus frequenter & ferventer exercentur. *3tius.* Quando non solum ferventer sed faciliter & delectabiliter etiam circa ardua virtutis, heroicè & resolutè exercentur.

Qui

Qui igitur aliquem alicujus virtutis gradum assequi cupit excitet in se imprimis magnum & ardens virtutis desiderium, quod ut facilius consequatur, instituat una vel altera vice diligentem Meditationem de Excellentia Pulchritudine & Necessitate illius virtutis, deinde illam instanter & humiliter efflagitet sibi dari à Domino DEO; Omnis enim virtus est à DEO ut Authore, adiutore, & conservatore. Et hic est, primus modus virtutem acquirendi.

2^{us}. Modus est, isque præcipuus. Exercitium seu actio virtutis. Frequententur proprii actus tum interni, tum externi, virtutis, quam acquirere volo donec habitus seu facilitas ad eandem juxta communem sensum obtineatur. V. G. Vult aliquis humilitatem acquirere exerceat sæpius actus humilitatis supra allatos reputet se indignum quovis bono, nunquam se jactet, eligat viliora loca, vestes, ministeria &c & sic sensum in possessionem humilitatis veniet.

3^{ius}. Modus est, pugna per Mensem vel aliquod certum tempus cum vicio opposito virtuti quam acquirere intendimus. V. G. Vult aliquis Patientiam adipisci, decertet adversus impatientiam & omnem tristitiam, perturbationem, iram, quærelas, murmuraciones, scommata indignationem aliosque defectus in quos in adversis incidere solemus.

4^{us}. Modus est, assumere certam aliquam virtutem proponereque aliquot ipsius actus V. G. quinque in memoriam quinque vulnerum Christi quotidie elicere, atque de executione hujus propositi in particulari bis in die, scilicet ante prandium & vespere diligenter se examinare, pro trasgressionemque certam pœnitentiam hic & nunc absolvendam injungere. Praxim hujus examinis habes infra de examine particulari.

Notandum autem circa hanc virtutum acquisitionem, servanda quatuor. *1^{um}*. Virtutes singulas singillatim esse acquirendas; quod non ita accipere ut cæterarum virtutum penitus curam deponere debeas, sed ut peculiariter & accuratius uni illi assumptæ ad exercitium intendas, cæteras verò incidentibus

occasionibus exerceas. Quanquam illæ sint nimium affines, & aureo quodam nexu concatenatæ, ita ut qui sedulò uni intendit statim alias eodem tractu post se rapiat.

Notaadùm 2do. Quod non sufficiat acquirere aliquid uniuscujusque virtutis, sed oportet in unaquaque illarum ad perfectum crescere alias enim non erit virtus, sed Exordium sine Epilogo.

Notandùm 3tio. Quod illæ virtutes prius sint conquirendæ quæ sunt propriæ statui ad quem quis peculiariter à DEO est, vocatus. Ut. le vocatus ad statum Religiosum imprimis contemptui terrenorum, mortificationi sensum, & judicii proprii, arcto silentio, Meditationi rerum divinarum intendere debet.

Notandùm 4to. Quod magna discretio, honestas & prudentia in conquirendis virtutibus sit servanda; virtus enim cum consistat in medio, cum ex se sit pulcherrima, cum sit semen, DEI, extréma odit, dedecorum fugit & rationabile obsequium amat.

Quæres. Quanto tempore immorandum in acquisitione virtutum? R. Non prius manum amovendam ab hoc saluberissimo exercitio quàm vel virtus acquiratur vel insignis profectus in ea obtineatur, quod non unius mensis, aut Anni, nequè unius gradus sed totius vitæ & integræ Perfectionis ut patet ex dictis.

C A P U T IV.

DE TERTIO GRADU PERFECTIONIS.

GRadus tertius perfectionis nihil est aliud, quàm continuum studium uniendi sese per verum amorem cum DEO, illique perfectissimè adhærendi, innuit hanc unionem *S. Paulus 1. Corint. 2. cum ait: Qui adhæret Domino unus Spiritus est, cum eo, quantoperè autem Dominus DEUS noster hanc Sanctam*
secum

secum Unionem desideret. *explicavit S. Catharina Senensi in Dia-*
logo dicens: Alta mente considera voluisse me, ut mea divinitas,
 Majestatis dignitate sepositâ vestræ copularetur humanitati, ut
 tanto Charitatis exemplo, nos ad pariter uni mihi jugiter ad-
 hærendum provocarem, allicerem, traherem, *ita Dominus ad*
S. Virginem. Et quanquàm unio hæc propria sit virorum Per-
 fectorum tamen & Tyrones debent ad eam aspirare, cum &
 ipsi ad perfectionem tendere teneantur. Quare ad faciliorem
 ipsius intelligentiam Paragrapho 1. explicabo naturam & actus
 ejus. 2do. Suggestam aliquot modos ad eam perveniendi.

Unio. §. I.



Quid sit Unio, & qui actus ejus.

Nomine Unionis in præsentī non intelligitur oblatio, quā
 preces & alias actiones nostras ut sint acceptabiliores cum
 precibus & actionibus Christi JESU Beatissimæque Virginis uni-
 endo, DEO offerimus. Nequē unio altioris ordinis in qua
 ex Divinæ gratiæ largitate languor, extasis liquefactio &, alij
 actus affectuosæ Charitatis non sine jucunditate sensuum solent
 invalescere. Sed intelligitur Tertius isque præcipuus & perfe-
 ctus Charitatis effectus, qui non est aliud quam conjunctio trium
 facultatum videlicet Intellectus, voluntatis & omnium operatio-
 num nostrarum externarum cum ipso & Divina ejus volunta-
 te & gloria tanquam cum proprio præcipuarum quæ in nobis
 sunt potentiarum objecto.

Actus hujus unionis uti ex descriptione antecedenti colligi
 datur sunt tres. 1mus. Consistit in unitione Intellectus nostri,
 ut is ab omnibus rebus creatis non solum naturæ sed & gra-
 tiæ, avellatur, & soli DEO bono increato applicetur, aut cer-
 tē si rebus creatis applicetur quatenus in se aliquid Divinum ha-
 bent, & ad DEI obsequium pertinent. 2dus. Consistit in unitio-

ne voluntatis nostræ, ut hæc similiter ab omni cujuscunque generis sit, tam corporali quàm Spirituali, creato bono retrahatur, & solo bono Divino ardeat, atque adeo in omnibus tam prosperis quàm adversis, Divinæ se ita conformet, ut nihil amet, nisi quid, quantum, & quomodo DEUS voluerit 3^{tius}. Consistit in unitione operationum nostrarum ut hæc itidem purè, & solum propter bonum & gloriam DEI assumantur peragantur & finiantur.

Consistit ergo hæc unio (ut paucis multa complectar) in omni moda, Intellectus voluntatis & operationum nostrarum cum DEO, conjunctione, ita ut quemadmodum Divinus ejus Intellectus in assidua propriæ naturæ, ac perfectionum suarum Divinarum cognitione & contemplatione versatur voluntas verò volendo sibi omne bonum, indefesso erga seipsum amore occupatur, omnes deniquè actiones ad extra immenso eodem amore sui operatur, ut gloriam suam in omnibus quibuscunque operibus etiam minimis manifestet, ita unio ista in qua est hominis propria Perfectio in eo consistit, ut intellectus noster eique subjunctæ ac subordinatæ potentie videlicet memoria, cognitio, imaginatio, phantasia, DEO tanquam proprio ipsarum objecto jungantur, ut voluntas nostra voluntati ipsius per omnia cohærens tanquam supremo bono summo Amoris affectu illi adhæreat omniaque opera nostra externa propter ipsum solum ejusque gloriam diligenter & resolute heroico modo peragantur, ita ut nec quicquam dicamus, agamus, patiamur aut exterius operemur propter proprium solatiolum vel commodum imò si quid delectationis & oblectamenti capi posset, ex propinquorum V. G. atque amicorum consuetudine ex esculentis & poculentis, ex visus, auditus, cæterorumque sensuum usu, ex honoribus deniquè aut alijs rebus quibuscunque illud vel pro-fus in nobis extinctum sit, vel omnino a DEI amore dependeat, ut eorum nihil admittamus nisi quod & quantum Divinum ejus obsequium majorque eius gloria exigit, secundum Sanctissimam eius voluntatem, cui non liceat reluctari. Et hoc est, quod

est quod S. Paulus 2. Cor. 3. dixit, quia revelata facie gloriam Domini speculantes in eandem imaginem transformamur accipientes intra nostrum spiritum ipsius DEI virtutes quibus effici-mur similes gloriosæ ipsius Divinitati, transeuntes a claritate in claritatem, hoc est à claritate cognitionis quæ in intellectu re-sidet ad claritatem affectus qui à voluntate procedit, & ab hac claritate ad claritatem virtutum, euntes de virtute in virtutem donec videatur clare DEUS Deorum in Sion.

Absolutissimum huius unionis exemplar hebemus in Chri-sto Domino Salvatore Nostro, ipse enim nunquam à DEI co-gitatione cessabat, continuum Divini amoris affectum exercebat, indefesso Divinæ Patris Gloriæ studiô ferebatur quam unam tum verbis omnibus tum externis operationibus continuo procurabat & ad unum quod illi gratum & acceptum esse noverat executioni mandabat. Simile exemplum cernere est, In Bea-tissimo Paulo Eremita, Patre nostro, qui per continuos nonaginta septem annos per contemplationis studium, soli DEO vacabat, amore cuius insatiabiliter ardebat omniâque opera sua puta silentium, jejunium, mortificationes, orationes, nuditatem, frigus, solitudinem & alias mortificationes pure propter solam gloriam, & beneplacitum DEI peragebat.

S. II.

De modis quibus perfecta Charitas acquiritur.

Non est, quidem volentis neque currentis tantæ rei præ-cepta tradere, solus enim Spiritus S. Divino suo illapsu negotium hoc ut perficere, ita modos manifestare potest, pro-inde modi qui à Spiritualibus viris proponuntur non tam ac-quisitioni quàm dispositioni ad vnionem deserviant. Ex quibus.

1^{mus}. Modus est. Habitâ gratiâ justificante adhibitisque continuis precibus, omnia duorum superiorum graduum exercitia praticare. Huc enim tanquàm ad scopum ordinatur peccatorum detestatio, huc facit vitiorum extirpatio, huc tendit Passionum mortificatio, huc refertur tentationibus resistentia, huc collimat virtutum exercitatio, ut postquàm à rebus creatis atque à nobis ipsis quam longissime animo, sensu, & ipsa denique operatione recesserimus tum demum ad DEUM accedemus eique uniemur.

2^{us}. Modus est, Cognitio DEI & cognitio sui: Modum hunc ipse Christus Dominus dixit: *S. Catharina senensi*, antequàm se illi familiarius communicaret. Si nosti filia quis ego sum & quæ tu es, beata eris. Ego sum qui sum, tu es quæ non es. Hac cognitione freta facile omnem gratiam & veritatem obtinebis. Quare non oportet subtili ingenio pollere, vel literas callere, vel multam scientiam & libros habere, unicâ cognitione excellentiæ Divinæ cum humili cognitione sui, etiam simplicissimus Idiotæ ad veram cum DEO unionem pervenire potest.

3^{ius}. Modus est. Perfecta aversio affectus à Creaturis. Hunc modum suggerit: *B. Rigerius de Marena Socius S. Francisci*, cujus verba sunt: Unica, brevis, & sicura, ad perfectionem via est, si homo se totaliter expropriet ab amore omnis creaturæ & etiam sui ipsius nihil sibi omnino reservans. Et ratio est quia cum Unio, consistat in coniunctione Intellectus voluntatis & operationum nostrarum cum DEO, ut aliquis istis facultatibus perfectè conjungi DEO possit, requiritur ut liberæ sint ab omni inordinato creaturarum affectu: Quare necesse est, abstinere ab omni rerum mundanarum amore, à superfluis curis & sollicitudinibus, à non necessaria familiaritate & conversatione & aliis secularibus negotiis, quæ suis imaginibus potentias nostras occupare, inquietare, aut depingere possent; Vel si iusta necessitas ad sæcularia & extetna redire cogat, illis non nisi ea tenus immisceamur & occupemur quatenus Divini obsequii ratio & gloria expostulat.

4^{ta}. Abnegatio propriæ Voluntatis, hoc est ut homo in nulla re, in nullo facto, in nullo dicto, in nullo cogitatu, seipsum, vel suum commodum, sed solam DEI voluntatem solum ejus beneplacitum quærat, ita ut nolit non solum malum, sed & bonum quod DEUS non vult, nolit non solum peccare, sed nequè commedere, bibere, corpus recreare, imò & mortificare, jejunare, vigilare, filere, orare, Missam celebrare &c. Si DEI non esset placitum voluntati. Abnegatio hæc alio nomine vocatur paupertas spiritus, mors spiritualis expropriatio sui ipsius. Modum hunc ad unionem perveniendi, ipse Christus Dominus eandem S. Catharinam Senensem edocuit: Illud scias quia ad hanc perfectionem (videlicet amoris) non nisi per stabilem, constantem ac absolutam voluntatis propriæ abnegationem perveniri potest, ad perfectam autem tui abnegationem si pervenire vis, id unum tibi jugiter est affectandum ut mihi soli parcas meamquè solius voluntatem observes. Quo autem id præstare queas, necesse est ut certa Fide, & alta mente consideres me DEUM tuum esse Omnipotentem vobisque omnia quæ mihi placita sunt facere, nec quicquàm sinè eadem voluntate mea vobis accidere. Consideres pariter me DEUM tuum esse summæ Sapientiæ ac perfectissimæ cognitionis, omnia acutissimè videntem, ut nullâ possim ratione falli, aut errare. Et ut tantillum percipias Sapientiæ meæ, scias me de Malo culpæ & pænæ longè majus bonum quàm sit malum elicere. 3^{tio}. Velim consideres me eundem DEUM tuum non minus summè bonum esse, quàm de causa non possum nisi quæ bona sunt, utilia & salubria tibi & alijs velle. His per firmam fidem Meditatione collectis cognosces adversa omnia me gubernante & sciente provenire. Cognosces præterea ob nullam aliam causam provenire nisi utilitatis & salutis vestræ gratiâ, quia ego DEUS tuus magis possum, scio & Volo bonum tuum, quàm tu Id igitur cum ita sit danda tibi summo studio opera est, ut voluntatem tuam Divinæ voluntati meæ, qui sum Omnipotens, Omniscius, & summè Bonus prorsus cum omni fiducia subijcias quoniâ sic placida semper quiesces meque tecum. (per unionem) habebis.

Idipsum B. Gertrudi, ut refert Blofius, dictum est à Domino :
 Qui vult ut ad ipsum liberè veniam, ejque uniar, debet mihi
 clavim propriæ voluntatis resignare.

Quod si quæras Quæ sint signa voluntatis hujus Divinæ
 ut nos ei resignemur & conformemur? &c. *Varia. 1um.* Si-
 gnum est Præceptum quò aliquid præcipit vel prohibet. *2dum.*
 Consilium quod & si non obliget est tamen signum voluntatis
 Divinæ quod ità nos velit facere sicut consulit. *3tium.* Vita &
 exemplum Christi, ideo enim DEI Filius, de cælo venit, ut ver-
 bo & exemplo Voluntatem DEI nobis aperiret. *4tum.* Voca-
 tio DEI ad aliquem statum vel officium, eo enim quia DE-
 US aliquem ad statum vocavit, signum est quia vult ab eo fie-
 ri quicquid ad illius status & officij perfectionem pertinet. *5tum.*
 Signum est, Obedientiæ vox, sive viva, ut Superiorum, sive
 mortua ut Regularum & Constitutionum. *6tum* Consilium viro-
 rum bonorum & Patrum Spiritualium, qui post Superiores ani-
 marum nostrarum sunt Directores. *7num.* Operationes DEI
 Supernaturales & Inspirationes Divinæ, Illustrationes Intellectus,
 functiones Sacramentales, & alia opera ad externam Ecclesiæ gu-
 bernationem spectantia: ut exempla Sanctorum, prædicationes,
 miracula &c. Quibus nos DEUS cupit per se & suos mini-
 stros eorumque labores Sanctificare. *8vum.* Signum Operatio-
 nes naturales ut Esse, agere, pati, sive nostrum proprium,
 sive aliorum hominum, sive quarumvis aliarum Creaturarum
 ex quibus nulla in rerum natura esset, ageret, pateretur, nisi DEI
 voluntas esset, ab eo enim cuncta pendent, & Do-
 minus universorum ipse est, qui pro suo arbitrio, & ad
 suum bonum, omnibus & singulis imperat esse. Quare
 valde utile est & magnæ consolationis, præsertim cum infirmi-
 tas paupertas, & alia adversa incidunt, cum talenta ad aliquas
 functiones desunt, cum res non eum, quem optaremus suc-
 cessum habent, Considerare Dominum DEUM continuo hæc
 pro sua voluntate operantem seque illi ad suum Sanctissimum
 beneplacitum plenissimè subijcere & resignare.

Quod

Quod si quæras ? Quomodo in dubijs hæc voluntas DEI ubi nullum expressum & sufficiens, signum haberur, exploranda. &c. Tres esse hujus rei Regulas. 1^{ma}. Debet se homo (cæteris paribus) in id quod vilius est, inclinare & id in quo est plus humiliationis, abjectionis, & abnegationis sui eligere, hoc enim tutius est, & magis conformè Christi exemplo. 2^{da}. In dubijs semper inclinandum est, in favorem proximi, & amplectenda pars quæ est, proximo utilior honoratior, lenior, & quæ futura est, majori ædificationi. 3^{ta}. Quando neutrum horum adest, tunc duo facienda : Inprimis, res DEO in oratione diligenter commendanda ; Deindè proponendum, se velle solam DEI gloriam quærere, & tunc eligendum quod sibi convenientius ad hanc gloriam videtur. Fieri enim non potest ut DEUS signo aliquo non aperiat voluntatem suam, vel saltem ad prosperum deducat exitum quod tam sincerè ad suam gloriam est susceptum.

Ex Dictis hactenus colligi potest, ad Perfectionem unicam tantum esse viam, scilicet Charitatem DEI, sed trifariam dividi. Initio hujus cursus seu viæ, removet homo quod DEO contrariatur tanquàm suo amato. In medio conquirat ornatum quò DEO placeat. In fine seu termino celebrat desponsationem seu arctissimam cum DEO amicitiam, ità ut unus Spiritus cum DEO efficiatur. Intellectu & voluntate atquè operationibus se illi conjungendo ; Ità ut sicut DEUS seipsum cognoscit & se semper amat, purissimoquè affectu omnia sua, & quæ aliundè illi accidere potest, gloriam, sibi vult & procurat : Sic homo qui DEO in naturà & intelligendi volendiquè facultate est, similis, eidem in operationibus, etiam similis fiat eum cognoscat, & de eo cogitet, eundem amet, eiquè bona quæ habet, & extrinsecam etiam gloriam ; totà voluntate & æstimatione & affectu velis.

Observa. Ut si aliquando DEI gratià ad culmen hujus unionis perveneris, exercitia mortificationis Penitentiae Humilitatis & alia his similia non intermittas, quin imò quando te

obtepuisse senseris eò ferventius ea reassumas. Qui enim sacrum aliarum virtutum exercitium in gradu hoc prætermittunt, ità torpore quodam redduntur hebetes ut cum se putant ad intimam unionem pervenisse pleni amore propriò, quàm longissime à scopo distent.

C A P U T V.

DE MEDIIS SEV INSTRUMENTIS PERFECTIONIS.

SI quæ hæcenus de perfectionis Natura & Gradibus dixi, bene intelligantur, non erit difficilè concipere quibus ad efficiendam opus sit Medijs seu Instrumentis. Cum enim consistat in Charitate, amore benevolentia quâ ablatis vitijs & virtutibus acquisitis DEO bono nostro Intellectu, Voluntate, & Operationibus nostris conjungimur: Sequitur ad eam, acquirendam ea instrumenta necessaria esse quæ ex nobis vitia eliminant, virtutes inferant, Intellectum, Voluntatem, & Operationes, omnes nostras cum DEO conjungant, Equidem insinuavi hæc Instrumenta dum ad finem cujusquè Capitis singularibus Paragraphis modos, quibus tum vitia extirpari, tum Passiones mortificari, tum virtutes acquiri, tum ad unionem perveniri possit proposui, sed quia illis ipsi modi, illustratione indigent Intellectus, inflammatione voluntatis, & actionum recta ordinatione, ut debitè & fructuosè peragantur, ideo opus habent alijs quod sequentia instrumenta copiosissimè & sufficientissimè præstabunt, si quis ipsis usus fuerit atquè adeò, tum ad acquisitionem tum ad augmentum tum ad conservationem ipsiusmet Perfectionis, plurimùm conducent.

§. I.

*De Instrumentis quæ Intellectum illuminant atque
adeo jurant ad acquisitionem Perfectionis.*

Septem communiter hujusmodi Instrumenta numerantur.
Custodia Regularum sui statûs, Exhortatio, Lectio, Meditatio, Colloquium vel manifestatio suæ conscientiæ Superiori, Examen conscientiæ & Exercitia Spiritualia.

1um. Custodia Constitutionum & Regularum suæ Religionis: Cùm enim Religionum Institutores singulariter illuminati & DEO uniti fuerint eum vivendi modum & ad perfectionem perveniendi suis successoribus in Regulis reliquerunt quem ipsi à DEO ipso commodissimum hauserunt & in seipsis expresserunt. Quare qui Perfectus esse vult habeat eas continuo ante oculos suos & diligenter observet & assequetur quod intendit.

2dum. Exortatio Magistri Spiritualis: sicut enim DEUS ad consumationem Sanctorum voluit esse Pastores, & Doctores, qui concionibus alios instruerent: Ità in quavis Religiosa communitate hoc idem medium est, valde efficax ad acquirendam Perfectionem audire diligenter Exhortationes, & Admonitiones sui Magistri.

3tium. Lectio librorum Spiritualium: Qui enim diligenter revolvit libros Spirituales fieri non potest ut in illis non inveniat, & addiscat qualis debeat esse vitæ Religiosæ Perfectio & scopus. Medium hoc innuit S. Pater August. Serm. 112. de tempore dicens: Geminum confert donum lectio Sacrarum Scripturarum sive quia intellectum mentis erudit, sive quia à mundi vanitatibus abstractum hominem ad Amorem DEI, perducit.

4tum. Meditatio Magnum adjumentum est ad Justitiam (inquit S. Hieron. ad Celanciam) implere divinis eloquijs animum, &

K 3 quod

quod opere exequi cupias cordè meditari. Est meditatio quemadmodum hepar Spirituale quod conficit sanguinem Spiritualem eumquè per totum corpus & animam distributi sic Meditatio singulis virtutum habitibus alimentum incrementivè occasionem porrigit. Quare porefecti esse non possunt nisi nomine (*dicit Cajet.*) qui saltem semel in die in recogitandis rebus Spiritualibus, se non occupant. Ex defectu hujus sacri exercitij puto provenire omnia mala in Religionibus Sacras: Cùm enim non recogitamus intellectu ut decet; quid DEO, quid hominibus, quid nobis ipsis debeamus, in quo deficiamus, sensim Ignorantia gliscit, ex ignorantia voluntas ipsa languescit, ad bonum amandum vel malum fugiendum, Fundatorum Sanctissima instituta & Regulæ non eo quo par est, modo æstimantur, ac ta idem studium ipsius Perfectionis contemnitur. Ex cujus contemptu in quæ devia, & quam gravia perveniatur præstat silere.

5tum. Colloquium vel manifestatio suæ conscientiae Superiori non ut Judici, sed ut Patri Spirituali ut ab eo consilium auxilium, contrà Spirituales morbos, difficultates & ad Spiritualem profectum accipiatur. Medium hoc mire commendant viri Spirituales & nostræ *Constit. Par: 3. c. 9. n. 3.* Per illud quippe rectissimè & facillimè subditi in viam Domini dirigi possunt. Unde quando ad talia colloquia veniunt existimare debent se ad Superiorem venire ut simul cùm eo ad sua vitia extirpanda virtutes acquirendas difficultatesque tollendas conspirent.

6tum. Examen: Discute bis terue in die quid cogitatione verbo & opere commiseris, quantum profeceris vel defeceris proba teipsum (*inquit S. Aug.*) tu ipso & semper tibi displiceas quod es, si vis pervenire ad id quod nondum es.

7tum. Exercitia Spiritualia Hoc medium ita efficax existimavit Paulus V. Pont: Max. Ut illud plenariæ indulgentiæ concessionè omnibus Religiosis commendaret.

§. II.

*De Instrumentis quæ voluntatem D E O conjungunt
atque adeò quæ juvant ad augmentum perfectionis.*

S Ex huiusmodi Instrumenta recensentur. *1um.* Est Exercitium præsentia DEI. Nihil reor inquit *B. Laurent. Justin.* sic efficax, ad virtutis arcem conscendendam, quemadmodum se cogitare assistere semper ante oculos Judicis cuncta cernentis. Tali profecto studio acquiritur tenetur possideturque cordis munditia

2dum. Oratio vocalis. Per Orationem inquit *Joan. Chrys.* assequimur, ut temporales esse desinamus necesse est enim ut qui cum DEO familiaritatem habet, Superior evadat omnibus quæ corruptioni sunt obnoxia, sicut fieri non potest ut qui solis radijs fruitur non effugiat tenebras

3tium. Confessio Sacramentalis: sicut enim pavimentum quò sæpius venit eò purius redditur, sic qui peccata sua crebro confitetur purior evadit & ad Perfectionem pervenit.

4tum. Rectus usus, Sanctissimæ Eucharistiæ, Comproba hoc quotidianâ experienciâ quia quò quis magis se subtrahit ab usu hujus Sanctissimi Epuli eo magis deficit & è contrâ, quò frequentius accedit eò magis eò magis deficit Est Eucharistia, Panis Angelicus quò refociliatus Religiosus Asceta, velocissimè currit ad Montem Oreb, Sanctæ Perfectionis.

5tum. Cultus Sanctissimæ Virginis Eam in rem verba illa *Proverb. 8. afferuntur*, quæ Ecclesia huic Virgini, accommodat: Beatus homo qui audit me, & qui vigilat ad fores meas quotidie & observat ad postes ostij mei: Qui me invenerit inveniet vitam, & hauriet salutem à Domino. Exempla hujus sunt plurima & obvia, & ipsa experientia manifesta.

6tum. Renovatio Votorum per quàm homo & ad servitium divinum promptior redditur & memoriam obligationis refri-

refricat & tentatines ingruentes repellit, & in vocatione sua magis roboratur. Medium hoc suis Fratribus *S. Antonius* illis verbis consuluit, teste *S. Athanasio*: Hoc sit cunctis in commune mandatum, propositum, vigorem quasi incipientem renovare & augere semper debere. Hoc medio omnes perfectiores Religiosi solent sese ad arctiorem suarum Regularum custodiam excitare; & merito Nam ut dicit *S. Greg. Papa lib: 22. Moral.* Nescit mens per torporem veterascere quæ studet per desiderium semper inchoare. Hinc per *S. Paulum* dicitur: Renovamini spiritu mentis vestræ, Et per *Psalmistam* & dixi nunc capi: Quia videlicet si lassescere ab inchoatis bonis nolumus. Valde necesse est, ut sæpius ea renovemus.

Notanda ex *Asorio* contra eos qui hanc votorum Renovationem impugnant & tanquam rem pessimam execrantur; quod ille qui vota renovat non inducat supra seipsum novam obligationem distinctam à prima, sed tantum accepti beneficii memoriam refricat antiquamquæ obligationem confirmat: Unde si votum (quod *DEUS* avertat) transgrediretur non obligatur in Confessione dicere quod ante sæpius illud renovasset, hæc enim circumstantia non mutat Speciem peccati.

§. III.

*De Instrumentis quæ Actiones nostras rectè ordinant
atque aded Perfectionem conservant.*

TRia tantummodo hujusmodi adferam. *1um.* Est intentionis in omni opere rectificatio, hoc est ut *S. Paulus 1. Corint. dicit.* Sive manducatis, sive bibitis, vel aliud quid piam facitis omnia in gloriam *DEI* facite.

2dum. Devotio cum Mortificatione docent hoc exempla omnium Perfectorum virorum, qui & jugiter devotioni vacabant & in corpora sua horrendè saevierunt ut acquisitam Perfectionem

fectionem conservarent. Quemadmodum vita corporea duobus præcipuè cordis motibus quos Systolem & Diastolem hoc est. Inspirationem & Expirationem appellant, custoditur, sic animi vita perfectio, duplici maximè motu continetur, unus est quem os suum aperiendo attrahit, quem motum *S. Bern. vocat Devotionem.* Alius est, quò mundi fumos spiceosque halitus expirat, & à se procul tanquam noxios repellit qui motus in mortificatione consistit; de qua cum superius *Cap. 2. Parag. 3. & 5.* satis dixerim nihil dicendum restat.

3^{tium}. Instrumentum est: Recta conversatio, & rectus modus cum Fratribus, Superioribus & sæcularibus agendi, omnesquè actiones rectè obeundi. Praxis hujus instrumenti habetur multis in locis Constitutionum, præcipuè verò *1. Part. Cap. 27. &* nos luculenter & methodice ad finem hujus Abecedarii.

C A P U T VI. DE IMPEDIMENTIS PERFECTIONIS.

Propositis Medijs & Instrumentis opere prætium existimò adungere impedimenta Perfectionis tanquam obstacula, ut illis cognitis & superatis facilius detur ad desideratum finem progressus.

1^{um}. Itaque & ferè maximum in DEI servis spiritualis profectus impedimentum, sunt Peccata non solum mortalia sed etiam venialia deliberatè committi solita, *Ita sentit S. Thom qui per expressum dicit:* Debet homo habere propositum ad peccata venialia minuenda, alioquin est ei periculum deficiendi, cum deferat appetitum proficiendi, seu tollendi impedimenta spiritualis profectus quæ sunt peccata venialia.

2^{um}. Impedimentum est, Amor proprius, Judicium proprium, voluntas propria, Evagationes cogitationum & alia viria externa quæ supra *C. 2. §. 2.* integro fusè enumeravimus.

L

3^{tium}

3^{tium}. Tepiditas Quâ quis quasi jam defatigatus rerum Spiritualium fatietate, ultrâ progredi non laborat, sed quasi è via languens subsistit. Signa hujus teporis sunt. 1^{um}. Orare sinè attentione. 2^{dum}. meditari sinè omni sensu affectu & fructu. 3^{tium}. Aegrè se recolligere. 4^{tum}. Examinare se cursim sinè proposito emendationis. 5^{tum}. Liberè de alijs loqui obloqui, carpere. 6^{tum}. Otium quærere. 7^{um}. Lentè & invitè obedire. 8^{um}. Suspirare ad sæculi solatiola. 9^{um}. Nimiùm corpori indulgere. 10^{um}. Divinas inspirationes negligere. 4^{tum}. Impedimentum est, est Fastidium exercitiorum sui statûs. Quod ut intelligas.

Observe quod sub prætextu majoris Perfectionis soleat quandoque Dæmon Religiosis præcipuè Novitijs media à sua Religione præscripta tanquàm imperfecta, facere odiosa, & alienæ Religionis tanquàm commodiora & perfectiora, nimiùm speciosa ostendere & obtrudere. V. G. Monacho reddit Chorum Psalmodiam silentium & alia Exercitia Ascetica odiosa, tanquàm media vana & ad perfectionem minus servientia. Contrâ, Occupationes Curatorum ut Confessiones, Conciones, & alia Ministeria animarum tanquàm perfectiora & majoris meriti nimiùm extollit & commendat, amabiliaque facit. Hinc multi incauti propria suæ Religionis exercitia tanquàm vana & minus perfectioni servientia, vel flocci pendunt vel nullam spem meriti tanquàm in vilibus habent vel exequuntur, fastidiunt aut penitus omittunt. Hanc adversarij deceptionem debent omnes Religiosi tanquàm magnum profectûs impedimentum nosse & cavere, à qua ut se explicent & extricent, sciant suam Regulam & Occupationes Religionis suæ tutissimam viam esse assequendæ Perfectionis, ità ut alias vias & occupationes requirere necesse non sit, præter solas eas, quæ in suis legibus ac Statutis sunt præscriptæ, quin & sibi persvadeant alterius Religionis studia & media licet per se Sancta & Professoribus eorum utilia sibi utilia, non esse, sed magis adeptioni Perfectionis officere.

Præter quatuor allata impedimenta impediunt Perfectionem; Otium, Superbia, singularitas, multiloquium, superflui discursus, procrastinatio, frequens propinquorum visitatio nimia familiaritas, pusillanimitas & alia multa quæ studiosus Alce-
ta facile advertet, & diligenter vitabit.

C A P U T VII. DE PRAXI PERFECTIONIS

QUæ à nobis de Instrumentis seu Medijs Perfectionis dicta sunt parùm vel nihil utilitatis habebunt sinè Praxi. Nomine autem Praxis non intellige prima lineamenta seu Idæam perfectionis, quàm sibi quisque Religiosus ad initium suæ conversionis proponere, & efformare debet, ut secundum illam vitæ suæ rationes componat. V. G. Religiosus Paulinus nè temerè, & in incertum feratur debet ad initium sui Noviciatus effingere sibi talem formam Perfectionis: Scopus vitæ meæ est, ut expugnat-
tis non tantum gravioribus peccatis sed etiam levioribus compressisque Passionibus, & sublati omnibus impedimentis, virtutibus sedulo incumbam, & DEO intellectu voluntate ac operationibus meis omnibus orando, meditando, silendo, psallendo, si-
ve etiam alios docendo, Confessiones audiendo, concionando &c. Strictissimè ardentissimo amoris actû adhæream. Non hoc inquam nomine Praxis intelligo. Neque intelligo supremum nobis Perfectionis Exemplar DEUM quod ut sensibus corporeis comprehendi posset in carnis ruditela per Christi vitam est expressum. Neque intelligo Regulam & Constitutiones Ordinis quæ dignissimè & clarissimè nobis demonstrant Perfectionem ad quam aspirare debemus.

Sed nomine Praxis intelligo Effectiorem quorundam medi-
diorum quæ ut usu frequentiora, sic omnibus Perfectionis stu-
diosis magis sunt necessaria. Proinde opere pretium existimavi,

modos eorum quibus fieri debeant in singulari proponere non eò ordine quò supra tradita sunt sed statui Monastico opportuniori.

§. I.

Praxis Rectificande Intentionis In quovis Opere.

QUod aliqui Religiosorum post graves & diuturnos labores exiguum Spiritualis lucri proventum reportent, non alia est causa nisi quod solitas actiones ex se DEO gratas & meritorias sine recta Intentione decurrant. Proinde valde necessarium est, singulas functiones cum recta Intentione auspicari, peragere & finire.

Ut autem Intentio in omni actione nostra sit laudabilis & qualem esse oportet. Tria hæc debet habere. 1^{mo}. Ut procedat ex Amore DEI. 2^{do}. Ut sit propter bonum DEI seu DEUM ipsum: hoc est, ut in omni eo quod facimus intendamus. Vel ut DEO placeamus, vel ut ejus gloriam amplificemus, vel demum ut voluntatem nostram, Divinæ ejusdem voluntati conformemus. 3^{tio}. Ut quàm perfectissimè in hoc bonum DEI tendamus. Quanam autem ratione in hoc bonum perfectissimè tendendum sit, sequens edocet praxis.

ANTE OPUS PRÆMITTENDA.

TRia requiruntur ad opus quodvis ritè auspicandum. 1^{mo}. Fer-
ventis desiderij excitatio. 2^{do}. Pura Intentionis renova-
tio. 3^{tio}. Divinæ gratiæ imploratio. Hæc tria sic brevissimè expe-
diri possunt: Utinam ô DEUS vel semel tandem hoc opus N.
perfectè peragere sciam, velim & possim idque purò amore
tui, purò zelò gloriæ tuæ purâ & plenâ Sanctissimæ volunta-
tis

(✠)(85)(✠)

tis tuæ conformatione. En ante te desiderium meum da quod
jubes & jube quod vis.

IN OPERE PRÆSTANDA.

AD opus sic inchoatum rectè prosequendum, tria itidem sunt
necessaria. *1um.* Debita intellectûs circumspèctio hoc est
ut subinde recogitetur, vel Præsèntia DEI nos intuentis, exci-
tantis, adjuvantis, pro rectè peractô opere præmia offerentis,
pro malè minas intentantis. Vel præsentia Angelorum nos
astantium, vel quò affectû & perfectione *Christus Dominus Bea-
tissima Virgo, aut Sancti DEI similia opera peregerint.*

2dum. Voluntatis devotio hoc est, ut subinde, vel pij vo-
luntatis affectus, & suspiria eliciantur. Vel interni virtutum actus
operi externo congruentes interferantur. Vel ipsa intentio ad
initium operi præfixa renovetur.

3tium. Omnium virium tam corporis quàm animæ seria
applicatio, hoc est, ut cæteræ omnes curæ & inutiles cogita-
tiones excludantur; & id tantùm incunctanter agatur, quod
agi debet.

POST OPUS PRÆSTANDA. SEV OBSERVANDA.

OPere sic peractô tria itidem sunt opus facienda. *1um.* Insti-
tuatur examen perfectè nè opus sit peractum ut proposi-
tum erat nec nè.

2dum. Si malè successit, Confusio nostri, & Contritio
cum deprecatione culpæ excitetur, si benè gratiarum actio, cum
intimo humilitatis sensu agatur.

3tium. Conatus noster DEO offeratur & uniatur cum San-
ctissimis meritis Christi Domini B. Matris ejus & omnium Sancto-
rum

rum hâc vel simili forma. Suscipe o Pie JESU hoc imperfectum obsequium meum in unione Sanctissimorum meritum tuorum Beatissimæ Virginis & Omnium Sanctorum tuorum ad Intentionem N. supple satisfac pro me plenissimè

Notandum autem est. 1mo. Praxim hanc rectificandæ Intentionis, esse, quasi Idem aliarum particularium actionum cum perfectione peragendarum: Proinde sensim ipsi est, asvescendum, & actiones solitæ quarum praxes in singulari non dabuntur, secundum illam regulandæ & rectificandæ.

Notandum. 2do. Præconsiderationes tam antè opus quàm in ipso opere adhibendas, non nimis accuratè esse exercendas, neque simul omnes, neque anxie propter læsionem Capitis, sed sensim & syaviter per modum piæ cogitationis nunc, has, nunc illas brevissimò tempore donec animus illis asvescat, frequentandas.

§. II.

Praxis Pie Surgendi.

1mo. **A**uditò signò surgendi conare protinùs totus evigilare ingemians ter Sanctissimum nomen JESUS. 2do. **C**onare itidem totum intellectum, affectum & omnes primas cogitationes tuas in DEUM integrè convertere. Vel aspiciendo Christum Dominum, ceu Patrem familias te ad servitium suum excitantem, auxilium offerentem, mercedem æternam promittentem. Vel quàm promptus Idem DEI Filius fuerit ad obedientiam suo Patri eundo in mundum ad Incarnationem. Vel cogitando te ab Angelo Custodè, vocari & moneri, ut hanc saltem diem tanquàm primam & ultimam, cum tot annos malè impenderis, Divinò obsequiò perfectè consecres. Vel cogitando fervorem trium Magorum ad Christi incunabula festinantium. Vel ardorem tot Religiosorum totò orbe ad laudem DEI concinendam. Vel alia excitatoria ad acuendum zelum glorificandi DEUM pro devotione ruminando.

3^{to}. Conversis ad DEUM primitiis cogitationum zeloque gloriæ DEI sic excitatō forma crucem, & vestes indue.

4^{to}. Inter induendum erumpe ex totis præcordiorum medullis in hos vel similes ad DEUM affectus.

O DEUS meus & Omnia sis ab omnibus infinities in æternum benedictus & ultra, quàm bonus fuisti hucusque erga me! agnosco, gratias ago. Quam ingratus ego erga te! detestor, doleo, ignosce & supple. Ex hoc momento omnia faciam, & patiar hodie & semper sicut tu scis, & vis, ad maximam tuam Gloriam, amorem & beneplacitum. Propter te conabor hodie cavere omnia peccata maximè descæum N, proficere in virtutibus maximè in N. omnia ordinaria opera perfectè peragere maximè N. Sed quia nihil possum ex me omnia in te, da quod jubes, & jube quod vis; *DEUS in Adjutorium meum intende &c. Gloria Patri. Ave Maria.* Grâcias & tibi ago ô Piissima Mater, & tibi S. Angele custos cum reliquis Sanctis Patronis meis electisque omnibus pto universis beneficiis mihi exhibitis Magnificate Dominum mecum & exaltemus nomen ejus in idipsam.

5^{to}. Pijs his vel similibus affectibus ruminandis svaviter intentus perge ad Chorum ad salutandum venerabile Sacramentum *Dicendo vel Te DEUM Laud: vel Psal: 102. & 50.*

6^{to}. Sub ingressu templi Saluta B. Virginem Dicendo: Ave MARIA per te accessum habeamus ad filium ô Beata inventrix gratiæ, Genitrix vitæ.

7^{mo}. Ingressus templum flectendo saluta Christum amore tui in Sanctissima Eucharistia in Ciborio quasi incarceratum, actus Adorationis Gratiitudinis Fidei, Spei, Charitatis, Contritionis, & alios exerce, proposita & vota renova. Intentiones, & actiones omnes instantis diei forma & DEO offer, gratiam & benedictionem profundè inclinatus exposce hac vel simili formâ.

O Amabilissime Domine JESU qui hic sub mirabili Sacramento contineris sis in æternum benedictus & ultra qui me ingratum hucusque tolerasti. Agnosco bonitatem tuam & gratias ago, laudo, glorifico, æternumquè ingeminare desidero Sanctus,

ctus, Sanctus, Sanctus, Dominus DEUS Sabaoth in te credo, ô ineffabilis veritas; in te spero, ô æterna beatitas. Te amo ampliusquè amare desidero, ô summa bonitas. Gaudeo de omni honore tibi unquàm exhibito. Compator de injurijs, & diminutione gloriæ tuæ. O si refarcire liceret! Placeat quod proposui. Renovo quod vovi, utinam & ipse te nunquam offendifsem. Doleo, doleo de omnibus firmiterquè statuo amplius non peccare & præcipuè peccato N. Insuper statuo omnia in gloriam & complementũ tui beneplaciti facere maximè opus N. Sed quia non possum sinè te, illumina tenebras meas, adjuva imbecillitatem, largire gratiam, & tuam Sanctam benedictionem Amen.

Hæc oratio potest usurpari non solum mane ante matutinum sed sæpius per diem quotiescunquè (quod est valde pium & utile) visitatur venerabile Sacramentum.

Huc spectant aliæ orationes de Mane dicendæ ad Sanctissimam Trinitatem ad B. Virginem ad Sanctum Angelum Custodem & alios Sanctos Patronos præcipuè verò devotio & attentio habeatur in precibus quæ in prima Divini officij recitantur.

§. III.

Praxis Divine Præsentie.

Sciendũ inprimis per præsentiam Divinam non intelligi á viris Spiritualibus ipsam DEI in omni loco existentiam. Nequè continuam & incessabilem ejus super nos attentionem. Nequè intimam quã ipsi sicut & omnes aliæ creaturæ præsentibus adsumus coexistentiam & adhæSIONem. Sed intelligi exercitium seu actum quandam internum mentis nostræ, quò DEUM præsentem concipimus.

Sciendum 2do. Mentem nostram DEUM præsentem dupliciter concipere posse. Uno modo per imaginationem, efformando ejus figuram ad similitudinem alicujus humanæ speciei: V. G. Regis in throno sedentis, vel Christi in Cruce pendentis, vel Resurgentis vel Ascendentis vel in aliqua alia ætate & opere existentis. Altero modo per Intellectum non formando ulla figuram & imagines sed ipsâ animi cogitatione eum in omni loco in omni creatura secundum attributa sua existentem seu potius inexistentem attendendo. Prima Præsentia vocatur Imaginaria secunda vocatur Intellectualis seu Objectiva.

Sciendum 3tio. Mentem & voluntatem nostram circa DEUM Sic præsentem conceptum dupliciter applicari & affici posse. Primo modo nudè & simpliciter nihil ei præter aspectum tribuendo eo modo quo quis nudè tantum amicum intuetur. 2do. Modo non nudè. Sed afficiendo eum diversis affectibus, laudis, amoris fidei oblationis &c. eo modo quo quis non solum amicum aspicit sed etiam officiosè salutatur jucundè alloquitur, recreatur, laudat, donat, promittit vel offert. 1mus. Modus licet interdum sit utilis ad reprimendas peccatorum tentationes, & quietem post continuas aspirationes percipiendam; Vulgo tamen est otiosus, nec animum inflamat. 2dus. Modus valde est proficiuus & utilis DEO què acceptabilis, quo quicquid usus fuerit facillimè in perfectione Monastica proficiet.

Porro ad retinendam hanc Præsentiam DEI & continuandam affectusquè varios frequentandos plurimum conducit constituere sibi & habere cetera aliqua memorialia signa, quæ eam oblitis in memoriam sæpius revocent; qualia sunt. In primis pulsus horologii aspectus cæli luminis lunæ solis, sacræ alicujus imaginis sive Salvatoris JESU sive Dominæ Nostræ sive cujuspiam Sancti, auditus tonitruum, campanæ, Sacri Nominis JESU vel sermonis cujuspiam de DEO, vel confessionis Sanctissimæ Trinitatis quæ in fine cujusquè Psalmi additur.

2do. Habere in domibus in Cella, in Refectorio, in Dormitorio vel etiam foris in plateis, in campis, in hortis, certa

loca , certos Angulos , certa ornamenta , certas arbores , certos flores , colores certos , quibus conspectis , memoriam præsentiæ DEI tibi refricēs , aliosquē affectus pios elicias.

3^{to}. Imaginari eum in cordē suo veluti in templo , aut sacrario , aut cellā , aut throno Regio , residentem. Hunc modum usurparunt sacra illa duæ Virgines *Catharina de Senis* & *Teresa de JESU* , tantūque inde profecerunt , quantum illarum nota omnibus Sanctitas contestatur.

4^{to}. Imaginari eum in Cœlo , in Majestate , sedentem & actiones omnes nostras considerantem.

5^{to}. Statuere sibi præsentem ad initium cujuslibet operis , vel ad finem ejusdem.

6^{to}. Nonnulli quoties creaturas , & præcipuē illas quibus se Divina Sapiencia comparare dignata est , ut sunt Leo , Agnus , Lapis , angularis , Pastor , via , Agricola , & cætera hujusmodi aspiciunt præsentiæ Divinæ recordantur. Sic *S. Franciscus* , quoties Agnum aspexit Christi recordabatur.

7^{mo}. Aliqui cū scalas vident aut malleorum ictus audiunt , aut pluviam aspiciunt , sanguineæ pluviae , & instrumentorum , passionis memoriam grato animo recolunt.

8^{vo}. Aliqui quando homines aspiciunt cum illisque conversantur quasi Domini nostri JESU Christi fratres : aut quasi filios sanguine ejus præciosissimo redemptos , & in æternū secum regnatos , aspiciunt. Quando verō mendicos aut Superiores qui præsunt intuentur tanquam Dominum ipsum intuentur. Ex quo pax , ex quo amor , reverentia & alij affectus proficiuntur.

9^{no}. Aliqui certas notas aut verba in parietibus scribunt , nonnulli funiculos manui , digito cingulo alligant. Nonnulli certos globulos gestant , alij alijs utuntur signis ut quodocunque ea aspexerint vel attigerint memoriam DEI renovent.

10^{mo}. Aliqui quoties re quapiam creata (puta cibo , vel potu , vel vestimento alijsve hujusmodi uti debent ,) toties DEI præsenti sibi beneficientis recordantur. Hinc has voces ab illis

creatu-

creaturis ad se directas audiunt & ruminant. Accipe, redde, eave. Hoc est, accipe me ad tuum usum Redde pro me DEO grates. Cura ne me abutaris. Et merito ipse enim cibo nos alit, & sustentat ipse vestimentis tegit ipse in aqua abluit.

Alij denique nullam prorsus creaturam non modo rationalem, sed & irrationalem, sensibilem & insensibilem prætereunt; in qua præsentem DEI potentiam vel scientiam, vel iustitiam, vel bonitatem vel aliquod aliud attributum, non intueantur; & in varios affectus, laudis, gratiarum actionis, amoris &c. non prorumpant.

Hæc ideo fufius recensui, ut bonus Religiosus aliqua pro usu suo seligat, vel si ista non placent alia sibi convenientiora adinveniat, nec unquam præsentia hæc careat. Sine illa enim nulla ei cum Deo in oratione & meditatione conversatio satis intima & familiaris, nulla satis efficax circa proximum functio nulla satis modesta corporis animique compositio, nullus pro DEO labor nulla mortificatio sylvas & diuturna erit. Verbo dicam finè hac erit instar piscis finè aqua, corpus, finè anima: E contra cum hac non modo Religiose vivet, sed & in terra vitam ducet Angelicam, imo ad ipsius immortalis DEI beatissimam vitam proximè accedet.

Obferua. 1mo. Circa hæc memorialia. Præsentiam illam Imaginariam circumspicere esse frequentandam non longe à te fingendam & absque sollicita figuratione partium corporalium capitis, brachij vestis &c. quia si laboriosè & longè à te DEUM imaginatus fueris, intellectus tuus nimium fatigabitur. imaginatio lædetur; caput offenderetur animusque inhabilis ad Divinos influxus recipiendos efficietur.

Obferua 2do. Non valde laborandum esse ut hoc vel illo modo DEUM præsentem imaginemur & habeamus, sufficit enim in genere id fieri, quia hic fructus refertur ex affectu pio & aspirationibus quàm ex subtili imaginatione vel consideratione.

Obferua ultimo ad hoc donum non perveniri industris proprijs sed singulari DEI gratiâ unde oportet frequenter & ferventer

ter cum magna humilitate & charitate illud eslagitare. Plurimum juvabit pro acquirendo hoc dono legisse benequē conce-
pisse Meditationem de præsentia Divina.

§. IV.

Praxis Orationis Vocalis.

Nominē Orationis vocalis comprehendo officium Divinum Horarum Canoniarum, Officium Beatissimæ Virginis, Litanias & alias quasvis preces etiam privatas, quas ut cum integro gustu atque fructu recites hæc in praxi observabis.

Ante Orationem.

Inprimis fac Intentionem te velle DEUM affectu omnium creaturarum etiam possibilium cum ardenti desiderio glorificare. 2do. Te velle tum pro omnibus donis Sanctissimæ Humanitati Christi, Beatissimæ Virgini, alijsquē Sanctis datis, tum maximē pro isto, N. tibi indignissimæ Cræaturæ concessio gratias agere. 3tio. Te velle tanquā indignum filium intentioni Sanctæ Matris Ecclesiæ satisfacere, tendendo in omnes eos fines quos illa vult & intenidt. 4to. Te velle impetrare omnibus in unitate Ecclesiæ existentibus, singulariter verò tibi vel huic N. hanc N. vel illam gratiam, necessitatem, virtutem. 5to. Memor illius moniti Ecclesiastici, non est speciosa laus in ore peccatoris humilia te præmittendo actum Contritionis cum imploratione gratiæ.

In Oratione.

Stude attentionem, devotionem (pro ut habes supra Parag: 1. de Rectificanda intentione) necnon & intentionem actualem, aut ad minimum virtuales continuare, aut saltem identidem renovare cum interna externaque reverentia. Quod his medijs assequi poteris.

1mo. Opportunum tempus vel diem singulis orationibus tribuendo. 2do. Locum magis congruum eligendo. 3tio. Decentem

centum corporis situm adhibendo. 4to. Oculorum & Sensuum evagationes declinando. 5to. Viva fide DEUM præsentem crebro intuendo. 6to. Si Distractionibus agiteris attentionem renovando. 7mo. Ad sensum verborum sive literalem sive spirituales attendendo & convenientes affectus excitando. V. G. in Credo excitando Fidem, Spem, Charitatem, in DEUS in adiutorium &c. excitando affectum fiduciæ, desiderium, laudis, humilitatis. In Gloria Patri. Affectum Adorationis, Laudis, Superexaltationis Sanctissimæ Triadis & sic de alijs.

3. *Post Orationem.*

1mo. Defectus minus voluntarios in recitatione admissos, expiare stude recitando Sacrosanctæ vel Laudate Dominum omnes gentes. 2do. Offer tuum obsequium Æterno Patri in unionem meritorum Christi Beatissimæ & omnium Sanctorum ad Intentiones initio præfixas. Hæc oblatio poterit formari vel mente, vel ore, formula supra de rectificanda intentione post opus proposita vel aliqua alia ex pio libello desumpta.

§. V.

Praxis Sacre Meditationis,

A Nequàm ad ipsam praxim accedamus oportet prius nonnulla de Natura Divisione Materia Affectibus Forma, Fine, Causa, Tempore, Loco, situ corporis duratione partibus & integritate Meditationis præmittere.

Quantum igitur ad naturam meditationis. Meditatio est affectuosa & pia rerum Divinarum quæ hominem ad laudandum DEUM, ad virtutes Christi, Sanctorumque sectandas, ad bonum amplectendum & malum fugiendum provocat, consideratio.

Quantum ad Divisionem: Dividitur tripliciter in Piam Cogitationem, Meditationem, & Contemplationem. Pia Cogitatio

tatio est, momentanea mentis in DEUM ex aliqua creatura vel loco Scripturæ Sacræ, vel factis & auditis Sanctorum, vel obvijs alijs occasionibus cum pio affectu conversio. Meditatio est attentata & sollicita rei cujusquæ per causas, effectus, proprietates aliasquæ circumstantias in ordinè ad æternam salutem, consideratio. Contemplatio est, simplex DEI & rerum Divinarum sine discursibus inspectio.

Quantum ad Materiam hæc juxta tres Perfectionis vias est triplex. Viâ Purgativa pro materia habet Finem ultimum peccata, misérias humanas, Quatuor novissima, aliæque motiva contritionis. Viâ illuminativa vitam Christi aut cujuslibet Sancti, Item virtutem aut actionem aliquam reformandam. Viâ unitiva habet, Gloriosa vitæ Christi Mysteria & Beatissimæ Virginis, Attribute Divina, beneficia in præsentem nobis collata aut in futuro promissa.

Quantum ad Affectus. Hi itidem juxta tres vias sunt triplices. Viæ Purgativæ sunt displicentia, dolor, odium, detestatio, horror, peccati, timor justitiæ & judiciorum DEI, Inferni, Purgatorii, confusio, contemptus, pudor sui, admiratio Divinæ Potentiæ & alij multi. Viæ Illuminativæ sunt, desiderium efficax virtutum, gratiarum actio, oblatio, propositum, Electio mediocrum imitatio, gratiæ petitio &c. Viæ unitivæ sunt Admiratio, laus, Gratiarum Actio, timor filialis, Amor, Resignatio, & alij pluri quos ipse Spiritus S. meditatores, edocebit.

Quantum ad Formam. Forma Meditationis est, ut sit atenta sollicita & cunctabunda cogitatio. Dicitur cunctabunda ad differentiam piæ cogitationis quæ potest in momento fieri. Dicitur sollicita ad differentiam Contemplationis quæ facile fit sine magno labore & longo discursu. Dicitur attentata ad indicandum quia meditatio debet, diligenter cujusquæ rei Naturam, Causas, Effectus, Actiones & Proprietates indagare.

Quantum ad Causam Efficientem. Causa Efficiens Meditationis; DEUS est, & Homo, DEVS gratiâ suâ præveniens & illuminans

minans memoriam Intellectum & voluntatem hominis. Homo per easdem potentias, Divino praesidio munitus, gratiae cooperans.

Quantum ad Finem. Finis est triplex immediatus mediatuſ & ultimus. Immediatus est, clarius cognitio DEI Christi Domini & sui ipsius. Mediatuſ sunt actus interni, & externi, virtutum juxta proposita in meditatione concepta exercendi, Ultimus est, sublatio imperfectioſum, reformatio ſenſuum acquisitio ſolidarum virtutum & unio cum DEO.

Quantum ad Tempus. Nocturnum meditationi est, ap- tiſſimum poſtquam tantum quis dormivit quantum ad caput liberum ſufficiat, quanquam & in die poſſit fieri meditatio maxi- me ubi ſilentium obſervatur.

Quantum ad Locum. Hic debet eſſe, quietuſ. Unde excreationes violentae, respirationes fortes muſitationes, diſcur- ſuſ, ſtrepituſ, & alia hujusmodi longe debent eſſe à loco medi- tationis praefertim in communitate.

Quantum ad ſituſ corporis. Situs debet eſſe, reverentia- liter compoſituſ ut nihil offendaſ DEUM quem praesenſem ha- bemuſ. Unde oportet ſectere (niſi infirmitas vel debilitas ex- cuſet) caput quietuſ & apertuſ niſi aliquid aliud obſit, ha- bere manus ut plurimum junctas, oculos demiuſſoſ, omniſ in ſumma irreverentiae & commoditatis ſpecies ut ſedere fulcire ſe cubitiſ, jacere in ſcamniſ, omnino caveri debent. Conſtat quip- pe certiuſſimam experientiam cum qui in meditatione commoditateſ non neceſſarias quaerit omnia diſſipare nullumque fruſtuſ ex illa colligere.

Quantum ad Durationem. Illa ſolet eſſe, meditatio fru- ſtuſioſior quae prolixior ita ramen ut meditant ſanctitatis rationem habeat. Ordinarie una hora meditationi per diem aſſignatur.

Quantum ad Partes. Iſtae ſunt treſ. Praeludiuſ, Conſi- deratio, ſeu trutinatio Punctoſum & colloquiuſ ſeu petitio.

Quantum ad Integritatem. Totuſ Meditationiſ corpue con- ſiſtit in exercitatione trium animae potentiarum Memoria, Intel- lectu

lectu & voluntate. Memoria materiam proponit. Intellectus materiae à memoria subministratae Causas, Effectus, proprietates aliasquè circumstantias disquirat. Voluntas excitata & inflammata ex rationibus ab intellectu disquisitis affectus varios elicit: His ita præmissis ad servanda in Praxi accedamus.

De Observandis ante Meditationem.

Ante Meditationem hoc potissimum observandum est, ut mens ad tam sanctum opus convenienter præparetur quod dupliciter fieri potest. Remotè & proximè.

Remota præparatio consistit in tribus. 1mo. In removendis, impedimentis, qualia sunt Cor gravibus peccatis onustum sollicitudo de futuris contingentibus, vel officijs sibi impositis, evagationes per sensuum portas ingredientiæ. 2do. In instruendis potentijs animæ necessarijs requisitis; hoc est, ut memoria, intellectus, & voluntas, habeant cognitionem earum rerum, quæ ad meditandum omnino prærequiruntur, quales sunt, cognitio, praxis meditandi notitia affectuum & aliorum requisitorum superius enumeratorum. 3tio. In procuranda corporis bona dispositione, hoc est, ut vires corporis nec per intemperantiam obruantur, nec nimijs vigilijs, jejunijs, laboribus, violenta affectuum extorsione debilitentur & enerventur.

Propinqua præparatio consistit itidem in tribus. 1mo. In materia attentè prævidenda, atquè in certa puncta distribuenda. 2do. In recollectione intellectus & phantasie immediatè ante meditationem procuranda. 3tio. In voluntate ad Devotionem excitanda.

De servandis in ipsa Meditatione.

Habitâ sic præparatâ materiâ Meditationis: Sistat se inprimis viva fide cum magna humilitate & reverentia in conspectu DEI.

2do. Petat gratiam ritè meditandi recidando devotè vel collectam Actiones nostras, vel veni S. Spiritus. Vel aliqua interna suspiria promendo ex Psalmis aut alijs Orationibus V. G.

DEUS

DEUS in Adjutorium meum intende. In justificationibus tuis meditabor. Da mihi intellectum & scrutabor legem tuam. Domine JESU qui es via veritas & vita sine qua nemo venit ad Patrem Eia illumina me doce me justificationes tuas. Nonnulli satis laudabiliter consueverunt Beatam Virginem Angelum tutelarem aliosquē Sanctos, adjutores Meditationis adhibere.

3tio. Petita sic gratiā formet breviter & commedē præludia. Circa quæ Observa Præludia varia pro varietate meditationum solere formari & adhiberi. In Meditationibus de materia Historica ut plurimum tria adhibentur. In primo solet fieri rememoratio Historiæ in 2do. Imaginatio loci personarum &c. in 3tio. Petitio gratiæ quàm in Meditatione volo exercere. In Meditationibus de alijs Materijs duo communiter adhibentur Præludia unum quod accomodatam rei imaginationem contineat. Alterum quod petitionem gratiæ convenientis complectatur.

4to. Finitis sic Præludijs incipiat meditans Punctum 1mum, per memoriam sibi repræsentatum, Intellectu suo accuratius expendere & idoneas rationes inquirere, quibus voluntas ad pios affectus eliciendos excitetur: Quod ubi peregerit per reliqua Puncta simili modo procedat.

Observa 1mo. Ad facilius & uberius discurrendum plurimum prodesse examinare & expendere rem per circumstantias sequentes: Quis (dixit vel fecit) Quid cūr quomodo, Quis fructus, ubi, quando, pro quibus, A quibus &c. Non est, autem necesse circumstantias istas omnes semper expendere sufficit aliquas magis congruentes.

Observa 2do. Ad vitandam confusionem in discursu, plurimum prodesse cettū aliquem ordnem servare in disquirendis istis circumstantijs V. G. Expendere inprimis personas ipsas: deinde verba si quæ se offerunt; tertio facta, quid egerint quid tolerarint: quarto quā de causa. 5to. Quomodo &c, referendo omnia ad pium voluntatis affectum excitandum.

Observa 3tio. Prodesse etiam ad discursum formandum, affectumquē continuandum habere in promptu, sententias &

N. prophe.

prophetias materiæ congruentes. Item similitudines, dissimilitudines comparationes à majori, minori, pari, &c. Item ab Antecedentibus concomitantibus & subsequenter. V. G. Quæ incommoda peccatum mortale, vel quæ commoda virtutem præcedant, comitentur, subsequantur. Aut quid boni vel mali ex his provenerit nobis olim, nunc proveniat, in vita reliqua item in morte & in altera vita proventurum sit.

5^{to}. Formatis sic discursibus per Intellectum, conetur meditare ex ipsis non tam subriles quàm pios in voluntate sua excitare affectus illosquè tam diu prolonget donec per ardentia desideria sibi satis fuerit factum ita ut contentus quiescat.

Observe. 1^{mo}. Pro cognitione horum affectuum quod licet certi certis vijs assignentur uti supra vidimus, tamen hi sunt magis usitati & pene omni materiæ conveniunt qui illo disticho exprimuntur

Crede DEO, Spera, Geme, Time, Ama. Mirator, & esto
Gratus, Gaudeto Geme Luge Imitator Honestum.

Observe 2^{do}. Pro dilatatione & continuatione horum affectuum quod tribus modis secundum tres temporis differentias (nimirum Præsens præteritum & futurum) exerceri & dilatari possint. Quoad Præsens dilatari possunt, his quinque desiderijs seu suspiriis. 1^{mo}. Admirando, agnoscendo, & confitendo, nostram insufficientiam, quoad intellectum. & affectum, in illis prout par est, elicendis. 2^{do}. Exercendo tamen illos pro modulo nostro tenui, perfectissimequè exercere desiderando, hoc est, pura Intentione, magna intensione, constanter sine cessatione. 3^{io}. Desiderando eos exercere affectu omnium creaturarum si id fieri posset. 4^{to}. Offerendo DEO similes actus excellentissimos Christi Domini Beatissimæ Angelorum & omnium Sanctorum. 5^{to}. Operando ut idem nobiscum omnes viatores pro mensura gratiæ sibi datæ præstent. Quoad Præteritum dilatari possunt iisdem affectus, eodem modo per quinque suspiria dolendo de præterita nostra in ijs frequentandis socordia. Quoad futurum dilatantur eodem modo proponendo eos in posterum sæpius frequentare.

Exem-

Exemplum hujus dilatacionis habetur meditatione prima de Passione Domini.

Observe 3tio. Affectus non coactè & extortè sed discretè & suaviter, nec semper omnes sed nunc hos nunc illos; nunc quoad præsens tempus nunc quoad Præteritum nunc quoad futurum exercendos, idquè maximè tempore ariditatis nam tempore consolationis sequendus est, ductus & impulsus S. Spiritus.

6to. Excitatis sic in voluntate affectibus, concipienda sunt proposita practica suo tempore & modo ad opus deducenda. Et hæc proposita practica sunt præcipuus fructus meditationis sinè quibus in vanum meditamur: Præstat enim leniter intellectu discurrere voluntatemquè parum affici & multum proponere executioniquè mandare, quàm superabundanti consolatione in meditatione deliniri & post meditationem nihil facere.

Observe proposita hæc non circa res extra ordinarias arduas, & exoticas versari debere sed circa res, quotidianas & obvias quæ facile in praxim redigi possint. Cujusmodi sunt quæ concernunt extirpationem vitiorum, mortificationem Passionum, exactam functionum ordinariarum executionem.

7mo. Conceptis & formatis propositis practicis subjicienda sunt, non solum in fine meditationis (ubi præcipuus eorum locus) sed si placet etiam post quodlibet Punctum, Colloquia: in quibus bona nostra desideria & proposita, vel DEO vel Beatissimæ vel Sanctis humiliter commendanda gratiaquè necessaria, ad illa exequenda, obnixè postulanda.

De servandis post Meditationem.

1um. Finito meditationis tempore examinandus est, accuratè successus recolendo modum præparationis, præludia, Discursus, Affectusquè, cùm propositis. Si bene successit gratiæ agendæ DEO cùm proposito deinceps ita Meditandi. Si malè causæ requirendæ cùm dolore, & proposito, emendationis. Signa porro boni successus sunt. 1mo. Elapso tempore sentire se paratum ad diutius meditandum. 2do. Non spontè inhæsisse distractio-

nibus. 3^{to}. Servasse ordinarium modum meditandi cum præparatione. 4^{to}. Non tantum pios affectus sed & proposita practica in particulari formasse. 5^{to} In executione propositorum sentire solito maiorem facilitatem, robur, gaudium; Mali verò successus signa sunt opposita quinque superioribus.

2^{um}. Proposita practica revocanda sunt in memoriam, vel si inter meditandum nulla formata sunt tunc aliqua præsentis diei accomodata formanda erunt simulquæ occasiones perspiciendæ atquæ ordinandæ illa exequendi hoc vel illo modo, tempore, loco, &c.

3^{tium}. Prodest non parum rariora lumina & proposita majoris momenti, scripto breviter notare, ea enim relegendo inardescit affectus, & ad Perfectionem prosequendam acrius inflamatur.

Quæres 1^{ma}. Quomodo se gerere debet is qui in principio Meditationis magnam sentit difficultatem in recollectione sui? R. Humiliet se & DEUM precetur ut sibi gratiam juxta suum beneplacitum præstare dignetur.

Quæres 2^{da}. Quid faciendum quando capitis dolore laboramus? R. Svaviter tunc & breviter Meditandum nec tanta applicatione intendendum quantâ dum caput recti sibi constat.

Quæres 3^{ta}. Quid faciendum quando a somno meditans opprimitur. R. Diverſa posse adhiberi remedia, vel compungere carnem, vel nudis genibus flectere, vel aliquod cordis elationes ad DEUM elicere.

Quæres 4^{ta}. Quid faciendum tempore distractionum. R. Vel distractiones proveniunt ex debilitate phantasie, vel ex negligentia nostra vel ex tentatione demonis. Si ex infirmitate phantasie procuranda est, bona dispositio corporis. Si ex negligentia nostra, fervor assumendus. Si ex tentatione demonis surda quasi aure prætereunda est.

Quæres 5^{ta}. Quid faciendum tempore ariditatis? R. Si ariditas oritur ex nostra superbia; humiliare se & indignum omni consolatione reputare. Si ex immissione Divina resignare se
ejus

ejus beneplacito ad ariditatem illam totâ vitâ perferendam. Si ex indispositione corporis offerre Divinæ Majestati desideria & affectus Christi Domini Beatissimæ & Omnium Sanctorum. Si ex alijs causis conari elicere præfixa desideria, resoluta voluntatis decreto quantumvis corde arido.

Quæres 6to. Quid faciendum quando voluntas ad nullum affectum excitatur? *R.* Si post longum tempus non excitetur tunc vel aliud punctum erga quod magis anima afficitur assumendum. Vel ad alios Meditationis affectus progrediendum.

Quæres 7mo. Quid faciendum quando Meditans tempus meditationis propè effluxisse animadverterit & nihil penitus vel ob negligentiam vel ob distractiones vel ob aliam quampiam causam effecit? *R.* Tunc aliquot intensos virtutum actus videlicet contritionis, humilitatis Amoris eum elicere, debere amissi temporis jacturam tanto majori affectione resarcire gestiendo.

Quæres Ultimo. An oporteat oculos claudere in Meditatione? *R.* Licitum esse facere secundum quod sibi meditans conducere prospicit ad recollectionem interiorem. Et hæc de ordinario modo meditandi,

Præter explicatum modum & Praxim ut nausea condiretur quàm pleriquè in Meditatione licet sit pretiosissimus cibus sentiunt, invenerunt Magistri Spiritus alios modos seu praxes res Divinas & salutares expendendi.

1mus. Modus est: quo discutiuntur præcepta DEI aut Ecclesiæ aut peccata capitalia, aut quinque sensus aut alia quæcunque mandata Divina, unum post aliud quomodo singula custodita, vel violata sunt postquè singulum unum Pater aut, Ave MARIA aut, simul utrumquè veniam pro transgressione precando recitatur. Hic modus competit propriè ijs qui in via Purgativâ versantur.

2dus. Modus. Meditandi est, (qui proficientibus convenit) quò Oratio Dominica, vel Salutatio Angelica, vel Psalmus, vel Hymnus, vel Litanîæ, vel quævis alia pia oratio vocalis, tam diu in prima voce vel in primis vocibus sensum aliquem

certum conficientibus expenditur affectibusquē consentaneis circa eam eliciendis insistitur usquē dum affectus latens hauriatur, & devotioni internæ satis fiat.

3^{tius}. Modus est, per modum aspirationum & affectuum qui corporis respirationibus respondent ita ut inter unam & alterā corporis respirationem affectus aliquis pius aut gemitus Spiritus, aut brevis jaculatoria Oratio ex intimo animæ nostræ erumpat, brevi illo tempore quod inter respirandum intercedit expositā in æstimatione sensu aut gustu Spirituali, illā re quam desideramus aut petimus juxta illud Davidis: *Os meum aperui & attraxi Spiritum*. Hic modis ijs accomodatissimus qui unitivam peragunt viam.

4^{tus}. Modus est, Quo integra vita Christi, incarnatio, Nativitas, Prædicatio, Mors, Resurrectio, Ascensio adhibitis identidem varijs affectibus brevi compendio recogitantur. In hac Meditatione si quis ad finem usquē perseveraverit (*Dicit Author vetustissimus Armarij*) gratiam DEI, tam certo sibi promittat ac si pignus certum in potestate sua haberet. Alios modos extra ordinarios Orationis mentalis non adfero Legatur in introductionibus, *Ludovici de Ponte §. II.*

§. VI.

Praxis Audiendi Missam.

CUm unum è præcipuis Christianæ & Religiosæ pietatis exercitijs sit Divinissimo Missæ Sacrificio quotidie interesse, ut copiosum gratiæ fructum ex tanti mysterij assistentia referas sequentia observa.

Ante Sacrum.

Inprimis excita in te ardorem devotionis & breviter ruminando, quis, quid facturus sit vel orationes aliquas vocales cingendis affectibus accommodatas recitando.

Deindè fac intentionem te per manus Sacerdotis Sacrificium hoc Divinæ Majestati velle offerre, imo. Ad majorem ipsius

sius gloriam. 2do. In confessionem suppremi Dominij quod habet in omnes creaturas, 3tio. In commemorationem acerbissimæ Passionis & mortis JESU Christi. 4to. In honorem augmentumquè Gloriæ Beatissimæ Virginis. 5to. In æternam gratiarum actionem pro omnibus donis quibus affecit Humanitatem Domini nostri JESU, Beatissimam Virginem, Omnes Angelos & Sanctos suos & præcipuè Sanctum N. cujus hodiè festum celebramus. 6to. In satisfactionem pro peccatis meis. 7mo. Specialiter autem pro his NN. vel hac & hac gratia obtinenda.

In ipso Sacro facienda.

Præmissâ sic debitâ intentione inprimis dic Confiteor cum Ministro, & conare intensum actum contritionis elicere cum firma spe veniæ absolutionem sacerdotis excipiendo. Deinde usquè ad Canonem recita Coronam simul ruminando ipsius mysteria vel alias vocales orationes.

Sub Canone Rumina & repræsenta Æterno Patri dilecti ejus Filij, per triginta tres annos vitam, ærumnas, labores, fatigationes in Evangelizando, sputa, impropria, & per flagella, vulnera, spinas hæc omnia pete tibi & alijs omnibus cordis puritatem peccatorum remissionem vel ea quæ intendisti orare.

Sub Elevatione Rumina in Cruce extensionem, Crucifixionem, Elevationem, totius sanguinis à corpore separationem, mortem, depositionem de Cruce, ac Sepulturam, & elice actum fidei & adorationis, vel contritionis cum spe veniæ dicendo, vel ore vel corde, *Cum S. Ambrosio* : Tu Rex Gloriæ Christe &c. *vel cum S. Francisco*, Respice Pater in faciem Christi tui & miserere nobis.

Post Elevationem. Offer æterno Patri eandem vitam & Passionem Christi cum infinitis ejus meritis pro his vel illis fidelibus defunctis speciatim verò pro defunctis vivorum suffragijs vel qui propter te, in Purgatorio detinentur, vel quorum liberatio cedit ad Majorem DEI Gloriam.

Dum dicitur Agnus DEI. Excita in te profundam humilitatem, reverentiam, & contritionem cum desiderio communicandi.

Dum

Dum dicitur Domine non sum dignus, dicendo cum Sacerdote humilia te, & invita Christum ut saltem per novam gratiam ad te venire dignetur, siquidem indignus es ut Sacramentaliter & realiter ad te ingrediatur: Pete veniam ejusquē te beneplacito resigna: His expeditis prosequi poteris preces vocales paulisper interruptas, usquē ad finem sacri.

Benedictionem Sacerdotis reverenter excipe memor Christi dum cælos ascenderet suos benedicens cum spe & desiderio uberioris gratiæ per ipsum impetrandæ.

Evangelium deniquē *S. Joannis de Verbo Incarnato*, audiens simulquē Christum in fine sæculi ad judicandum venturum reminiscens gratias age pro beneficio Incarnationis, & gratiam obnixē pete ita vivendi sicut optabis vixisse in fine vitæ & mundi.

Post Sacrum.

Offer hoc tuum obsequium Christo per Beatam Virginem Angelum Custodem, Patronos Sanctos in unione sacrificij olim in terris ab ipso æterno Patri oblatis ad præfixam Intentionem ante sacrum.

§. VII.

Praxis legendi, libros Spirituales.

UT cum fructu Spirituali lectioni vaces sequentia observa-
1um. Certum quotidie tempus lectioni præfige illudquē inviolabiliter sine justa causa quoad fieri potest non ommitte.
2dum. Antequam legas semper te præpara: Imprimis pura intentione quā solum profectum quæras, non curiositati inservias: Deindē brevi mentis elevatione, quā gratiam peras, ut animus lecta concipiat, recipiat, teneat, & exequatur prout; à te DEUS requirit.

3tium. Non festinanter & mistim, sed lentē, & ordinatē, lege librum quem sumpseris nec prius legendum relinque antequam totum perlegeris; illa quæ te magis concernunt & affectus
 mores-

moresquè tuos melius attingunt sæpius relegere nihil vetat, imo plurimum prodest, maximè si Particulare examen adjungas.

4^{um}. Inter legendum, pios affectus lectioni congruentes elicere stude, proposita practica forma, res illustriores in memoria selige & serva seu potius non confidendo memoriæ in separato libello scribe, ut tanquam sagittas è pharetra opportunè cum necessitas tulerit, depromas.

5^{um} Conclude lectionem brevi aspiratione ad DEVM ut semen in terram cordis tui jactum, servet ac facundet ut fructum proferat in tempore suo.

§. VIII.

Circa audiendas Exhortationes quinque sunt observanda. 1^{um}. Ut Exhortatio summa cum modestia ac attentione audiatur & acceptetur.

2^{um}. Ut in Exhortante Magistro, persona DEI consideretur.

3^{um}. Ut quæcunque dicuntur non casu aut inordinato monitoris affectu dicta credantur sed propter salutem meam cælitus specialiter missa & data reputentur.

4^{um}. Ut notabilia puncta Exhortationum in separato libello annotentur ac interdum revideantur.

5^{um}. Et præcipuum ut audita opere ipso sine dilatione exequantur, Non enim illi beati qui tantum audiunt verbum DEI (inquit Magister noster Christus) sed qui custodiunt illud.

§. IX.

Praxis Examinis Quotidiani.

Examen quotidianum nihil aliud est, nisi discussio vespertina de peccatis, cogitatione, verbo, & opere, omissione per integram diem admissis. Partes examinis hujus sunt quinque illis vulgaribus versiculis comprehensæ.

Solve DEO grates, pete lumen, discute mentem.

Delicti veniam posce, recide malum.

O

Dici-

Dicitur. 1mo. Solve DEO grates, id est, pro acceptis tam ea die speciatim quàm alias universim beneficijs; hoc vel simili modo.

O Beata Trinitas unus DEVS gratias Maieitati tuæ ago quàm possum maximas pro innumeris & maximis beneficijs quæ ex momento conceptionis meæ usquè in hanc horam de tua benignitate suscepi, gratias ago tibi pro Creatione, Conservatione, Redemptione, speciali ad fidem Catholicam, & Sacram Religionem, vocatione alijsquè innumeris beneficijs hodie à te acceptis.

Dicitur. 2do. Pete lumen, id est, gratiæ Divinæ quâ illuminatus cognoscere & execrari possis omnia peccata tua, hoc vel simili modo: Et rogo per eandem benignitatem tuam dignare illuminare tenebras meas, gratiamquè largiri, agnoscendi, detestandi, emendandi, & compensandi, omnia peccata, negligentias, & ingratitudines meas, quibus hodie Divinam Maiestatem tuam offendi ut deinceps per omnia tibi placeam.

Dicitur. 3tio. Discute mentem, id est, Examina ordinatè & exactè omnes cogitationes verba opera & omissiones tuas. Ordinatè autem examinabis si certum aliquem ordinem observaveris, V. G. expendendo imprimis loca in quibus fueris, deinde horas, postea negotia, tum personas quid cum singulis tractaveris & egeris. Exactè verò examinabis si ita singula expendaris quasi statim finito examine essès ea explicaturus in Confessione.

Dicitur. 4to. Delicti veniam posce id est, expedità prædicto modo Conscientiæ discussione statue ante oculos tuos ab una parte imperfectiones commissas ab altera beneficia, & gratias à DEO tibi impertitas, quas admirabundus intuens cum detestatione stultitiæ tuæ prorumpe ex imis præcordijs in Actum Contritionis hoc vel simili modo.

Domine JESU Christe verus DEUS, & Homo Creator & Redemptor meus pænitet me ex toto corde quod offenderim te Dominum & DEVM meum quem amo super omnia & propono amplius non peccare omnesquè peccandi occasiones devitare.

vitare, confiteri & implere penitentiam quæ mihi fuerit injuncta. Insuper ex amore tui libenter adversantibus omnibus mihi condono: & in satisfactionem peccatorum meorum offero tibi Passionem tuam Merita Beatissimæ Mariæ semper Virginis & Omnium Sanctorum tuorum, atquæ omnia opera mea, & totam vitam meam. Et confido in bonitate tua infinita & misericordia quod per merita Pretiosissimi Sanguinis tui remissurus mihi sis omnia peccata mea, & gratiam uberem largiturus quâ vitam Sanctè instituere tibi quæ perfecte usquæ in finem servire valeam. Amen. Hunc Actum adisce memoriter & quotidie antequàm cubitum eas vel Sacram Confessionem facias recita affectu Filij Prodigij.

Dicitur 5to. Recide malum id est, firmiter propone, male te prius millies mori quàm resumptis defectibus Supremam offendere Majestatem.

§ X.

Praxis Examinis Particularis.

EXamen Particulare est cura peculiaris & particularis circa unum aliquod vitium extirpandum. Vel virtutem acqvirendam quod ut cum fructu peragas sequentia diligenter observabis.

Ante Examen.

1mo. Observa, quæ te vitia magis in via perfectionis impediunt & elige præcipuum expugnandum vel virtutem magis tibi necessariam iuxta consilium Patris Spiritualis.

2do. Electo jam vitio & virtute pete humiliter gratiam stirpitus illud eradicandi vel in virtute proficiendi.

3tio. Ut magis ac magis proficias propone quotidie mane firmiter, & fideliter, contra illud vitium, decertandi vel virtutem conquirendi.

4to. Interdium memor sis sæpe propositi, gratiam cum diffidentia tui petendo, & si forte lapsus fueris admota pectori manu dolo resurge, & viriliter deinde certare propone.

In ipso Examine.

1mo. Gratias age Deo generaliter pro omnibus beneficiis. 2. Pete gratiam unico suspirio cognoscendi lapsus, contra propositum admissos. 3. Statutis temporibus videlicet meridie, & vespere, numerum lapsum inquire, & in charta vel tabula annota. 4. Si lapsus es dolorem excita, cum proposito emendationis: Si non deprehenderis te lapsum, gratias age cum proposito deinceps etiam coöperandi diuinæ gratiæ.

Post Examen.

Si adhibitâ aliquamdiu curâ peculiari, ad vitium peculiare extirpandum beneproficisti Deo gratias age illiq; totum adscribe: Sin minus causas inquire, & novo fervore incipe, nec desine, donec vitium sit debilitatum, vel virtus firmiter sit radicata, ita ut sine difficultate exerceri possit, quod facile assequeris, si ferventer, & frequenter gratiam proficiendi postulaveris, operaq; mortificationis pro lapsibus tibi assignaueris, *E S. Ignatij Logjola*, qui ante somnum tot sibi solebat ictus infligere quoties interdium contra propositum effusus risisset.

Observe. Exteriores defectus quibus proximi offenduntur prius esse assumendos, & extirpandos, quales sunt detractio, murmuratio, contentio, silentij fractio. Postea internos quales sunt iudicium temerarium, odium, cogitationum evagatio, mentis elatio.

§. XI.

Praxis Examinis Menstrui.

AD fervorem spiritus continuandum augendumq; mirificè confert serius usus examinis Menstrui in quo transactum tempus, & spiritualis profectus in trutinam assumuntur.

Tempus huius examinis instituendi, est ultima vel penultima dies, vel festum vicinius mensis. *Praxis talis.* 1mo. Gratias age pro beneficijs tam animæ, quam corporis integro mense perceptis præcipuè verò pro tempore, & sanitate tibi impertita, formula ut supra in examine quotidiano.

2do.

2do. Pete gratiam quâ illustratus cognoscere possis rationem consumpti temporis, cum profectu, vel defectibus his integro mense commissis simili forma ut supra.

3to. Discute ordinatè quomodo pretiosum tempus mensis elapsi expenderis, quantum devotioni, mortificationi, Vigilijs orationi, Choro, Obedientiæ, & quantum deinde otio verbis inutilibus somno deambulationibus dederis. Discute postea quantum in extirpandis vitijs præcipuè pro illo mense assumptis, vel virtutibus acquirendis profeceris.

4to His ita discussis perpende in quo plurimum temporis amiseris, ut sequenti mense iacturam istam caveas.

5to. Inquire postea quæ te imperfectio magis infestat, vel quæ tibi virtus magis necessaria, ut eam pro sequenti mense assumas extirpandam, vel hanc acquirendam. Si autem præterito mense vitium, vel virtutem aliquam habuisti, examina te si aliquem profectum circa eam feceris, & mutanda ne tibi est, vel non muranda.

6to. Post hæc elice serium de negl'gentia tua dolorem, concipe efficax desiderium tempus bene expendendi, serioq; in virtutibus proficiendi cum affectuosa divinæ gratiæ imploratione. Pro his omnibus commodius peragendis plurimum inseruit Meditatio, de Transacto tempore inter meditationes scripta.

§. XII.

Praxis Confessionis.

Confessio Pars secunda Sacrae Pœnitentiæ: Est secreta omnium peccatorum coram Sacerdote accusatio quæ memoriæ occurrunt ad quam utilius peragendam sequentia observa.

Ante Confessionem.

1mo. Excita in te desiderium debita cum devotione hoc Sacramentum obeundi mere propter veniam peccatorum consequendam & augmentum gratiæ vel aliquod aliud pium motivum.

2do. Pete per infinitam misericordiam DEI ad Pœnitentiam te invitantis per merita Christi IESU, Beatissimæ, & omnium

✠ (110) ✠

Sanctorum efficacem gratiam agnoscendi, detestandi, confiten-
di peccata.

3tio. Revocari memoriam peccata ab ultima confessione,
commissa eaq; Breviter, Integre, Clare, & Ordinate in chartula
annota vel memoriae imprime. *Breviter*, omissis non necessarijs
& generalibus narrationibus. *Integre*, explicando omnia quoad
speciem, numerum circumstantias mutantes quæ conscientiam
aggravant. *Clare*, id est usitatis & clavis verbis. *Ordinate*, præ-
mittendo prius peccata contra DEUM, contra proximum: de-
mum contra teipsum.

Ut autem prædicta facilius consequaris subijcio brevita pun-
cta, secundum quæ Religiosus conscientiam suam examinare, &
se pro confessione parare debet: Et imprimis.

Quoad DEVM.

An beneficia, DEI præsertim supernaturalia, ut Re-
demptionis, vocationis magnificerit gratusque ijs extiterit.

An in timore DEI & amore & perfectione proficere
studuerit.

An præsentia DEI memor extiterit.

An horas Canonicas omnesque alias debitas preces exolue-
rit quâ intentione & reverentia & an in illis voluntariè distra-
ctus fuerit.

An Missam feriatis diebus audierit, vel in illa fabulatus fu-
erit, vel alijs ansam omittendi præbuerit.

An contra Sanctos aliquid leve dixerit vel Sacra Scriptura ad
jocos usus fuerit.

An mendacium sive jocosum sive officiosum commiserit.

An votum seu simplex etiam promissum DEO, vel Sanctis
factum, violaverit.

An per Conscientiam, fidem sive serio sive joco falso, vel de
veritate dubitans juraverit.

Quoad Proximum.

An promptè Superioribus obedierit, an eis maledixerit, ver-
bis

bis duris effenderit , contra eosdem murmuraverit , oblocutus fuerit , clandestinè irriferit , tacitè contempserit , mandata eorum omiserit , vel invitè fecerit non sineere cum iisdem egerit.

An humilis & Charitativus erga Fratres fuerit.

An convitia in alios iecerit , temerariè iudicaverit : cognomina turpia imposuerit , verbis contenderit , læserit , ad iram provocaverit , dona supernaturalia , vel corporalia inviderit , odio persecutus fuerit , ex ira loqui noluerit , &c.

An detraxerit alicui in re gravi & quoties.

An patefecerit alicuius occultum defectum cum infamia & damno ipsius.

An falso aliquem apud Superiorem accusaverit & quoties.

An optaverit alicui mortem , aut aliud malum deliberate & quoties. An damnum intulerit & quale. An cum damno Proximi mentitus fuerit & quali , & quoties.

An provocaverit alios ad peccatum , vel cum debuit & potuit Superioribus non manifestavit.

Quoad seipsum.

An habuerit cogitationes immundas in ijsq; hæserit , vel voluntariè oblectatus fuerit , & quoties.

An turpia verba dixerit , vel cecinerit , vel libens audierit , vel legerit , vel imagines obscenas aspexerit , habeat , vel habuerit & quoties.

An seipsum absq; necessitate contrectaverit.

An se vel alium inebriaverit , & quoties.

An iram vel impatientiam verbis ostenderit , furibundè clamando , demones nominando , &c. factis nutibus , oculis , gestu , indignationem manifestando.

An temperantiam in cibo & potu , iuxta regulam servaverit.

An alijs sese prætulit , superbierit , contempserit , gloriatus fuerit seipsum iactaverit.

An quidpiam contra obedientiam , aliq; vota Religiosa quoquo modo fecerit.

An modestiam in incessu statu habitu , & recreatione coluerit.

erit. An officijs sibi iniunctis satisfecerit, & quo affectu diligentia, & intentione.

Examinet præterea Conscientiam suam an graviter peccaverit in re aliqua cogitatione, verbo, & opere, contra quinque sensus, contra septem peccata capitalia, contra Decalogum, &c.

Insuper, examinet & accuset se, de somnolentiis in profectu spirituali, in mortificandis passionibus, in eradicandis pravis habitibus, & vitijs; de inspirationibus divinis reiectis, seu flocci æstimatis, de tempore inutiliter transacto, de silentio violato, vel non debite in locis assignatis observato. De defectibus contra Regulam, & Constitutiones communiaq; superiorum mandata, ex industria admissis, & de alijs rebus in quibus graviorẽ remorsum conscientia sentit.

4to. Examinatã iuxta prædicta puncta, conscientia annotatisq; in chartula commissis defectibus, conare veram Contritionem de omnibus hisce peccatis excitare: idq; ex puro amore DEI, super omnia dilecti. Conare itidem excitare firmum propositum, omnia peccata maxime verò voluntaria in posterum non committendi, Quod utrumq; assuequeris, devotè & affectuosè recitata oratione Superiori. *Domne IESU Christe, verus Deus, &c.*

Observa. 1mo. Contritionem, & actum eius, semper confessioni præmittendam esse & hoc ideo, ut Sacerdos formam absolutionis in dispositam & aptam materiam proferat.

Observa 2do. Si recenter Confessus es & nihil grave occurrat paucula absq; anxietate collige: vel veniale aliquod determinatum ex præteritis repete, ut Confessarius formam supra certum aliquod proferat potissimamq; diligentiam circa contritionem eliciendam & propositum adhibe.

Sub ipsa Confessione.

1mo. Sic præparatus accede ad Sacram Confessionem quasi ad lavacrum Sangvinis Christi JESU cum certa spe dealbationis ab omnibus inquinamentis tuis: accede instar leprosi, aut servi nequam aut filij prodigi, aut Mariæ Magdalena, aut Petri resipiscentis, procidens humiliter ad pedes Sacerdotis veluti ipsius Christi.

2do. Signa te & dicito: Benedicite Pater, quibus verbis pe-
te benedictionem recte confitendi, detestandi, & emendandi o-
mnia peccata tua.

3to. Benedictione acceptâ dic: Confiteor & si non integrum
saltem decurratum, usquè ad illa verba, mea culpa.

4to. Dicto Confiteor Expone quàm pridem es confessus:
Item an præteritam Confessionem integram fecisti, & quare non:
utrum ex oblivione an ex pudore &c. Item utrum pænitentiam
absolvisti, & quare non.

5to. Deinde peccata breviter integrè, clarè, ordinatè, humi-
liter cùm contriti spiritus affectu confitere.

6to. Enumeratis peccatis conclude Confessionem hâc vel
simili formâ: De his & alijs totius vitæ meæ peccatis confiteor
& doleo, doleo quod aliquando DEUM meum supra omnia di-
ligendum offenderim, firmiterquè propono amplius non peccare.
Mea culpa mea maxima culpa: Ideò precor B. MARIAM semper
Virginem, Omnes Sanctos & te Pater orare pro me ad Domi-
num DEUM nostrum. Precor insuper salutarem Pænitentiam &
Absolutionem.

7mo. Quidquid à Confessario dicitur tanquàm ab ipso Chri-
sto, salutis tuæ cupidissimo monitore dictum, humiliter accipe
& pro possibili observa.

8vo. Dum forma Absolutionis à Confessario profertur, consi-
dera te veluti filium prodigum à Patre Amantissimo stolâ novæ
gloriæ ornari. Mirare insuper, & actum fidei elice quomodo sen-
sibilia verba absolutionis invisibilem Sacramenti gratiam ex meri-
tis Chisti in te operentur.

Post Confessionem

1mo. Recedens à Confessario concipe seriam vitæ emenda-
tionem: Memor illius Joan: 5. Ecce sanus factus es jam noli pec-
care, ne deterius tibi aliquid contingat.

2do. Prostratus demum ad pedes JESV instar leprosi, vel
instar Filij prodigi, gratias age omnium Pænitentium affectu, imò
omnium creaturarum, quod te DEVS per hoc Sacramentum
P munda.

mundârit & in gratiam receperit simulquè roga, ut defectus commissos ipse sua gratiâ suppleat, hac vel simili Oratiuncula.

O JESU DEUS infinite misericors & longanimis ! quomodo multiplicas super me misericordias tuas dealbando me immundum Sanguine tuo ! sit tibi obsecro meritis Beatæ semper Virginis Genitricis tuæ MARIE & Omnium Sanctorum grata & accepta ista Confessio & quidquid mihi defuit, nunc & alias de sufficiëntia Contritionis de puritate & integritate accusationis, suppleat pietas & misericordia tua & secundum illam digneris me habere plenius, & perfectius, absolutum in Cælo. Qui vivis & regnas cum DEO Patre in unitate Spiritus Sancti DEUS per omnia. &c.

3tio. Pœnitentiam injunctam ferventer, attente, devotè, & cito perolve ; decet enim ægrotum ea quæ ad Sanitatem recuperandam & ad vitæ pericula amovenda spectant, diligenter sinè dilatione exequi. Adde semper aliquid quò Indulgentiam lucreris.

§. XIII.

Praxis Sacræ Communionis.

Magnus quidem ex pia confessionis frequentatione percipitur fructus, sed multo major ex sumptione Sanctissimæ Eucharistiæ præsertim si in usu ejus debita semper adhibeatur devotio. Quam docet Praxis quæ sequitur.

Ante Communionem præmittenda.

1mo. Peractis omnibus quæ de Confessione sunt tradita, compone vultum, totumquè corpus, ad modestiam quàm maximam acsi interius DEUM loquentem audires : *Prepara te Israël in occursum Domini DEI tui quia ecce veniam tibi et manebo in medio tui.*

2do. Fac intentionem te velle communicare. 1mo. Ut Dominum DEVM tuum affectu omnium Creaturarum honores, & laudes. 2do. Ut memoriam Passionis & mortis Domini Nostri JESU renoves. 3tio. Ut omnes blasphemias & injurias quas nunquàm à peccatoribus hodiè & alias semper in toto mundo patitur

titur recompenses. 4to. Ut Sanctissimæ Trinitati pro infinitis donis Humanitati Domini Nostri JESV collatis gratias agas: 5to. Ut item gratias agas pro beneficijs, tum Beatissimæ Virginis, tum alijs omnibus Sanctis, nec non & tibi indignissimæ Creaturæ collatis & adhuc in vita & morte conferendis. 6to. Fac insuper particularem intentionem, te velle Communicare; vel ut DEVM glorifices pro donis, quæ Sancto N. cujus dies agitur, contulit, vel ut imitationem virtutum hujus & hujus Sancti tibi impetres; vel ut animas in Purgatorio detentas adjuves, vel ut jacentibus in peccatis resipiscentiam impetres, vel ut ipse tuorum peccatorum remissionem consequaris; vel ut deniquè quamcunque aliam rem, sive tibi sive amicis tuis necessariam obtineas.

3tio. Pete gratiam ad percipiendos Sanctissimæ Eucharistiæ fructus, & ardentè pete per infinitam bonitatem & merita Christi, per pios devotionis & amoris excessus Beatissimæ Virginis nec non & Omnium Sanctorum in frequentatione hujus Divinissimi Mysterij unquàm elicitos.

4to. Excita in te devotionem quàm maximam desiderando Communionem hanc Sacram affectu Omnium Piorum hominum, tam militantis quàm triumphantis Ecclesiæ sumere. Juvabit ad excitationem horum affectuum, non tam ore quàm devota mente recitare: *cùm Thoma de Kempis Officium de Corpore Christi*, cùm alijs passim precationibus obvijs ante Communionem. Juvabit item piè auscultari Missam juxta praxim superius traditam. Juvabit præterea diligentius expendendo. Quis, ad quem, ad quid, quare veniat; & exinde in varios actus præcipuè verò Fidei, Spei, Charitatis, Humilitatis, Timoris, Reverentiæ, prorumpere. Juvabit insuper expensâ vilitate, & indignitate sua offerre Domino DEO, Omnium Sanctorum, omnium item Sacerdotum hodiè Sacrificantium, vel piorum hodiè Communicantium, præparationes & corda hac vel simili formulâ.

Cùm præter propensam in te voluntatem ô DEVS meus nihil in me inveniam, quod tibi pro digna præparatione offeram, offero tibi omnia merita tua, offero tibi Communionem illam

Sanctam à te in ultima Cæna peractam, offero tibi communionem & præparationes Sanctissimæ Matris tuæ, offero tibi præparationem ac Communionem Omnium Sanctorum Apostolorum, in Cænaculo dum hoc Sanctissimum epulum institueres, existentium; offero tibi omnes præparationes & communionem Christi Fidelium, omnia Sacrificia quæ nunc per universum orbem offeruntur, quæquæ unquam omnes homines obtulerunt ab Abel iusto, & offerentur æternis sæculis.

In ipsa Communione Observanda.

1mo. Accedente jam Communione Sacra dic Confiteor, profundè te humiliando, & ad pedes Domini Nostri JESV ad instar Petri vel Magdalene cum reverentia abijciendo.

2do. Dum audis Sacerdotem dicentem, & repetentem Domine non sum dignus, dic & repete cum illo ad instar Centurionis vivâ fide, & intimo contriti spiritus sensu, recolendo. 1mo. Non sum dignus ob peccatorum meorum gravitatem. 2do. Ob ingratitude pro tot beneficijs. 3tio. Ob nihili mei vilitatem & Divinæ Majestatis tuæ sublimitatem. Vel non sum dignus, propter peccata cordis, oris, & operis.

3tio, Dum surgis ut ad gradus altaris flectas communicaturus: Imaginare te vel in ultima Cæna inter Apostolos recumbere, vel cum Discipulis in Emaus è manu ipsiusmet Christi Sacram Communionem accipere; vel è manu S. Joannis Evangelistæ cum Beatissima Virgine communicare, vel imaginare te Vulneribus JESV os applicare sanguinemquæ ejus sugere; vel deniquæ cogita DEVM tibi pane cælesti os oppilare ut beneficijs ejus superatus tandem aliquando peccare desistas.

4to. Dum corpus Christi in os recipis, recipe tanquàm Manna Cæleste in Arcam fæderis ut ad præsentiam ejus, in te idola Dagonessquæ variorum vitiorum corruant. Cum lingua tangis corpus Christi; refer tactum illum ad sanationem defectuum linguæ tuæ miseras Cum corpus Christi in ventriculum demittis, demitte tanquàm medicinam, ut virtute illius saneris ab omnibus iniqui.

iniquitatibus tuis & novam vitam acquiras ; vel demitte tanquàm panem nutritium quò fames ac hiatus cordis tui obruatur.

5to. Recedendo à gradibus elice actus. Imprimis profundissimæ internæ adorationis, deinde Fidei, Spei, Charitatis, Humilitatis, resignationis, & elice non verbis, sed internis suspirijs, repetendo vel cùm S. Thoma: Dominus meus & DEVS meus: vel cùm Simeone jubilando: Nunc dimittis servum tuum Domine &c. vel cùm S. Augustino: O DEVS meus fac ut me totum amore amoris tui tibi impendam, fac ut nullus sim meus sed totus tuus amore tui patiar, amore tui moriar totus semper sim tuus ut totus tu meus esse voluisti.

Post Communionem Præstanda.

1mo. Postquàm ab altari recesseris convocatis omnibus intra animi tui potentijs adora Christum Dominum ac Regem, in corde tuo veluti in Throno sedentem, ad pedes te ejus cùm Maria Magdalena, vel Petro, vel Thoma, prosternendo eosquè reverenter exosculando.

2do. Admirare illius tantam erga te indignissimum, & vilissimum dilectionem, & dignationem.

3tio. Lauda & magnifica amantissimum Salvatorem tuum cùm Patre & Spiritu S. realiter præsentem eiquè omnium creaturarum affectu pro tanto beneficio gratias age.

4to. Ad laudes has & gratias tecum peragendas invita omnes Patronos tuos, Omnes Sanctos omnesquè creaturas dicendo Canticum Benedicite &c. Item Hymnum Te DEVM Laudamus. Item Gloria in excelsis DEO. Item Pange lingua &c. vel alias similes affectuosas preces.

5to. Peractis gratijs & laudibus fac propositum unum aliquem defectu n tibi infestiores peculiari cura emendandi vel unam virtutem solidius exercendi & hoc in gratiam tanti hospitis, imitando homines politiores qui magnis hospitibus in domos suas divertentibus, munuscula plerumquè offerre solent,

6to. Revoca sæpius per diem tantam DEI erga te dignationem tequè modeste circumspectè gere ut vel aspicientibus

constet te in Christum JESUM quem sacramentaliter suscepisti transformatum.

Cave autem diligenter ne recepta hostia. terram statim osculeris, posunt enim aliqua fragmenta labijs adhærere quæ osculo isto in terram excutiantur & conculecentur.

Cave 2do. Ne saltem ante mediam horam elapsam antequàm Sanctissimi Sacramenti species consumantur in terram despuas.

Cave 3tio. Ne statim te ex Ecclesia proprias, vel ad secularia negotia tractanda, & quod gravius est, ad inutiles confabulationes, oblocutiones, risus, detractiones, murmurationes, manente adhuc inconsumpto Christo in ventriculo conferas. Est enim hic ingens abusus, non sine magna irreverentia tanti hospitis: imo ut dicere solebat S. Teresa, præcipua causa cur homines ex frequenti Eucharistiæ usu parum emolumenti accipiant. Quare ne tantum abusum committas non sis fastidiosus & tædiosus conjunctus cum Christo, sed post Sacram Communionem ad minimum mediâ horâ sequentes affectus exerce.

Affectus post Sacram Communionem mente exercendi.

I. **O** Amabilissime IESU, Deus cordis mei! unde mihi hoc, ut tu venias ad me! Quis enim sum ego, & quis tu! Tu Creator, ego creatura. Tu Dominus, ego servus. Tu DEUS, ego finis. Tu omne bonum, ego omne malum. Tu gratuitus Benefactor, ego ingratus humuncio. Tu liberalis Patet, ego prodigus filius. Tu omnis pulchritudo, ego omnis turpitudine. Tu infinita sanctitas, & gloria, ego infinita fæditas, & miseria. O millies dilectissime IESU, unde mihi vilissimo terræ vermiculo tanta dignatio, tanta Charitatis dilectio, ut me tam benigne respicere, tam amanter visitare, tam misericorditer pretiosissimo Corpore tuo reficere digneris. Exi à me Domine, quia homo peccator sum! O gratuita & immensa misericordia! O infinita & incomprehensa bonitas! Benedicta sit in æternum tua charitas, quâ ingratum sic dilexisti.

2do. Adoro te, laudo te, magnifico te, ut Deum meum, ex toto corde meo, & ex omnibus viribus meis. Adoro & laudo omnium possibilium creaturarum affectu, quod me vilissimum peccatorem admittere dignatus sis; ad splendendum vivificumq; sacrae mensae tuae convivium. Heu mihi; quam nimis indigne sumpsi hoc Sanctissimum Sacramentum, vel (si es Sacerdos) peregi hoc sanctum Sacrificium.

3tio. Agnosco indignitatem meam, atq; ex animo doleo, de omnibus negligentijs meis. Ignosce, o DEUS meus: ego quod sumpsi (vel si Sacerdos complevi) commendo divino cordi tuo emendandum & corrigendum. Suscipe quæso hæc Sacrosancta Corporis tui misteria quæ tibi omnium communicantium affectu offerro, ad sempiternam gloriam omnipotentiae, Misericordiae, Iustitiae, Bonitatis, Longanimitatis, Charitatis, cæterorumq; attributorum tuorum. Suscipe in commemorationem acerbissimæ Passionis & mortis tuæ. Suscipe in omnimodam gratiarum actionem: omnium divinarum perfectionum, & charismatum tuorum, pro quibus tibi omnibus gratias ago.

4to. Specialiter autem tibi gratias ago, o DEUS meus, ex totis præcordijs meis, pro omnibus donis, laboribus, & meritis Sanctissimæ Humanitatis tuæ. Gratias ago tibi, pro Incarnatione, Nativitate, Pueritia, pro Sanctissimi hujus Sacramenti institutione, pro morte, Resurrectione, Ascensione, & alijs singillatim misteriis vitæ, & Passionis tuæ. O quanto labore tuo docuisti me Evangelium! viam perfectionis, vitæ & salutis. O quanto pretio lacrymarum, sudoris, & sanguinis me redemisti! O quam misericorditer, & efficaciter pretium sanctissimorum meritorum tuorum, præ multis alijs mihi indignissimo applicare decreuisti, re ipsa applicasti, & hucusq; semper applicare non desinis.

5to. Gratias ago tibi, & pro singularibus, & innumeris donis, quæ in Beatissima Virgine Matre tua MARIA posuisti, nominatim verò quia eam ab æterno prævidisti, adamasti, & ab originali labe præservasti: quia eam Virginem post Partum mirâ fecunditate conservasti, quia eam cum corpore & anima in celum assum-

assumpsisti, & super omnes Angelos exaltasti, quia eam mihi, & omnibus fidelibus, in Matrem, & in Patronam dedisti: & quia eam plurimis miraculis in Ecclesia militante clarificasti, & nunc clarificare non desinis.

6to. Gratias itidem ago, pro maximis beneficijs, quibus omnes Angelos: omnes Patriarchas, Prophetas, Apostolos, Martyres, Confessores, Doctores, Religionum fundatores, Monachos, & Eremitas, omnes Virgines & Viduas, atq; omnes Beatos cumulasti: Nec non & pro illis quibus SS. Patronos meos NN. affecisti, & præcipuè Sanctum N. cuius festum solemniter hodie celebramus.

7mo. Gratias præterea ex toto mentis meæ conatu, ago & pro beneficijs quæ mihi indignissimæ creaturæ tuæ contulisti. Singulariter autem gratias ago tibi, o fons omnis boni, infinitè amabilis, quia me de nihilo creasti, creatum conservas, servatuna à multis animæ, & corporis malis liberās. Gratias ago tibi quia me sanguine tuo redemisti; quia me in fide Catholica nasci voluisti, quia me è miserijs sæculi eripuisti. & ad hanc sanctam Religionem vocasti, totq; adjumenta ad perfectè vivendum concessisti. Gratias ago tibi, (si es Sacerdos) & pro sanctissima & sublimissima Sacerdotij dignitate quia me è pulvere terræ erexisti & sancti Nominis tui laudare potentiam voluisti. Gratias ago tibi, & pro omnibus communibus vitæ meæ præteritæ, beneficijs, & pro hodierno usu huius sanctissimi Sacramenti, quia me Pane vitæ satiasti. Gratias ago tibi, pro talentis & donis, tam naturalibus, quàm supernaturalibus mihi datis, pro vicissitudine consolationum, & desolationum quibus vitam meam mirabiliter texis, ut neq; prosperis nimium efferar, neq; adversis nimium concidam. Pro toleratione mei in tot peccatis ingratitudinibus, & stultitijs meis. Gretias ago, & pro innumeris & maximis alijs beneficijs, quæ ex momento conceptionis meæ, usq; ad hanc horam de tua benignitate suscepi, & per totam æternitatem ex thesauris immensæ largitatis tuæ sum accepturus.

Perti.

*Petiones Communes post Sacram Communionem
mente exercendæ.*

ET nunc his & innumeris alijs beneficijs animatus alia nova humiliter & simpliciter peto. Non habeo quidem in me aliquod boni operis testimonium, sed tu misericordissime Domine, tanti Sacramenti fructum noli suspendere, nec per me indignum eorum salutis pereat pretium pro quibus victima salutaris dignatus es esse redemptio.

1. Miserere igitur misericordissime Domine toti mundo & eum fide ac scientia tua reple. Converte omnes gentes, converte Turcas, Scythas, Hæreticos, Schismaticos, Idolorum cultores ac perfidos Iudæos, non pereant tot imagines tuæ, non sit in illis vacuus, & inanis sanguis tuus pretiosissimus. Et quoniam plurimum ab illis blasphemaris, ego omnium intellectibus in te credo omnium voluntatibus te diligo, & omnium affectibus te laudo: sis in æternum benedictus & ultra.

2. Miserere, & Ecclesiæ tuæ, auge in ea sanctitatem & scientiam, eamq; virorum Apostolicorum labore, per totum orbem terrarum extende. Respice benignis oculis iustos ipsius, respice & peccatores eosq; à misero statu peccati misericorditer erue.

3. Aduva summum Pontificem nostrum N. Pastorem gregis tui. Intende oculos misericordiæ tuæ, & in omnes Patriarchas, Archiepiscopos, Episcopos, Parochos, & in eos qui inter gentes & Hæreticos in verbo tuo laborant, salutemq; animarum procurant, fac eos sal terræ & lucernas super candelabrum positas.

4. Miserere omnium Sanctarum Religionum, & præcipue nostræ, tribue omnibus ut secundum suam vocationem vivant, & exactè Paupertatem, Castitatem, & Obedientiam servant. Miserere Reverendissimi Patris Generalis Nostri N. Provincialis N. Patris Prioris N. Da eis ut verbo, & exemplo cunctis præluceant & me indignum suo regimine ad salutem æternam dirigant. Miserere charissimorum Fratrum NN eisq; potentissima adiumenta ad perfectè & Religiosè vivendum attribue.

Q

Esun-

5. Effunde Domine miserationes tuas, & in Regem nostrum N. aliq; Catholicos Reges, nec non & in uniuersos Principes, Senatores, Nobiles, Cives, plebeios, & in eos qui ad statum spectant sæcularem quos ut in pace ab hostium incurſu à peste & fame custodias obnixiſſimè precor.

6. Offero etiam coram te Domine Parentes meos, Fratres, cognatos, amicos meos, ut eis dones quod voluntati placitum, & ſaluti eorum profuturum eſſe cognoveris.

7. Offero quoq; tibi omnes captivos, ægrotos, tribulatos, agonizantes, & in quacunq; neceſſitate conſtitutos, ut eis ex tua largitate remedium propriarum neceſſitatum largiaris.

8. Supplex etiam rogo Clementiſſimæ Pater, pro omnibus inimicis meis, ut eis benefacias, & pro infamia, quâ me laſerunt, honorem, pro detractiõibus bonam famam. pro iniurijs omnem felicitatem tribuas, tantumq; ſanctiſſimi amoris tui cordibus eorum infundas, quantum illi contra me habent odij.

9. Reſpice benignis oculis, & animas in Purgatorio detentas NN. & quæ nullum ſuffragium habent, & pro quibus ego orare teneor, cito eas quaſo ad cæleſtes ſedes admitte.

10. Præcipuè vero, rogo te Domine DEUS pro dilectiſſimis meis NN. pro quibus tibi ſpecialiter hanc Communionem offero. Miſerere miſerere Domine neceſſitatibus eorum, & poſtulationibus noſtris Placatus acquieſce. Miſerere inſuper, & aliorum omnium qui ſe orationibus meis commendauerunt, vel commendati eſſe cupiunt.

*Petitiones private poſt Sacram Communionem.
mente peragende.*

IAm ô refugium meum, DEUS meus, miſerias quoq; meas coram te enarrabo, ut poſtquam eas, apud te cum gemitu pronunciauero, miſericordias tuas erga me citius accendam, & remedia ac dona ex tua benignitate promerear.

11. Peccavi Domine ſuper numerum arenæ maris, & non ſum dignus intueri cælum, præ multitudinem iniquitatum mearum, concede

cede ergo mihi verissimam Contritionem, quā omnia peccata mea propter te detester, & assiduus lacrymis eluam.

2. Da mihi verissimam mortificationem iudicij proprii, & voluntatis propriæ. Da rectissimam moderationem sensuum, & passionum. Da absolutum contemptum omnium terrenorum, ut nec honores quæram, nec voluptates appetam, nec divitias suscipiam, sed omnem honorem meum omnes delicias, omnes divitias meas, in te solo bonorum omnium fonte respiciam.

3. Libera me ab omnibus tentationibus, & dolis, tam visibilibus, quàm invisibilium hostium, præcipuè vero ab his, qui veniunt sub specie boni, ne bonum inquirens à verò bono divellar.

4. Concede mihi fidem rectam, spem firmam, charitatem ardentem, resignationem plenam, & cum tua voluntate concordiam.

5. Perfice o factor meus intellectum meum, ut in omnibus laudem beneplacitum, & voluntatem tuam quæram. Da ut sim in factis simplex, in dictis verax, erga Prælatos subiectus, erga amicos affabilis, erga benefactores gratus, & ob peccata mea gravissima semper compunctus.

6. Perfice intellectum meum, prudentiā, & discretione, ut medium in omnibus teneam, tribue mihi cor docile, nè protervus in meo sensu persistam.

7. Perfice memoriam meam, vivā tui recordatione ut in omnibus locis, & horis te præsentem, semper intuear, & quod officij mei est promptissime exequar.

8. Da mihi & virtutes sanctas Humilitatem, Orationem, Patientiam, Mortificationem, Charitatem, careraq; animi ornamenta, quæ me tecum uniant, & statui meo maximopere sunt necessaria.

9. Da mihi per infinitam bonitatem tuam rogo perseverantiæ donum, ut nunquàm per aliquod crinem à te separer sed semper in tua gratia usquè ad mortem perseverem.

10. Da mihi per Sanctissimam mortem tuam te obsecro bonam mortem ut post bonam vitam moriar in te morte iustorum.

Tolle à me nimium amorem hujus vitæ & nimium ac immoderatum timorem mortis. Da veram resignationem ut quando & quomodo disposueris lætus hinc abscedam & ad te veram vitam perveniam.

Aufer denique à me quidquid me in afflictione Perfectionis detinet præcipue vero vitium N. & potissima adjumenta ad Sanctè vivendum & feliciter moriendum attribue.

Hæ sunt petitiones DEVS meus quas non solum in me sed & in omnibus proximis meis per antiquas miserationes tuas impleri cupio & peto ut tibi placentes in hac vita, in futura tuo perfruamur aspectu. Amen.

O R A T I O.

Ad Beatissimam Virginem post Sacram Communionem.

Commendo me tibi Serenissima veroq; Inclyta Virgo MARIA Cæli ac terræ Regina quæ in tuo Sacratissimo utero eundem Dominum omnium Creatorem quem ego modo suscepi de Spiritu S. conceptum digne portasti. Ptecor te Matrem DEI Sanctissimam, ut pro me apud eundem Filium tuum intercedas ut quacunquè ratione in sumptione hujus Sanctissimi Sacramenti deliqui, tu negligentia & indignitatis meæ veniam impetres. Tu semper casta pura innocens post conceptum Filium etiam castior, purior DEO què gratior evasisti. utinam & ego tam divi Sacramenti perceptione ita Sanctificer, ut deinceps cor & corpus meum ab omni læthalis peccati macula tuear impollutum. Tu concepto filio de Spiritu Sancto Magnificas laudes Domino læte decantasti & in DEO Salutari tuo mirabiliter exultasti. O si tuis efficacibus præcibus id assequar Virgo & Mater ut cum hac sacra communionem novum & ardentem spiritum jungam, ac semper in gratiarum actione verser, tantoquè hospiti ac Redemptori me nunquam ingratum sed fidum in omnibus ministrum ostendam. Amen.

§. XIV.

Praxis Communionionis Spiritualis.

Communioni Sacramentali tanquàm affinem adjungo Spiritualem Communionem quæ die qualibet usurpari potest dum per obedientiam uti non licet, Sacramentali Communionem. Peragitur autem sequenti modo.

1. Præpara teipsum & quasi sacramentaliter communicare deberes cor tuum accende.

2. Audi Missam attentè & cùm Sacerdos dicit Agnus DEI, repete cùm illo, pectusquè tunde cùm contriti cordis dolore implorando indulgentiam per Sanctissima Agni immaculati merita.

3. Simili modo itera cùm Sacerdote Domine non sum dignus &c. Affectu humilitatis intensissimo indignissimum te amabilissimi salutaris tui visitatione reputando fretus tamen infinità ejus Misericordià invita illum ardentissimis & profundissimis suspirijs ad mundandam, ornandam possidendamquè cordis tui domunculam.

4. Dum Sacerdos Communicabit (si in Missa exercitium hoc peregeris) cogita quod & tibi sive ipse Sacerdos, sive Angelus particulam consecratam porrigat, quàm tu etiam labia aperiens devotè suscipe, ut teipsum per actus exteriores magis permoveas.

5. Peracta sic Communionem Spirituali flecte & persevera in eodem situ sicut in Sacramentali Communionem flectere consuevisti.

6. Demum gratias age DEO tuo pro Spirituali refectiōe actusquè sub Sacramentali Communionem usurpari solitos exerce.

7. *Exempl. 14. in Speculo Polonico de Sanctissimo Sacramento.*

§. XV.

Praxis Celebrandi missam.

Inter præcipuas causas, prima est (quod tremens dico) quare multi quotidie celebramus, & post multos Sacerdotij annos modica charismata ex mirifico altaris Sacrificio & Sacramento recipimus; quia oscitanter intermortuè, non eo quò decet cultu

ad ipsum manibus offerendum & ore suscipiendum accedimus. Recepturi altiores Prælatos, vel chariores amicos, cellam purgamus, apparamus, ornamus, iuvitamus, salutamus, gaudemus, complectimur, gratias agimus aliosquæ affectus exhibemus: Et cum Dominus DEVS Homo factus Redemptor & Judex iustus, Sacramentaliter excipiendus est, vix dignamur caput aperire: Summa præparatio est, aliquorum, lavare manus, orationes inter induendum vestes sacras ex consuetudine tepidè oscitantè proferre; imo nequæ tunc à vanis cogitationibus & alloquijs abstinere. Ad removendum hanc tepiditatem conducet non nihil ista praxis si fuerit in usum deducta, quæ ex multis selectiora ante, in & post Sacrum facienda complectitur. Nequæ incuses tanquàm longam. Celebratio enim Missæ ex quatuor Sacerdotalibus officijs seu negotijs; constat: Primum & maximum est negotium, negotium negotiorum, in quò negotium salutis æternæ agitur, respectu cuius non immerito alia temporalia negotia, negotiola seu nugas pueriles vocaveris: proinde oportet exquisitiorem ipsius peragendæ modum ad manus habere. Præterea non expedit ut simul & semper omnia & singula quæ hic traduntur exequaris, sed nunc hæc nunc illa pro opporunitate & unctione Spiritus absquæ multa actuazione & fatigatione. Illud certo scias si ipsis assueces cum magno fructu, & cum exigua difficultate, imo cum summa facilitate te Sacrum esse facturum.

Ante Missam præstanda.

Ne accedens ad Sacrum videaris tentare, seu potius irritare aut aut irridere DEVM contrâ quod præmonet Spiritus S. per os Eccl. c. 18 v. 23. Ante Orationem præpara animam tuam, & noli esse quasi homo qui tentat DEUM. Hæc autem quatuor semper antè Missam omnino procures.

1. Puritatem eamquæ duplicem. Mentis scilicet & Corporis. Puritas mentis consistit in carentia omnis maculæ non solum letalis sed etiam levioris. Puritas corporis consistit in munditia exteriori, ut nihil in te immediatâ nocte præcesserit quod tange-

tangere panem mundum (nisi aliquid aliud excuset & urgeat) impediatur; nihil sit sordidum in facie aut in capite aut in manibus, imo nequē in vestibus; quod alienum à Convivio Cælestis Regis appareat.

Puritas mentis acquiritur 1. Confessione Sacramentali, si non quotidie saltem alternis diebus aut bis intra hebdomadam, more multorum piorum virorum. 2. Contritione intensiori si non occurrat quidpiam ab ultima Confessione, tunc de antea actæ vitæ delictis. 3. Humilitate profundiori expendendo abyssum tui nihili, quoad esse, posse, operari, tam naturæ quàm gratiæ. Similiter abyssum tuorum peccatorum quæ fecisti, facis, facies, fecisses, faceres, facturus esses, nisi te DEUS præservaret. Puritas corporis acquiritur observatione Civilitatis, seu urbanitatis morū.

2. Excita in te veram devotionem. Devotio consistit in actibus Religionis, submissionis reverentiæ, Gratiitudinis, Compunctionis, Amoris, Zeli, Gloriæ; & beneplaciti Divini, adorationis, oblationis, & alijs affectibus promptâ, & resolutâ voluntate elicitis.

Porro devotio hæc varijs modis excitari potest. 1mo. Vivâ fide apprehendendo non intermortuē nequē superficietenus, sed altiori & teneriori affectu, quia in hoc Sacrificio sub vilitatibus panis, & vini, ille verè ac realiter continetur qui pro reparanda salute tua est incarnatus, & natus, qui pro te laboravit, miracula patravit, oravit, prædicavit, dolores & mortem atrocissimam sustinuit ac modo regnans in Cælo te pro tuis factis judicaturus est.

2do. Consideratione mirabilium in hoc Sacramento absconditorum cujusmodi sunt 1. Transubstantiatio naturæ panis in naturam Corporis Christi, vincens omnes creatas actiones tam hominum quàm Angelorum. 2. Existentia accidentium sine subjecto quantitatis sine quantitate, qualitatis sine qualitate. 3. Existentia unius in innumeris locis, qui sumptus non consumitur. 4. Valor qui ex opere operato est infinitus. 5. Repræsentatio quæ Mortem, & Passionem Christi, quæ mediante, peccata multa sunt deleta, ima summis conciliata, denotat. 6. Sacrificium & Sacramentum, Sacrificium in quantum
imme-

immediatè & per se ordinatur ad cultum DEI, Sacramentum in quantum refertur ad nostram justificationem.

3^{to}. Attentâ meditatione circumstantiarum : Quis, ad quem, & ad quid venit. 1. Quis venit ? Christus Dominus. Ad quem ? ad mancipium suum. Ad quid ? ut illud à servitute peccati in libertatem deducat. 2. Quis venit ? Christus benignus. Ad quem ad debitorem suum. Ad quid ? Non ut omnia ejus abripiat, vendat, sed ut pretium ad solvendum tribuat. 3. Quis venit ? Christus amicus. Ad quem ? ad inimicum, ad quid ? Ut cum eo amicitiam ineat & augeat. 4. Quis venit ? Christus Magister. Ad quem ? ad suum discipulum. Ad quid ? ut eum doceat vias DEI. 5. Quis venit ? Christus Pater. Ad quem ? ad filium prodigum. Ad quid ? ut eum induat stolâ primâ gratiæ suæ. 6. Quis venit ? Christus Sponsus. Ad quem ? ad animam meam. Ad quid ? ut eam sibi desponsset in misericordia & miserationibus.

4^{to}. Hæc eadem devotio, excitari potest lectione piorum librorum cujusmodi sunt pleraquè capita, *Thoma de Kemp. lib. 4. maxime c. 7. 9. 17. Dir. August. Medit. c. 5. 6. 7. 8. 10. 13. 14. 15. 17.* Non oportet autem hos modos simul & semper omnes ad expendendum assumere, sed nunc hos nunc illos pro opportunitate libitu & affectu.

5^{to}. Fac actualem intentionem ad quàm celebrare, cui & quem fructum applicare velis. Ut autem ob imperitam inæstimabilis hujus thesauri dispensationem DEUM Gloriâ, Beatissimam & Sanctos honore in purgatorio detentos suffragio teipsum & alios homines multis Sacris proventibus non prives.

Scire debes imprimis, quia fructus Sacrosancti hujus Sacrificij juxta quadru-pliçem finem ejusdem, est quadruplex. Latreuticus, Eucharisticus, Propitiatorius, & Imperatorius. Latreuticus ille dicitur qui exercetur ob solius DEI cultum. Eucharisticus qui fit in gratiarum actionem. Propitiatorius insatisfactionem pro peccatis, vel pœnis eorum. Impetratorius in impetrationem hujus vel illius negotij tibi vel alijs.

Rur-

Rursum scire debes, quia hi fructus in tres partes seu portiones dividuntur. *1^{ma}*. Cedit omnibus fidelibus & vocatur Communissima. *2^{da}*. Illis pro quibus Sacrificium Missæ offert Sacerdos & vocatur Specialis. *3^{ta}*. Ipsi Sacerdoti & vocatur specialissima.

Insuper scire debes quia Sacerdos hos fructus (excepto Communissimo) potest dividere ita, ut uni vel pluribus applicet: Satisfactorium alteri; vel alijs impetratorium. Deinde alijs impetratorium & satisfactorium simul, siye specialem siye specialissimum personæ suæ debitum.

His ergo præcognitis ut tua Missa plurimis in cælo, in Purgatorio & in terra prosis, forma expansissimam intentionem, quibus personis quibus necessitatibus & quam portionem fructus communicare & applicare, intendas, Equidem assignatur expressè locus, quo ista facias in sacro Canone ante Consecrationem, (nam post Consecrationem non subsunt amplius fructus Sacrificii Sacerdotis applicationi juxta probabilem Theologorum sententiam) Quia vero tempus illud, propter fastidium Sacrum audientium, breve debet esse, ideo svadeo, ut (juxta consilium virorum Spiritualium) Intentiones has, seu Memento ante Missam facias, ad quas te postea in ipsa celebratione Mysterij referas. Modus formando intentiones dabitur infra.

6. Pete obnixissimè gratiam, ut Sacro Sanctum, hoc opus debite possis peragere, dicendo pro opportunitate quinque Psalmos cum annexis precibus, Orationem *S. Ambrosij S. Thoma*, Orationem ad Beatissimam Virginem inferius positam & alias quas habes pias preces.

Ut autem tanto purior etiam à reatu pænæ in conspectu DEI appareas dic & illam Orationem infra positam: Ego volo celebrare &c. pro Indulgentijs per illam lucrandis. Præmitte (si negotia patiantur) & indulgentias stationum & illas quas alijs temporibus frequentare soles.

Decet quoq; ut in hunc finem assumes aliquas voluntarias mortificationes, quales sunt Catenulæ ferreæ vel cilicii gestatio, disci-

plina jejuniū, vel aliqua abſtinentia ſaltem in cæna die antecedente Sacrificiū. Nihil enim ſic ebibit & extinguit ſpiritum devotionis ac ingluviēs ventris.

M O D U S,

Formandi Intentionem & Memento ante Miſſam.

INitio dum ad ſacrum præparare te incipis, concipe vivâ fide quid acturus ſis, quia nimirum conſecratione immutaturus es, ſubſtantias panis & vini, in ſubſtantiam corporis & ſanguinis Domini I E S U veri DEI & hominis: atq; adeo cogita tecum quia manibus tuis & ore tuo contrectaturus es illum ipſiſſimum I E S U M qui pro te fuit Incarnatus, Natus, Circumciſus, qui pro te laboravit, oravit, ſudavit, tormenta acerbiffima & mortem ſuſtinuit, Reſurrexit, cælum aſcendit, ac modo ibidem regnans te ſuo tempore iudicabit, & pro demeritis, pænas inferni, vel præmia cæli pro meritis dabit. His breuiter, ſed non confuſè neq; oſcitanter mente conceptis, elice actum cordialis, contritionis, & profundiffimæ humilitatis, tūm in ſequentes actus ore vel corde prorumpere.

O Trinitas beata, Pater, Fili, & Spiritus Sanctè ! O excellentiffime & dilectiffime DEUS, quàm admirabilis eſt dignatio bonitatis tuæ, in hoc Auguſtiſſimo Euchariſtiæ Sacramento ! quam proinde immenſa reuerentia, cultu, honore proſequenda ! Equidem digniffime Domine expenſa ſublimitate ſacri huius myſterij, non eſt ulla pura creatura in terris, quæ condignè Sacroſanctum hoc Sacrificiū & Sacramentum valeat conficere, quia tamen per homines opus hoc fieri voluiſti, & me miſerum peccatorem, abſq; ullo merito meo, ad miniſterium tantum elegiſti, vocaſti, elexiſti, ſatisfaciendo tuæ ſanctiſſimæ voluntati, & circa me ordinationi, ne per me indignum tua tibi pereat gloria.

Volo celebrare Miſſam, & conficere corpus, & ſanguinem Domini noſtri I E S U Chriſti, juxta ritum Sacræ Romanæ Eccleſiæ, in maiorem tuam gloriam, intendo tibi reddere omnem poſſibilem laudem & honorem, quem tibi omnes ſimul creaturæ unquam

unquam reddiderunt, & in æternum reddent In gratiarum actionem infinitarum diuitiarum, Sanctissimæ Humanitatis, eiusdem IESU Christi Filij tui. In commemorationem acerbissimæ Passionis, & mortis eiusdem Domini mei. In recompensationem omnium blasphemiarum, quibus ab infidis Hæreticis dishonoraris. Insuauitatem & oblectamentum omnium amaritudinum, quibus hodie vel alias unquam ob peccata hominum affectus es acerbissimè.

Volo celebrare, & in gratiarum actionem, omnium prærogatiuarum quibus Beatissimam Virginem Mariam decorasti, præcipuè, quia illam ab originali macula præseruasti, quia in Matrem elegisti, quia post partum inuiolatam seruasti, cum corpore & anima in cælum assumpsisti, aduocatam omnium peccatorum constituisti, & multis miraculis in toto mundo clarificasti.

Volo itidem celebrare, & in gratiarum actionem omnium donorum quibus universos cæli cives cumulasti, nominatim quæ meis Patronis Sancto, N &c. &c. nec non & Sancto N. cuius hodie solennem memoriam facimus, vel quorum meminit Martyrologium, tribuisti.

Volo præterea celebrare, & in gratiarum actionem omnium beneficiorum, quæ mihi indignissimæ, & vilissimæ creaturæ tuæ dedisti, speciatim quia me ex nihilo creasti, creatum hucusq; conseruasti, Sanguine Filij tui redimi uoluisti, ad fidem Catholicam, & hanc Religionem sacram vocasti, ad Sacerdotium exexisti, & alia innumera beneficia contulisti.

Quia uero sacrificium hoc non tantum est Latreuticum, & Eucharisticum, sed etiam Propitiatorium, & Impetratorium, propterea, volo. etiam offerre tibi hanc immaculatam hostiam in propitiationem pro (hic specificet cui uult applicare satisfactionis fructum, consultissimè autem faciet si applicauerit pro suis peccatis, vel pro animabus euasione ex purgatorio proximis, vel pro peccatis suorum amicorum, conditionatè si sunt capaces, quia existentes in mortali sunt incapaces istius fructus.) Et in Impetrationem primario pro (hic itidem referat necessitatem pro

quā vult applicare impetrationis fructum) pro qua ex obedientia, vel charitate celebrare debeo: Secundario pro meorum, meisque; necessitatibus propriis pro quibus orare soleo.

Memento igitur Clementissime Pater, per viscera infinitæ misericordiæ tuæ, per infinita dilectissimi Filij tui merita, & miserrere inprimis NN. pro quibus hoc Sacrificium facere volo.

Memento deinde, & miserrere Ecclesiæ tuæ sanctæ, & præcipuorum eius membrorum, Summi Pontificis, Patriarcharum, Cardinalium, Episcoporum, & omnium eorum, qui ad clericalem statum pertinent fac eos sal terræ, lucem mundi, ut eam sanctitatem arripiant quàm dignitas eorum requirit.

Miserrere & omnium in verbo tuo, sive inter gentes, sive inter Hæreticos, sive inter Catholicos laborantium: nec non & omnium curam animarum gerentium. Fac eos idoneos ministros testamenti tui, non literâ, sed spiritu, zeloque; gloriæ tuæ, & animarum inflammas.

Miserrere etiam omnium Sanctarum Religionum, maximè vero nostræ, & superiorum eius, P. Generalis, P. Provincialis, P. Prioris, P. N.N.N. & aliorum omnium Fratrum, præcipuè vero, qui curæ meæ subsunt. Tribue illis, ut tibi fideliter, & constanter serviant, ut secundum suam vocationem exactè vota servant.

Memento etiam Domine, & miserrere omnium Regum, & Principum Catholicorum, & eorum qui spectant ad statum sæcularem, præcipuè vero, Imperatoris Romani, & Regis Poloniæ, qui propagandæ gloriæ tuæ possunt prodesse. Da illis robur adversus hostes suos, & Pseudopolitiam, ut non blasphemetur nomen sanctum tuum.

Miserrere & omnium Hæreticorum, Turcarum, Schismaticorum, Calvinistarum, Lutheranorum, & aliorum omnium quibuscunque; appellantur nominibus. Lugeo, lugeo Domine coram te, tam multos homines alienos à te.

Miserrere & omnium in peccatis mortalibus iacentium, nec non & inimicorum meorum, quos intimè diligo. Doleo quod sic ab illis offendaris. Utinam te omnium cordibus amare possim.

Memor

Memento item Domine, & miserere Parentum, Fratrum, Sororum, Cognatorum, Consanguineorum, & quorumvis amicorum meorum. Utinam ad perfectam amicitiam tuam pervenire possint, & quæ saluti incolumitatiq; suæ serviunt obtinere.

Miserere insuper captivorum, ægrotorum, tentatorum, tribulorum agonizantium, & benefactorum meorum NN. & aliorum omnium qui se hoc mense, vel alias orationibus meis commendaverunt, vel commendati esse cupiunt. Miserere, miserere necessitatibus eorum largiendo, quod voluntati tuæ est placitum, & ipsis proficuum.

Deniq; miserere & animarum NN. defunctorum, & omnium aliorum in purgatorio detentorum, præcipuè verò eorum, qui nullum habent suffragium, qui propter me torquentur, qui hodie decesserunt, qui hic requiescunt, qui minimè habent ad persolvendum, & quorum liberatio ad maiorem tuam cedit gloriam. Horum inquam omnium miserere.

Miserere & mei Peccatoris indigni, & ingrati servi tui. Peccavi Domine super numerum arenæ maris, & non sum dignus intueri cælum, præ multitudine & turpitudine iniquitarum mearum. Concede ergo mihi verissimam contritionem, qua omnia peccata mea ex tuo amore detester. Concede mihi verissimam mortificationem iudicii & amoris proprii, da mortificationem voluntatis sensuum & Passionum, ut nihil amem nihil desiderem, nullâ re. oblecter, nisi te solo summo bono meo. Concede, ut contra difficultates in via spiritali, contra mundum, carnem, Diabolum, contra teporem cenodoxiam, pusillanimitatem, contra respectus humanos, & alia impedimenta constanter audeam. Libera me à tentationibus omnium hostium, tam visibilibus, quàm invisibilibus, præcipuè verò, à dolis eorum, qui veniunt sub specie boni, ne bonum inquirens à verò bono divellar. Concede mihi fidem rectam, spem firmam, charitatem ardentem, humilitatem veram, dilectionem non fictam, Obedientiam promptam, timorem tui, Castitatem mansuetudinem, Resignationem, & alias virtutes statui meo necessarias. Da mihi per infinitam

tam bonitatem tuam obsecro, & perseverentiæ donum, ut unquam per peccatum aliquod à te separer sed usq; ad mortem, & in æternum in tua gratia perseverem. Da mihi per sanctissimam vitam Filij tui precor, & vegetam corporis valetudinem, quàm ego, qualiscunq; & quam diuturna fuerit pro gloria tua totalissimè, & fidelissimè impendere desidero. Da mihi, per innocentissimam mortem eiusdem Filij tui, rogo, & bonam mortem, ut post bonam vitam in te moriar morte iustorum. Tolle à me nimium amorem huius vitæ, & nimium timorem mortis, ut lætus transitoria deseram. Aufer deniq; à me quicquid me in affectione perfectionis detinet, & potentissima adiumenta ad sanctæ vivendum, & feliciter moriendum attribue. Hæ sunt, DEUS meus intentiones, hæ necessitates meæ, quas ego Sacrificio hoc non solum mihi, sed & omnibus proximis impetrare cupio, idq; purissimè, & intensissimè non solum arido meo, sed omnium hominum & Angelorum affectu.

Quia verò hæc precatio, & postulatio mea est valde arida, & frigida, ideo offero divinæ Maiestati tuæ omnes devotas. & ignitas præparationes, intentiones, preces, affectus eviscerationes, quas hodie vel alias unquam omnes communicantes, omnes Celebrantes, omnes Sancti in calo tecum regnantes, & præcipuè Purissima Virgo MARIA fecerunt, facientq; deinceps, usq; in finem mundi, usq; in æternum, idq; in unione perfectissimarum præparationum, intentionum, & preces Christi Domini Salvatoris nostri, qui in ultima cæna incruentum hoc Sacrificium instituit, & in Cruce seipsum cruentam hostiam offerens, consummavit. Tu misericordissime Domine, dona quod placet, largire gratiam, & tuam sanctam benedictionem. Amen.

Hæ intentiones, & Petitiones possunt non immediate ante sacrum peragi, sed vel de nocte post meditationem, vel de mane, vel alio opportuno tempore. Et quanquam viro recollecto, & cum Deo unito parum temporis absument, tamen si non vacaverit, si confessiones, Concilio, & alia salutis alienæ negotia ingruant, tunc relictis his propositis Sanctis deliciis, accede cum meliori præparatione

ratione videlicet cum præda animarum, instar canis venatici cruentum adhuc os è præda habens & saltem sequentem Orationem (si libuerit) eadem brevius complectentem recita.

M O D U S

Brevissima formandi Intentionem ante Sacrum.

O Beata Trinitas Pater Fili & Spiritus Sancte accedo ad Celebrandum sacrificium corporis & Sanguinis Christi. In gloriam nominis tui sempiternam, in recompensationem & oblectamentum omnium blasphemiarum & injuriarum tuarum. In commemorationem acerbissimæ Passionis & mortis Domini mei JESU Christi. In gratiarum actionem infinitarum divitiarum Sanctissimæ Humanitatis ejusdem Filii tui & Redemptoris mei ac singulorum donorum quibus affecisti Purissimam Virginem MARIAM omnes Angelos & omnes Sanctos & præcipue Sanctum N. cujus hodie solennem memoriam facimus. Item gratias actionem omnium beneficiorum quibus in hoc sæculo omnes prædestinatos, magnificas, & me etiam indignissimum & vilissimum & peccatorem afficis. Hoc sacrificium specialiter tibi offero (pro hac persona viva vel defuncta aut pro hac vel pro illa necessitate negotio &c.) pro quo celebrare teneor. Secundario offerro pro necessitatibus Ecclesiæ, Regnorum Catholicorum, omnium amicorum & inimicorum meorum omnium benefactorum vivorum defunctorum. Item offero pro remissione omnium peccatorum, pro quibus vehementer doleo; pro mortificatione passionum N. N. N. pro victoria tentationis N. pro adeptione virtutum Charitatis Humilitatis, Patientiæ &c. Tuâ gratiâ piissime Domine me prævenire dignetur, ut sacrosanctum hoc sacrificium digne peragere possim, ut non cedat mihi in iudicium & condemnationem sed in salutem & gloriam æternam. Amen.

Oratio ad Beatam Virginem.

O Mater pietatis & misericordiæ Beatissima Virgo MARIA ego miser & indignus peccator ad te confugio, toto corde & affectu, & precor tuam pietatem ut sicut dilectissimo Filio tuo in cruce
pen-

pendenti assististi, & simul cum illo sacrificium immaculatum corporis & sanguinis ejus in mundi redemptionem Deo Patri obtulisti ita & nobis omnibus hic & in tota Ecclesia huic sacrificio hodie presentibus clementer assistere digneris, ut tuis adjuti precibus dignam & acceptabilem hostiam summæ Trinitati offerre & divinos ejus fructus percipere valeamus. Amen.

PRECATIO ANTE MISSAM.

GREGORIUS XIII. Concesit 50. Ann. Indulgentiam dicenti hanc Orationem.

EGo volo celebrare Missam & conficere Corpus & Sanguinem Domini nostri JESU Christi juxta ritum Sanctæ Romanæ Ecclesiæ ad laudem Omnipotentis DEI, totiusquæ Curie Triumphantis: ad utilitatem quoquæ meam totiusquæ curiæ militantis, pro omnibus qui se commendaverunt orationibus meis, in genere & in specie & pro felici statu Sanctæ Romanæ Ecclesiæ Amen, Gaudium cum pace emendationem vitæ, spatium veræ Penitentiae, gratiam & consolationem Spiritus Sancti perseverantiam in bonis operibus tribuat nobis Omnipotens & Misericors Dominus. Amen.

Atq; hæc sunt quæ Sacerdos quasi remotè ante Missam debet facere.

IN SACRISTIA.

Immediate ante Missam servanda.

Præmissâ ergo sic longius vel brevius secundum opportunitatem præparatione accede vultu totoquæ corpore ad modestam composito ad Sacristiam ibiquæ instructo silentio præscripta in Rubricis Missalis perage.

1. Accipe Missale perquire Missam perlege & signacula ordinata ad ea quæ dæcturus es.

2. Lava manus; inter lavandum recogita breviter indignitatem manuum tuarum, quæ forte saltem venialium peccatorum instrumenta fuere, nunc ad Sacratissimi corporis contactum applicantur.

3. Calicem præpara. Calices aliqui eligunt libenter antiquiores tanquam eo respectu digniores quod in ipsis frequentius Christi Sanguis fuerit.

4. Hostiam accipe & à pendulis fragmentis exerge. Si longius gratiarum actioni post Missam daturus es, eligere potes, piâ Deoque grata adinventionem, hostiam crassiorem ut ea diutius in ventriculo maneat, & tu ex opere operato ampliori gratiæ accessu facunderis.

5. Indue vestes Sacras. Inter induendum assumere potes cogitationem quomodo Christus ab Herode albâ indutus veste & illusus fuerit. Vel certè obsecra desuper indui virtutibus & donis quæ illis orationibus continentur, quas tunc ex præscripto Ecclesiæ dicis: si dictæ vestes pretiosæ & nitidæ sint refer ad honorem Sacrificij: sin è materia vulgariore in memoriam paupertatis Christi.

6. Ad ministrum indifferens esto quicumque obtigerit. Si persona Religiosa libenter habe & ad dignitatem sacrificij refer; si puer, etiam in vili vestitu, non contemne eum cujus Angelus videt faciem Patris qui in cælis est. Potest quoq; nonnunquam ea assumi cogitatio, quod fortasse minister ipso sacrificante sit dignior & acceptior DEO.

In ipsa Missa facienda.

Ut autem ante Missam sic in ipso decursu Missæ, quatuor hæc diligenter observa. Reverentiam, Caremonias, Attentionem, & Devotionem.

Reverentia consistit in venerabunda mentis & corporis constitutione. Acquiritur, vivâ fide DEVM præsentem Beatissimam Virginem. Sanctos Angelos altare circumstantes (prout scribit S. Greg. 4. Dial. c. 8.) apprehendendo intuendo coramq; eis celebrando.

Caremoniæ consistunt in diligenti Rubricarum observatione, ut cruces inclinationes genuflexiones pectoris tunctiones oculorum elevationes, manuum junctiones & extensiones pro decenti dignitate, modestia, ritu, ordinè ædificatione, absq; indecora festinatione præcipitatione, lentitudine, mutilatione vel omissione

fiant prout decet perfici instituta S. Ecclesiae quae DEI Spiritu regitur. Ad caeremonias has perdiscendas expedit saepius relegere (praesertim incipientibus) Rubricas Missalis.

Attentio consistit in pleno & reflexo iudicio intellectus ad sensum verborum & caeremoniarum quae in Missa adhibentur. Conservatur. 1mo. Custodia sensuum praesertim visus. 2do. Sedula exclusione omnium impertinentium phantasmatum negotiorum cogitationum, quae infra Sacram actionem incidunt.

Devotio consistit in piis voluntatis affectibus exprimendo in se & eliciendo varios actus secundum quod verba & caeremoniae praefecerunt. Ad imbibendos hos affectus devotionemque continuandam conducit multum. 1mo. Legere explicationem Missae & caeremoniarum ejus ab aliquo pio auctore factam. 2do. conducit exercere se diligentius in proximè sequentibus affectibus ipsosque sensim non coacte sed liberè secundum unctionem Spiritus frequentare donec longo usu habitus quidam Sanctus acquiratur, quod certè non debet ex acedia vel alia levi de causa omitti, cum huiusmodi actibus DEVS valde glorificetur, Sancti delectentur, & anima celebrantis multis meritis ditetur.

MODVS

Exercendi varios affectus in Missa propter continuandam devotionem.

Decenter in Sacristia indutus vade ad Altare.

Cum vadis ad Altare: Vade cum summa non tamen extorta aut affectata compositione, memor te Christi Domini principalis offerentis vices agere.

Cum ad Altare perveneris dispositis concinnè, corporali calice & Missali consiste paulisper in medio, strictim tibi praesentiam DEI & Sanctorum operi tuo futuro intencorum revocans; Tum retrocede ad gradus deprimens Spiritum tuum tanquam indignus ut celebres: vel certe revolve mente quam promptè Filius DEI descenderit de caelis ad Incarnationem.

Inchoans Missam Signa te In nomine Patris &c. renovando intencionem te purè ad gloriam Sanctissimae Trinitatis velle agere id quod ages.

Intro-

Introibo dicens Cogita quod res tibi non cum homine futura sit nec ad vulgarem aliquam mensam consistendum.

Confiteor dicens accusa te coram tota curia celesti dicens intus secretam contritionem mea maxima culpa. Istud superlativum refer ad statum Religiosum & Sacerdotalem multum quippe aggravant conditionem peccatorum admissorum.

Osculans Altare Dirige semper affectum vel ad cultum sacrarum Reliquiarum vel ad lapidem consecratum, vel ad linteamina benedicta; quæ non minus habent appretiabilitatis quam illa quibus Christus infans obvolvebatur in præsepio.

Kyrieleyson ter cum ministro repetens pete misericordiam tibi, adstantibus & defunctis pro peccatis cordis, oris, & operis.

Gloria in excelsis dicens excita affectus adorationis, laudis, gaudij, amoris, & alios juxta sensum verborum.

Dominus vebiscum vel dic tanquam nuntius (præsertim ante Consecrationem) annuntians astantibus quia brevi cum ipsis erit Christus Dominus secundum suam præsentiam in Eucharistia. Vel precare (præsertim post Consecrationem) ut Dominus sit cum omnibus per gratiam Sanctificantem, per peculiarem assistentiam & suo tempore per fruitionem beatificam.

Collectas recitans Pete cum magna fide, & spe, quod verba sonant. Dulcescat autem tibi & filialem fiduciam excitet illa frequens repetitio Per Dominum Nostrium JESVM &c. potens enim est, apud DEVM memoria unigeniti, & obtestatio Patris per ipsum. ubi etiam illud Qui tecum vivit & regnat profer gaudendo de vita unigeniti Patris & regno ejus Deniq; cum tibi vacaverit & non fuerit contra rubrum non graveris etiam septem collectas ponere, inò gaude de tanta licentia. Si Aulicis præfaturas apud Regem petentibus diceretur: Petite amplius; libenter haberent non uterentur Syncopis, ita filij tenebrarum Sapientiores sunt filijs lucis.

Epistolam legendo desidera Divinam voluntatem in illa expressam exequi, manumquæ uti libro applicas, sic operi hilariter applicare, sive in adversis sive in prosperis quod graduale Tractus & Alleluja denotant.

Evangelium legens teque signans opta Doctrinam Christi cordi, & operi tuo per veram imitationem signanter inscribi.

In fine Evangelii osculans librum: Osculare vel illud spatium ubi est Sanctissimum Nomen JESV vel ubi Crucem fecisti idque ex tenero affectu tui dilectissimi Redemptoris, & Crucis

Credo in unum DEVM recitans, imprimis conjunctionem IN. refer cum tendentia amorosa tanquam in finem ultimum. Alia verò dic tanquam Professionem Fidei quam à te Ecclesia exigit, antequam ad tractandum corpus Christi accedas. Dic præterea tanquam daturus vitam & sanguinem pro singulis articulis qui in eo continentur.

In oblatione Panis & vini: Offer cor tuum imò & omnium circumstantium ut de terrenis fiant cælestia vel certè tanquam novæ legis Sacerdos occurre irato DEO cum oblationibus Panis & vini pro consecratione ad ipsum placandum deputatis.

Aquam vino miscens Desidera juxta Orationem quam dicis totus Christo immergi & commisceri.

Lavans digitos concipe desiderium utriusq; puritatis attendens ad verba psalmi, ut debitè corpus Christi tangere possis.

Cum abstergis digitos Poteris faciem & oculos tuos versus materias consecrandas convertere quasi custos illarum, conversionem in Corpus Christi animo volvens & ad eam gestiens.

Suscipe Sancta Trinitas dic expansa charitate dirigendo intentionem ad finem Sacrificii ad Sanctissimam Trinitatem ab eaq; fructus ibi enumeratos petendo.

Orate Fratres dicens elice affectum humilitatis diffidentiae & indignitatis propriae pro quâ suppienda adstantium Orationes implora.

Secreta dic tanquam Secretarius Altissimi affectu & supra collectas poteris te non nihil reflectere ad secretum mentis tuæ & ingemiscere quod adeo parum recollectus ores.

Præfationem lege intenso affectu deprædicando DEUM & Christum, illico tibi affuturum præsentem, quod sic dignetur sese per te & in te glorificare.

Sanctus profer tanquam triumphale trifagium concinens choris, & exercitibus Angelorum.

Te igitur: Quod expansis manibus ad crucifixi imitationem oras, ora humiliter obsecrans DEUM Patrem ut sacrificium hoc quod ratione rei oblatae & primarij offerentis infinite gratum est, etiam ratione tui indigni & secundario offerentis omnibus pro quibus offertur proveniat.

In memnto pro vivis Repraesenta breviter sed affectuose ea negotia vel personas pro quibus vis offerre referens te ad Intentiones & Memento ante Sacrum factum. Nonnulli propter majorem devotionem totam Vitam & Passionem Christi cum actibus & virtutibus suis in memento disponunt, & Patri aeterno offerunt, pro omnibus pro quibus orare volunt tali ratione.

1. Cor offerunt pro quibus primario obligantur. 2. Caput pro Papa & Ordine Ecclesiastico. 3to. Praedicationes & figationes pro laborantibus in verbo DEI 4to. Paupertatem, castitatem, obedientiam, & alias virtutes pro statu Religioso. 5to. Brachia cum vulneribus manuum pro statu saeculari. 6to. Pedes cum vulneribus pro infirmis, afflictis, incarceratis, &c. 7mo. Lachrimas, sudorem, obtrectiones, & Charitatem pro Con sanguineis, amicis, & inimicis. 8vo. Orationes, vigiliis, jejunia sputa, tedia, pro necessitatibus propriis. 9mo. Descensum in Lymbum, pro existentibus in Purgatorio. Alios actus, aliis personis, & necessitatibus. Commemorat haec dispositio, quae & quanta, Christus Dominus perpeffus sit pro nobis, magnamq; proinde fiduciam excitat fore, ut pro quibus tanta pertulit, & se in Cruce obrulit, iisdem & modo fructum Passionis suae, quam Missa haec repraesentat, non denegabit, sed misericordissime & liberalissime applicabit. Caeterum dispositio haec potest fieri longius ante Sacrum, ne si nimium protrahatur adstantibus fastidium procreet.

Communicantes dicens: gaude de maternitate Deiparae, & nominando Sanctos secrete exulta quod Deus tot habeat amicos.

Hanc igitur oblationem dicens: Superextende manus ad indi-

candam potestatem tuam, quàm habes in Corpus Christi & ora ut hanc oblationem Divinæ suæ Majestati quàm maximè acceptabilem esse velit.

Cruces formando : Memor esto innumerarum afflictionum quas hostia hæc sancta cruentè immolanda tolleravit vel cogita & humilia te quanta sit excellentia manuum tuarum quæ ipsum DEUM signant.

Qui pridie quàm pateretur dicens : Renoca Intentionem (si placet) consecrandi quod in manibus habes & spectas juxta quod Christus fecit, & faciendum præscripsit.

In Consecratione : Hic imprimis fac in fieri aliquos actus, sed perceleres E. G. Quia vis consecrare ex motivis possibilibus DEUM honorandi, vel cogita quia instrumentaliter producturus sis hic Christum. Deinde profer sacra verba integrè, non scrupulosè, ne quid ridiculum contra cælestem positam delinquas, nescio quibusnam halitibus & halituum modificationibus syllabas exprimendo. Potes si placuerit singula verba cum actuali & medullari, amore, proferre ut ita amoris hostiam Divinus amor consecret, illeq; os tuum aperiat.

Post Consecrationem : Adora Sanctissimum Sacramentum, substernendo te tuaq; omnia profundissimè, immo totum mundum Divinæ voluntati. Vel desiderà adoratione hac recompensare omnes dishonorationes, & despectus DEO tuo, simulq; reddere omnem honorem quem illi unquàm exhibuerunt omnes creaturæ & exhibebunt in æternum. Quod idem in omnibus alijs coram Sanctissimo Sacramento adorationibus, & genuflexionibus facies.

In Elevatione, Sacræ Hostiæ : Potes cogitare quasi toti mundo Christum ostendas, & à toto velit adorari, benedictionemq; omnibus impertiri. Vel cum supra te elevas, deprimè te profundissimè, ut tanquàm in humilem convallem fructus Sancti hujus Sacrificij in te desuuant. Vel elice aliquod actus intensæ Fidei, Spei, Charitatis, Adorationis jubilando mente. Tu Solus Sanctus. Tu es Christus Filius DEI vivi. Tu Solus DEUS. Tu Solus Altissimus &c.

In Ele-

In Elevatione Sacri Calicis Recogita summam Christi Charitatem qui in Passione sua quidquid sanguinis habuit, totum pro nobis à corpore separando effudit.

Unde & Memores dicens: extende manus quasi admirando stupendâ DEI in Passione Resurrectione & ascensione dignationem.

Supra quæ propitio Cogita sacrificium hoc præstantius esse Abelis, Abrahæ, Melchisedech Sacrificio & desidera saltem tanto illud affectu offerre DEO quanto illi sua ignobiliora obtulerunt.

Osculare Altare: Ex affectu ad Communionem, & cum non audeas tunc osculari ipsas species osculare & continge saltem fimbriam dilectissimi Redemptoris tui.

In Memento pro Defunctis: Specialiter memineris animarum NN. quibus fructum satisfactorium intendis applicare, secundo Parentum, benefactorum, adversariorum tuorum & aliorum qui minimè juvantur à viatoribus.

Nobis quoque peccatoribus dicendo ardentè pete tibi salutem Ibidem gaude de illis Sanctis, qui, vel quæ illis nominantur.

Omnis honor dicens attribue demississimè DEO quidquid est in te bonorum, propterea totalissimè glorificando.

Pater noster recita tanquàm Orationem ab ipsa sapientia æterna compositam quibusvis alijs orandi formulis præstantiorem.

Hodie cum dicis; extende illud ex contemptu terrenorum, ad totam vitam, quæ tota hodiè est, cujus mox aderit vesper.

Debitoribus nostris cum dicis; elice actum dilectionis ut sensim combibas amorem inimicorum, ore unigeniti Filii DEI maximopere commendatum.

Osculare patenam; Non quia aures sed quia cruce Domini auro pretiosiori insignita.

In Fractione Hostiæ, cujus partem calici immittis pete intimam cum Christo unionem & cura ne aliqua mica extra calicem exalat.

Pax Domini dicens opta omnibus pacem quæ finem non habet ullum.

Agnus DEI ter repetendo elice actum intensissimæ Contritionis

onis rogando Agnum mansuetissimum JESVM ut tibi condonet peccata cordis, oris & operis.

Orationes tres secreto dicens : Dirige jam sermonem tuum , ad ipsam hostiam & Agnum DEI pretium tuum rogans eum pro S. Matre Ecclesia (juxta sensum verborum) & te ipso ut ejus meritorum vi nunquam in mortale labaris , quod in Sacerdote monstruosissimum est, roga verò ea applicatione , quâ orares si Christum Dominum sensibili spectares intuitu :

Panem cælestem accipiam, Expende. 1mo. Qualem panem 2do. Quo jure. 3tio. Quo affectu 4to. Quâ audacia. 5to. Ad quid. Nec enim est, bonum sumere panem filiorum & mittere canibus. Quid enim es tu ?

Domine non sum dignus. 1um. Applica tibi quâ es Christianus. 2dum. Quâ Religiosus 3tium. Quâ Sacerdos. Vel non sum dignus. 1mo. Spectando statum vitæ præteritæ. 2do. Præsentis 3tio. Futuræ non enim scis qualis cras sis futurus.

Ut intres sub tectum: Cogitare potes tectum, tui seu operculum tuum esse amorem proprium, qui contegit in te abiissum turpitudinis peccatorum, inconstantia, ingratitude, respectuositatis, stultitiæ, insensibilitatis innumeraquæ alia mala quæ in te Daus videt.

Sed tantum dic verbo Elice affectum fiduciæ erga misericordissimum Patrem.

In Communione Sacra cum corpus Christi tenes manu, tene tanquam contentum continens. Cum in os recipis, recipe tanquam cibum animæ vel manna cæleste. Cum lingua tangis refer tactum illum ad sanationem defectuum linguæ. Cum in ventriculum demittis, demitte tanquam glutinum vel bolum amoris, qui te per veram & Physicam manducationem unit DEO. His considerationibus, (aut quod potius suaserim ipsarum aliquas , propter nimiam actionem vitandas) imbutus detine mentem in Christi manducatione. Vel elice actus internæ Adorationis, gratitudinis, humilitatis, resignationis &c. Poteris ad instar munusculi Dominis suis in recenti adventu à subditis suis offerri soliti facere aliquod propositum vel votum non periculosum suo tempo-

tempore explendum. Tum depone manus ad altare ut vult Rubrica quasi admirans tantam dignationem & dic. :

Quid retribuam cogitans quia secum omnia sua tibi DEUS dedit, pro quo dono cum nihil condignum reperias quod reddas,

Calicem Sanctum sume pio amoris modo eum bibendo, quasi pro vita DEI, gaudendo de illa & volendo illam ipsi. Vel bibe tanquam vinum dulcedinis quod in anima tua extinguat omnes amaritudines peccati teque inflammet ad amandum DEUM & omne bonum.

Corporale & alia vela componens tracta illa atque tractares panniculos Christi infantis, vel Syndonem sepulti, orans interim mente Dominum JESUM ut sua carne, sanguine, spiritu divinitateque te totum penetret absorbeat & in se converat.

Post Communionem dic exultans quasi post convivium lautum.

Orationes dic confidenter recepto jam unigenito Patris affectu ut supra collectas.

Benedicens populo Precare ex animo ut presentis sacrificij fructu & omnium caelestium gratiarum benedictionibus repleantur fideles.

Evangelium S. Joannis seu aliud occurrens recitando desidera ut verbum aeternum in te habitans ab omnibus agnoscatur recipiatur & ametur.

Recedens ab Altari; Canticum trium puerorum punctuose recita cum actuali amore excitando omnes, etiam possibiles, creaturas ad glorificandum DEUM per se & in se super omnia in aeternum & ultra laudabilem.

Rediens ad Sacristiam. Confunde te ex defectuose Sacrificio peracto exspolians te properanter tractim sacris vestibus quasi indignus iisdem & ut ulterius sacrifices.

Post Missam observanda.

Refert Proclus Patriarcha Constantinopolitanus *Libr. de Liturg.* quod primis Apostolorum temporibus fusissime, & lon-

T

ga ora-

gâ oratione Missa celebraretur, quæ sancta prolixitas, quia frigidis his nostris temporibus ad semihoram contracta est, ideo â Sacerdote post Sacrificium longiori, & ferventiori tanti cibi tam festinanter accepti ruminatione supplenda, id ut cum maiori sensu & fructu fiat, quatuor itidem Post Missam (nisi aliquid grave & urgentis instet) inviolabiliter observa.

1. Gratias age omnium creaturarum affectu Christo præsentî cum Patre & Spiritu Sancto, pro tam amicabile visitatione.

2. Offer teipsum tuâq; omnia, præsertim ea, quæ eo die dicturus, aut passurus es, in laudem & gloriam divinæ Maiestatis ut DEUS & Christus in te clarificetur secundum eius beneplacitum.

3. Expone iterum Christo cum omni humilitate, & resignatione tuas, & aliorum pro quibus orasti necessitates. Punctum hoc non læviter transeas sciens (iuxta principia bonæ Theologiæ ubi docetur quia quidquid homo virtuosi operis supernaturalis egerit, durantibus adhuc intra ventriculum speciebus recipere gratiam ex opere operantis, & ex opere operato) eo te citius, & plus impetraturum quo præsentior adest DEUS, & eo te fore gratiorem, quo plura patieris, tempus enim, hoc est tempus beneplaciti Dei. Modus seu praxis horum omnium mox proponetur.

4. Renova sæpius per diem tantam Dei erga te dignationem, teq; modeste ac circumspectè gere, ut vel aspicientibus constet te in Christum Iesum, quem Sacramentaliter suscepisti. transformatum.

MODVS

Gratias agendi, & alios Affectus protrahendi post Missam.

Postquam vestes sacras deposueris ablutis manibus, confer te, & flecte tanisper in loco aliquo quieto, convoca coram Christo IESU in corde tuo. veluti in throno aliquo sedente, omnes animæ tuæ facultates, atq; ad pedes eius cum Maria Magdalena prostratus deprome ore vel corde sequentes affectus.

O Ama-

O Amabilissime IESU, Deus cordis mei, unde mihi hoc; ut tu venias ad me, quis enim sum ego, & quis tu? Tu Creator, ego creatura. Tu Dominus, ego servus. Tu DEUS, ego finis. Tu omne bonum, ego omne malum. Tu gratuitus Benefactor, ego ingratus humuncio. Tu liberalis Pater, ego prodigus filius. Tu omnis pulchritudo, ego omnis turpitudine. Tu infinita sanctitas, & gloria, ego infinita fœditas, & miseria. O milles dilectis, sine IESU, unde mihi vilissimo terræ vermiculo tanta dignatio, tanta charitatis dilectio ut me tam benignè respicere, tam amanter visitare, tam misericorditer pretioso corpore tuo reficere dignatus sis! Exi à me Domine, quia homo peccator sum. O gratuita & immensa misericordia! o infinita & incomprehensa charitas! laudet, atq; magnificet tua te bonitas, quâ ingratum sic dilexisti. Ego quantum est in me adoro, glorifico, & gratias ago tibi ex toto corde meo, ex omnibus viribus meis, & ex tota mente mea, quia me vilissimum peccatorem vocare dignatus es, ad splendidum vivificumq; sacræ mensæ tuæ convivium, Heu mihi, quàm nimis indignè peregi hoc Sanctissimum Sacrificium! Ignosce o DEUS meus, ego quod egi commendo divino cordi tuo emendandum, & corrigendum. Suscipe o Beata Trinitas hæc Sacrosancta Corporis Christi IESU mysteria ad sempiternam gloriam omnipotentiae, Misericordiae, Iustitiae, Bonitatis, Longanimitatis, Charitatis, cæterorumq; attributorum tuorum. Suscipe in gratiarum actionem infinitarum divitiarum sanctissimæ Humanitatis in commemorationem acerbissimæ Passionis & mortis eiusdem Redemptoris mei. In recompensationem omnium blasphemiarum quibus ab infidelibus Hæreticis, in hoc Augusto Sacramento dishonoraris. In dulcedinem & oblectamentum omnium amaritudinum, quibus hodie, vel alias unquam ob peccata totius mundi affectus es, vel affligeris acerbissimè. Suscipe in gratiarum actionem omnium prærogatarum quibus Beatissimam Virginem Mariam decorasti, præcipuè quia illam ab originali peccato præservasti, quia in Matrem elegisti, post partum inviolatam servasti, cum corpore & anima in cælum assumpsisti, Advocatam peccatorum-

torum constituisti, & plurimis miraculis per totam militan-
tem Ecclesiam clarificasti. Suscipe itidem, & in gratiarum actionem
omnium donorum, quibus universos eali cives cumulaſti, no-
minatim quæ meis Patronis, Sancto N. N. nec non & Sancto N.
cuius hodie solennem memoriam agimus, vel quorum meminit
Martyrnlogium tribuisti. Suscipe præterea & in gratiarum actio-
nem omnium beneficiorum, quæ mihi indignissimæ, & vilissi-
mæ creaturæ tuæ dedisti, specialiter quia me ex nihilo creasti, cre-
atum hucusq; conservaſti, sanguine pretioso redemiſti, ad fidem
Catholicam, & hanc Religionem sacram vocaſti, ad sacerdotium
evexiſti, & innumera alia beneficia contuliſti.

Quia verò Sacrificium hoc non tantum est Latreuticum, &
Eucharisticum. sed etiam propiatorium, & Impetratorium pro-
pterea suscipe etiam hanc immaculatam hostiam in propitiatio-
nem pro (nomina, pro quo fructum satisfactorium applicaſti)
& in impetrationem pro (nomina itidem necessitatem pro qua
specialiter celebraſti.)

Miserere deinde & Ecclesiæ tuæ sanctæ, & præcipuorum eius
membrorum: Papæ, Patriarcharum, Cardinalium, Episcoporum,
& omnium eorum qui ad Clericalem statum pertinent. Fac eos
sal terræ, lucem mundi, ut eam sanctitatem arripiant, quam di-
gnitas illorum requirit.

Miserere & omnium in verbo tuo, sive inter gentes, sive in-
ter Hæreticos, sive inter Catholicos laborantium: nec non & o-
mnium curam animarum gerentium. Fac eos idoneos ministros
testamenti tui non literâ, sed spiritu, zeloq; gloriæ tuæ, & anima-
rum inflamma.

Miserere etiam & omnium Sanctarum Religionum maxime
verò nostræ & Superiorum eius, P. Generalis, P. Provincialis, P.
Prioris, P. N. N. & aliorum omnium Ordinis nostri Fratrum.
Tribue illis, ut tibi fideliter & constanter serviant, & iuxta suam
vocationem vota Religionis exactè observent

Miserere & omnium Principum, & Regum Catholicorum, &
eorum qui spectant ad statum sæcularem, præcipue verò Impera-
toris.

toris Romani, & Regis Poloniae, qui propagandæ gloriæ tuæ pos-
sunt prodesse. Da illis robur adversus hostes suos, & pseudopo-
litiam, ut non blasphemetur nomen sanctum tuum.

Miserere & omnium Hæreticorum, Turcarum, Schismatico-
rum, Calvinistarum, Luteranorum, & aliorum omnium, quibus-
cunq; appellantur nominibus. Lugeo, lugeo Domine coram te,
tam multos homines alienos à te.

Miserere & omnium in peccatis mortalibus iacentium, nec
non & inimicorum meorum, quos intimè diligo. Doleo quod
sic ab illis offendaris. Utinam te omnium cordibus amare possè?

Miserere & Parentum, Fratrum, Sororum, Cognatorum, Con-
sanguineorum, & quorumvis amicorum meorum. Utinam ad
perfectam amicitiam tuam pervenire possint, & quæ salutis & in-
columitati suæ deserviunt obtinere.

Miserere insuper Captivorum ægrotorum, tentatorum, tribula-
torum, agonizantium & benefactorum meorum NN. & aliorum
omnium qui se hoc mense, vel alias orationibus meis commen-
daverunt, vel commendati esse cupiunt. Miserere, miserere ne-
cessitatibus eorum largiendo, quod voluntati tuæ est placitum, &
ipsis proficuum.

Deniq; miserere & animarum NN. defunctorum, & aliorum
omnium in purgatorio detentorum, & præcipuè eorum qui nul-
lum habent suffragium, qui propter me torquentur, qui hodie
decesserunt, qui hic requiescunt, qui minimè habent ad persol-
vendum & quorum liberatio ad majorem tuam cedit gloriam,
horum inquam omnium miserere.

Ad extremum Miserere & mei peccatoris ingrati & indigni
servi tui. Peccavi Domine super numerum arenæ maris & non
sum dignus intueri cælum præ multitudinem & turpitudinem iniqui-
tatum mearum. Concede ergo mihi verissimam Contritionem
quâ omnia peccata mea ex tuo amore detester.

Concede mihi verissimam mortificationem judicii & amoris
proprij. Da mortificationem voluntatis, sensuum & Passionum
ut nihil amem nihil desiderem nulla re oblecter nisi te solo, sum-
mo bono meo.

Concede ut contra difficultates in via spirituali, contra mundum carnem diabolum contra teporem cenodoxiam pusillanimitatem, contra humanos respectus & alia impedimenta constanter audeam. Libera me à tentationibus & dolis omnium hostium tam visibilium quàm invisibilium præcipuè verò ab his qui veniunt sub specie boni ne bonum inquirens à vero bono divellar.

Concede mihi fidem rectam, spem firmam, charitatem ardentem, humilitatem veram dilectionem non fictam, obedientiam promptam, timorem tui, castitatem, mansuetudinem, Resignationem, & alias virtutes statui meo necessarias.

Da mihi per infinitam bonitatem tuam, obsecro & perseverantiæ donum ut nunquàm per peccatum aliquod à te separer sed usquè ad mortem & in æternum in tua gratia perseverem.

Da mihi per Sanctissimam vitam Christi JESU precor & bonam corporis valetudinem quàm ego qualiscunq; & quantacunq; fuerit pro gloria tua totalissimè & fidelissimè impendere volo.

Da mihi per innocentissimam mortem ejusdem Domini mei, rogo & bonam mortem ut post bonam vitam in te moriar morte justorum. Tolle à me nimium amorem hujus vitæ & nimium timorem mortis ut lætus transitoria deferam.

Aufer deniq; à me quidquid me in assécutione perfectionis detinet atq; potissima adjumenta ad Sanctè vivendum & feliciter moriendum attribue.

Hæ sunt DEUS meus intentiones hæ necessitates meæ quas ego Sacrificio hoc non solum mihi sed & omnibus proximis impetrare cupio, idq; purissimè, & intensissimè, non solum arido meo, sed omnium hominum & Angelorum affectu.

Quia verò hæ præcatio & postulatio mea est, valde frigida, & arida ideo offero Divinæ Majestati tuæ omnes devotas & ignitas intentiones, Sacrificia, preces affectus, exviscerationes, quas hodie vel alias unquàm omnes Communicantes omnes Celebrantes omnes Sancti tecum in cælo regnantes & præcipuè Purissima Virgo MARIA fecerunt facientq; deinceps usquè in finem mundi, &

di, & in æternum, idque in unione perfectissimarum intentionum Sacrificiorum precationum Christi Domini Salvatoris nostri qui in ultima cæna incruentum hoc sacrificium instituit & in cruce seipsum cruentam hostiam offerens consumavit.

Tu misericordissime & liberalissime Domine dona quod placet largire gratiam & tuam Sanctam benedictionem. Amen.

Hi iidem affectus possunt dici ore vel mente. Quod si confessiones ingruant aut alia obedientiæ exercitia tunc saltem sequens oratio, eadem breviter complectens, dicatur.

Oratio post Missam

A Doro te & gratias tibi ago benignissime Domine JESU qui me vilissimum peccatorem admittere dignatus es ad splendidum vivificumque sacræ tuæ mensæ Convivium. Heu mihi quàm nimis indignè complevi hoc Sanctissimum sacrificium, miserere mei, ignosce mihi. Ego quod egi commendo Divino cordi tuo emendandum & corrigendum.

Suscipe quæso hæc Sacro-sancta corporis tui mysteria quæ tibi offero ad gloriam nominis tui sempiternam ad honorem Purissimæ Genitricis tuæ Virginis Mariæ ad honorem omnium Sanctorum tuorum, omniumq; beatorum Angelorum, ad salutem meam ad salutem N. ad salutem omnium fidelium vivorum, & defunctorum.

Suscipe hoc præcellentissimum Sacramentum in plenam satisfactionem pro peccatis meis, & pro peccatis totius mundi. Per illud instaure omnes meas ruinas spirituales & supple omnem meam inopiam. Per illud conforma spiritum, animam, & corpus meum, Spiritui animæ & corpori Sacræ Humanitatis tuæ. Per illud largire ut in te stabilior te perfectè & perseveranter diligam intimè tibi uniar ac totus in te transmuter.

Converte Domine miseros peccatores revoca Hæreticos atq; Schismaticos illumina infideles te ignorantes, adesto omnibus qui in necessitate & tribulatione aliqua, constituti sunt. Adesto his qui se precibus meis commendaverunt vel commendati esse cupiunt

piant. Adesto Parentibus propinquis, & benefactoribus meis. Misere omnia pro quibus ego orare debeo, & tu rogari vis. Da vivis veniam & gratiam da defunctis requiem æternam. Amen.

O R A T I O

Ad B. Virginem MARIAM post Missam.

Commendo me tibi Serenissima vereq; inclyta virgo MARIA Cæli ac terræ Regina, quæ in tuo Sacratissimo utero eundem Dominum, quem ego modo suscepi, de Spiritu Sancto conceptum dignè portasti. Precor te Matrem DEI Sanctissimam ut pro me apud eundem Filium tuum intercedas ut quacunq; ratione in sumptione huius Sanctissimi Sacramenti deliqui tu huius negligentiae & indignitatis meae veniam impetres. Tu semper casta, pura, innocens post conceptum filium etiam castior, purior, sanctior, Deoq; gravior evasisti. Utinam & ego tam Divini Sacramenti perceptione ita Sanctificer ut deinceps cor & corpus meum, ab omni læthalis peccati macula tuear impollutum. Tu concepto filio de Spiritu Sancto magnificas laudes DEO late decantasti, & in DEO salutari tuo mirabiliter exultasti. O si tuis efficacibus precibus id assequar Virgo & Mater ut cum hac sacra communionem novum & ardentem spiritum jungam ac semper in gratiarum actione verfer tantoq; hospiti ac Redemptori me nunquam ingratum sed fidum in omnibus ministrum ostendam. Amen.

C O R O N I S

Continens aliquot Monita generalia Sacerdotibus celebrantibus utilissima.

Sacrificium Corporis & Sanguinis Domini quod Sacerdos ex vi quatuor Sacerdotalium officiorum primum conficere debet, tam est sublime, tam augustum, ut sit præstantius omnibus sacrificiis legis veteris, gratius DEO quàm sint omnes amores Seraphinorum & omnium Sanctorum actus intensissimi, imo gratius omni-

manibus actibus meritorijs ipsius Beatissima. Unde si nihil in vita delectabile haberet, quo in hac lachrymarum valle detineretur, propter hoc solum meritissimo longitudinem dierum expetere deberet. Vel etiamsi nulla usquam obligatione ad sacrificandum adigeretur propter hoc solum jure merito nunquam sacrum intermitteret. Ut ergo tam augusta mysteria decenter & debite tractes, ut plausum & approbationem à caelesti curia spectatrice referas sequentia monita studiosè observa.

1. Materias huic actioni debitas cura semper habere exquisitissimas scilicet; panem recentem nitidum, bene pistum, vinum saporis boni, non acetosum, defecatum: Ingens enim incuria ne dicam iniuria est, palato & abdomini suo dulcia, salerna, in hilum mox covertenda desiderare & procurare: Sancto vero sacrificio vinum & acetosum vel fæculentum, quod in pretiosissimum sanguinem Christi debet converti subministrare.

2. Corporalia purificatoria & alia lintheamina in quibus Caro Christi deponitur mundissima & nitidissima fac semper habere. Horrendum enim est visu purioribus lintheaminibus sordes narium excipere quàm depositum pretiosissimum DEI Patris

3. Si inter sacrificandum gustibus devotionis careas noli anxie torqueri sed Divinæ te plenissimè voluntati committe, qui optimè novit quid nobis expediat. Sæpe contingit unctuosè compunctum cum plenus defectibus sit, sibi de eximia Sanctitate ablandire alios despicere, in quibus eas non advertit delicias Spiritus, magno cum suo periculo.

4. Libenter habe & gaude, si in tuo Sacrificio populus ad Communionem accedat. Dabis quippe eleemosynam, quâ neq; DEUS quoad substantiam maiorem præferre potest, & cum Corpore & Sanguine Christi dabis certo, quodam modo gratiarum augmenta, & ita distributione hac multa bona diffundes in alios magno tuo spirituali lucro.

5. Si obvenerit Corporale vel Pixidem purgare, vel plures hostias consecratas sumere noli acediarì & exhorrescere, attendens ad supra nominatam Theologorum sententiam de augmento gra-

to gratiarum, ex duplici fonte oriri solito, manente diutius Christo Domino in ventriculo, & ad exemplum S. Philippi Nerei quid muneris obibat avidissimè.

6. Cum mirè agat dæmon, ut recepto Christo statim ad alia tractanda (esto ea commodè differri possunt) abeamus cave diligenter, ne te statim finito Sacro ad secularia negotia, & quod gravius est, ad inutiles confabulationes, risus oblocutiones, manente adhuc inconsumpto Christo in ventriculo conferas. Est enim usus iste ingens abusus, non sine gravi irreverentia tanti hospitis. Imò causa est (ut dicere solebat S. Teresa) quare homines ex frequenti Eucharistiae usu parùm emolumenti percipiunt. Ergo si non vis abusum hunc committere, & fructu Sanctissimi Sacramenti privari contine te tantisper à verbis, & negotiis secularibus. Et non contentus cantico, *Benedicite*: dum adhuc in te Christus est substantialiter præsens, dic suprapositam gratiarum actionem cum suis affectibus. Post gratias poteris dicere Horas Canonicas, vel lectioni spirituali vacare, ut ita pia hæc recolectio (si confessiones non ingruant) saltem mediam horam contineat.

7. Attende diligenter, ne saltem ante mediam horam post sacrum in terram despuas, vel cibum, aut potum corporalem capias. Cum enim non per quamlibet specierum alterationem, neq; statim atq; in stomachum trajentur, desineret esse panis & vinum, si sub illis speciebus adesset per consequens, & Christi corpus non statim desinit esse. Proinde expecta tantisper donec species alterentur & corrumpantur. Neq; enim decet, inquit Bonacina cibum corporalem cum Christi Corpore miscere, multo magis in terram exptuere & conculcatui tradere.

Atq; hæc ex multis pauca de praxi Celebrandi Missam dicta sunt in laudem & gloriam Agni Immaculati, Sacerdotis & hostiæ, offerentis & oblatis, continentis & contenti in Sanctissimo Missæ Sacrificio & Sacramento. Utinam quem hæc sub speciebus tangimus facie ad faciem in cælis videamus.

§. VI.

Praxis persolvendi Spiritualia Exercitia.

Multa quidem sunt media profectui spirituali, & renovandæ in melius præteritæ vitæ recollectioni; interiori valde servientia, sed inter ea, experientia edocente, nullum facilius, nullum efficacius exercitijs spiritualibus, quibus aliqui decem dies, aliqui minus, aliqui plus, remoti à quavis humana conversatione, distractionem adferente, impendere solent. Nos ex præscripto Statutorum decem dies sacro huic otio solemus dare, quod ut cum maiori fructu fiat sequens methodus ad amussim observari debet.

Ante Exercitia facienda.

Priusquam Exercitia auspiceris: Inprimis præfige tibi certum aliquem finem, propter quem, vel quem hoc Sacro decemdiennali secessu velis obtinere. Hic autem finis potest esse varius pro diversitate necessitatis. V. G. ut recollectio interior, vel reformatio alicuius vitij vel defectus. Vel acquisitio solida alicuius necessariæ virtutis, vel dispositio ad aliquod officium ritè obeundum, vel deniq; alia pia necessitas.

2. Habito fine præfixo Exercitiorum excita in te vehemens desiderium, negotium hoc perfectissimè peragendi tanquam primum & ultimum foret, & ideo tibi à Domino Deo concessum ut per illud præteritam vitam in melius renoves, & ad ineundam æternitatis viam te disponas sicut suprema vitæ meta te disposuisse velles, quod ut facilius assequaris, sequentem Meditationem pridie Exercitiorum instituas.

M E D I T A T I O.

Praludium 1mum. Statue tibi ante oculos Christum Dominum quasi Magistrum seu Doctorem desiderantem illuminare, & edocere animam tuam, dum modo etiam tu, ad percipienda verba ipsius, verba viæ, & vitæ æternæ, seriò te applicaveris.

Praludium 2dum. Pete efficacem gratiam, proijciendo te, vel cum publicano, vel cum filio prodigo, vel cum Maria Magdalena

ad pedes eius auscultandi & exequendi, quidquid ipse cordi insurraverit.

Punctum 1mum. Cogita Deum advertentem magnas tuas imperfectiones, & negligentiam in vocatione indeq; gravius iudicium quod te expectat, quod ne incurras cogita. 2do Deum ex singulari erga te benevolentia immittere tibi ad cor inspirationem modumq; per hæc Exercitia procurare, ut tuas imperfectiones videas corrigas virtutes quæ tibi desunt acquiras ipsumq; magis ac magis adames.

Punctum 2dum. Cogita Deum te alloqui, & ad vitam renovandam excitare illis verbis Apocalipticis 3. c. hæc dicit. Qui habet septem Spiritus Dei, scio opera tua, quia nomen habes quod vivas, & mortuus es. Esto vigilans, & confirma cætera non enim inuenio opera tua plena coram Deo meo, age penitentiam, &c. Et illis alijs verbis ex eadem Apocalipsi. Angelo Laodiceæ scribe, scio opera tua, quia neq; calidus es, neq; frigidus, propterea incipiam te euomere ex ore meo dicis quod sum dives, & locupletatus, & nullius egeo, & nescis quia tu es miser, & miserabilis, & pauper, & cæcus, & nudus. Suadeo tibi emere aurum ignitum ut locuples fias, & vestimentis alijs induaris, ut non appareat confusio nuditatis tuæ, & colyrio inunge oculos tuos ut videas.

Punctum 3tium. Expende finem horum Exercitiorum DEO, Beatissimæ Virgini, Angelis, Sanctis tuis Patronis acceptissimum, tibi, proximisq; tuis utilissimum. Porro finis hic varius assignari potest. 1mus. Est vera sui cognitio & recollectio. 2dus. Maximè tibi familiarium vitiorum extirpatio. 3tius. Passionum mortificatio. 4tus. Virtutum solidarum comparatio. 5tus. Præteritorum peccatorum detestatio, pro illisq; satisfactio; vel alia pia uti supra insinuaui necessitas. Fortè si teipsum cognosceres Deo melius deservires; fortè vitia tibi quotidiana, quæ pro vilibus reputas Deo maximopere displicent, & ne tibi alia charismata communicet, impediunt: fortè immortificatio tua plurimos scandalizat, fortè post 20. transactos in Religione annos nullam solidam virtutem

ratem habes; fortè Deus ex sua occulta iustitia, præterita vitæ tuæ pænitentiam, & contritionem non acceptavit; fortè nullum ex tuis operibus hucusq; illi gratum fuit. Nemo enim scit an odio vel amore sit dignus. Quare concipe fervens desiderium Exercitia hæc deuotissimè, & diligentissimè peragendi, ac si modo primùm & ultimò Deo seruire inciperes. Et ideo in colloquio gratias age Deo pro occasione ista faciendorum Exercitiorum, & offer te ad ea quam diligentissimè peragenda, audiendiq; & faciendi, quidquid Dominus ad cor locutus fuerit dicendo cum Psalmista: Da mihi intellectum & scrutabor legem tuam, & custodiam illam in toto corde meo. *Et cum Samuele: Loquerè quia audit servus tuus.*

Tum procidat in faciem suam, & dicat Psal. Miserere. & Hymnum. Veni S. Spiritus, cum collecta, Mentem nostram &c. Ad Beatissimam verò Virginem dicat per te accessum habeamus ad Filium, &c. vel Ave Maris stella. Ad S. Paulum Primum Eremitam dicat: Per merita Sancti Pauli, Christe nos exaudi, atq; eius precibus, &c. Vel, Hic vitam Eremiticam, &c. Hæ Orationes & aspirationes, possunt non tantum pridie in fine Meditationis, sed qualibet die ante inchoationem Exercitiorum, & quarumlibet meditationum recitari.

In ipsis Exercitijs præstanda.

1. In loco meditationis fortiter apprehendat præsentiam Divinam & Sanctorum & in conspectu illorum omnia sua peragat.
2. Antequàm meditari vel quidpiam facere incipiat, invocet per pia, suspiria DEUM Beatissimam Virginem & S. Paulum ut supra vel in hunc sensum Domine JESU qui es via veritas & vita per illam contemplationem tuam in deserto, eia doce adjuva illumina faciem tuam super servum tuum &c. Sanctissima Mater illuminatrix Doctorum impetra cæco mihi lumen cæleste ut videam *Sancte Paule intercede pro indigno filio.*
3. Instructorem tanquam instrumentum DEI cùm reverentia ac confidentia, excipiat, audiat, sincerèq; manifestet quas consolationes desideria proposita habuerit. quæ etiam proposita scripto adnotabit ut suo tempore in parvam reducantur.

4. Len.

4. Lento passu procedat in Meditando & si aliquem affectum notabiliter sentiant in aliquo puncto diutius in eo immoretur ad alia non properando. Si autem ariditas superveniat non ideo desperet sed se magis humiliet, mortificetq; indignumq; se reputet consolationibus, & illuminationibus, Totam ipem, in mera bonitate Divina reponendo, quia dum veniet voluntas & hora DEI, etiam per unum verbum venient tot lumina, tot pii affectus, insuper & tantum robur ad exequendum supra quam sperari possit.

5. Nullas Meditationes aut penitentias assumat, præterquam ab Instructore Spirituali assignatas.

6. Quam diu exercetur propter recollectionem Spiritus conservandam, cum nullo, nisi tempore recreationis idq; ex consilio Patris Spiritualis, colloquatur.

7. Distributionem temporis quid singulis agendum horis, quidve Meditandum præ oculis semper habeat & studiosè observet.

8. Memor item sit Indulgentiæ plenariæ a Paulo V. nobis concessæ, cum hac tamen conditione, ut in hoc sacro secessu qualibet die saltem duabus integris horis Meditationi vel Sacrorum recogitationi vacemus.

Post Exercitia Observanda.

1. Evoluto tempore Exercitiorum Offer Christo tuos conatus coram Venerabili Sacramento perficiendos, agnoscendo te sine illo nihil posse.

2. Deinde cum filiali fiducia expose per infinitam bonitatem ejus per merita Beatissimæ Virginis Sanctorumq; omnium, efficacem gratiam conceptis Divinis inspirationibus in his exercitijs suo tempore cooperandi.

3. Post hæc gratias age pro omnibus beneficijs tibi hucusq; datis & maxime pro occasione & modo, & inspiratione persolvendi hæc Exercitia subijciendo Te DEUM Laudamus.

4. Demum ad minimum semel per mensem lumina in his exercitijs habita, & nota relege proposita renova teq; identidem ad eorum executionem exstimula ut hac ratione conceptum fervorem continues teq; re ipsa Patri luminum gratum exhibeas; vel si placet assume sigillatim exercitium uniuscuiusq; diei per unum integrum mensem practicandum eo ordine quem in exercitijs tenuisti; V.G. Pro mense primo assume exercitium primum de præsentia Divina in ea; te diligentius exerce. Pro mense secundo assume de fine ultimo: Pro tertio de pec-

cato

caso & sic per consequens usq; ad finem, singulos dies singulis mensibus tribuendo Exercitiaq; præterita repetendo & quasi per totum annum faciendo.

§. VII.

Praxis piæ & Honestæ Decumbendi

FActo accuratè utroq; examine conscientia salutato venerabili Beatissima virgine Angelo custode cum Patronis & benedictione pro nocte feliciter transigenda accepta, perge ad cellam, dicendo Psal: Miserere.

2. In cella memor DEI Angeli præsentis honestè te ad quiescendum compone atq; inter exuendum mente revolve vel Christi denudationem in Passione vel animæ tuæ nuditatem ob gratiæ virtutumq; inopiam: vel horam mortis quâ omnibus rebus nudaberis.

3. Priusquam decumbas flecte paulisper ante lectulum & brevissimè ruminare, vel quietem beatorum in cælis: Vel damnatorum æternos cruciatus: Vel Christi Domini supra lignum Crucis immanem, ita ut nervi rumperentur projectionem & extensionem. Tum subiunge intentionem te velle dormire non ut voluptati sensualitatis deservias sed ut vires pro DEI gloria propaganda repares quam singulis respirationibus desiderabis spirare, imo reipsa non minùs quàm vigilando Domino tuo sic vitæ rationes constituenti cupies reddere.

Unias futurum somnum cum somno Christi JESU & pere humiliter ut te ab omnibus indecentibus somniis, illusionibus, bestialibus commotionibus præservare dignetur, quæ omnino contra tuam voluntatem, si forte contingant in somnis, fore protestaberis.

Et quia somnus est imago mortis, resignabis te plenissimè in manus Creatoris tui DEI tam ad vitam quàm ad mortem, Cruceq; lectum signando ter JESUS inclamabis tum decumbes.

4. Conare autem quàm decentissimè decumbere, scilicet honestè tectus, iunctis in modum Crucis manibus linteis circumquaq; involutis genibus: Non supinus neq; terga versus sed in latus. In summa ea Virginali modestia quæ servum DEI Angelicam in terris puritatem æmulantem decet.

5. Postquam te sic ad quiescendum composueris, modico ante somnum spatio excita desiderium horâ statuta surgendi, & totum sequentem diem sanctè transigendi, ruminando breviter. Vel praxim piæ surgendi: Vel puncta futura meditationis: Vel brevitatem & incerti-

incertitudinem futura vitæ potest enim contingere ut amplius de hoc lecto non surgam &c. Vel multitudinem dierum negligenter hucusque transactorum vel alia similia.)

6. Si ante somnum subrepat indecens Sathæ suggestio, aliq̃ tentatio cave ne in illa obdormias sed quam primum opportunis medijs reprimas: Qualia sunt: Passionis Christi Meditatio. Beatissimæ Angeli Patronorum invocatio, novissimorum & æternitatis recordatio; humi-cubatio disciplinæ carnis compunctio &c. Eadem remedia servient nocte expergiscenti si similis infestatio inimici insurgat.

7. Quoties expergisceris toties JESUS MARIA vel Gloria Patri ingemina, vel alijs pijs suspirijs mentem in DEUM eleva ita tamen ne somnus naturæ necessarius plus æquo abruptatur.

Quæ si impleveris exigilabis olim feliciter in diem beata æternitatis.

EPILOGVS.

EN habes Charissime Frater breviter sed sufficienter quod ingentibus comprehenditur voluminibus ABECEDARIUM PERFECTIONIS, verum nimium imperfectum frustraneum & prorsus inutile si quæ scripsisti ad Praxim non reduxeris. Si frustraneum est leges habere in codice & ex illis nihil observare aut modice: Si inutile est præcepta tantum in capite portare & opere illa ad executionem non deducere: Si vanum & futile est multa bona scire & nihil boni facere: profecto magna tua vanitas, magna imperfectio, cachinnis ab omnibus merito explodenda. si leges, si præcepta, si instrumenta, & varia media Perfectionis acquirenda in libris habueris & ipse totus plurimis imperfectiõibus inordueris. Cura igitur diligenter ut scientia Perfectionis & Mediorum ejus non sit in te imperfecta & inutilis, conjunge opus cognitioni, gratia & adjutorio Magistri omnis Perfectionis Domini Nostri

JESU CHRISTI.

O. A. M. D. G.



291
9441

... to Lind, no signature
... of yourself only. 10


VI. 27

300,-



**Bibliotheca
P.P. Camaldulensium in Bielany**

Depozyt w Bibliotece Jagiellońskiej



04603

Čego bto mi ravije tega i mi njeze,
 Mi bogo se vidat! Ča pa mi
 čičerina vrazostke videt! Ne tyi njeze
 spravac se njezina. Im tvoj bto spravac
 tak odbratrom se staje. Tak volie bto spravac
 tak se i vrazni! Moza bto spravac
 vrazniac se i vrazni. Mle bto spravac
 spravac.

Handwritten text on the left margin: *Handwritten text, possibly a signature or date, partially obscured by the binding.*

For the year 1811

F